

Miti Mande Lukiko

Nakayáŋaró Mu

Mande Kembé

Sokome ŋako Yesuko **Mesaiya** tero maheró koro sowo mande ka. Komo suki uni kato sokome ŋa **Grik** mandewore nakayáŋaró, quko enejo owí kama nakayáŋaró. Itaka iŋo-iŋo uni kumimbo ŋande yeteŋgo, ko sokome ŋanoko Grik mande kekere piyimi mu yote. Uni nakayáŋaró ŋuko iŋo-iŋo parámi moré, ko Grik mande nakayáŋowero murí ŋuko iŋomukaró. Sowu mande ŋako Juda uni kumimbo o taŋgurí quro mande ka, quko nakayáŋaró qundo sowo mande ŋa **uni wini meyowo** koro nakayáŋaró. Ijunde ŋuroko Juda uniparetoro muriye kumi wisiyo yunoyaró. Ijuya Yesu koro usisambatoro sowo mande Atam noŋgo qu nakayáŋaró.

Iju naruko ŋuno Israel mirako ŋuno Juda unipareto enejo miraye kama sopoyanŋurí. Hamó, enejo uni kembéyembo sopo yereŋgurí, quko wiri yerete uni meywombo uni kembé ŋu wiri yereyara. Wiri yerete uni parámi ŋuko **Rom** uni ka, ko enejo kuma unindo unipare soso mirane-mirane kondé yondowoyanŋurí.

Asa nimímbo Yesu pisiyoní parámi tero hurí tero kho tero **Anutuko unipareto wiri yereweya naruyó** ŋuro yesowoyaró. Yate-yate Juda koro uni kembé-kembémbo Yesu koro mandí ŋuro piyimiŋoro saŋgirí tero rero **Rom** koro sopo-sopo unindoro kandímo raŋgurí. Ijunde raŋoyi Yesu uroní khumaró. Khumoní Anutuko riní pitu ko otoqaró. Ko enendo itaka samboko yote.

Uni mande ŋa nakayáŋaró quro owí sokomeko kama yote, quko iŋo-iŋo uni qambu ŋande iŋoyotengo, ko Pol koro topé, Luk, nakayáŋaró. Sokome ŋaya Asa yerewí Uni sokome ŋuya sowo mande kanata quro sombé-sombé titiri, ko irisa koro mandeyarimboru murí ŋunde naŋge. Ijunde ŋuroko uni kanatako sokome irisa-irisa ŋu nakayáŋaró. Ijundiro naŋge nore sokome ŋaro yeteto, Miti Mande Lukiko Nakayáŋaró Mu, dokoro **Mesaiya** maheró koro piŋa mande ŋuko **miti mande** ŋundiro. Lukiko Juda uni kini, ko enendo Grik muriyewore sukuli tero dota tunoqaró. Polko kho tero uyareyate naru kumimo Luk eneya uyareró. Sokome nakayáŋaró quro naruyó muko 61AD koya 62AD keweroko peka. (Asa “61AD” murí muko ŋandiro, Yesu pisiyaró, yate kumima naru 61 ŋunde rotaró. Nore kumima naru 2,000 ŋunde rotoro yate itaka yoteto.)

Asa mande korete quno Lukiko n̄ande yaró, ko enendo Yesu naruyómboro sowo mande horé riní tunoqewero quro mande n̄a nakayáñaró. (*Luk 1:1* weyo qembe.) Enendo Yesuko unipare enesó-enesó newonde hamó yunoyote n̄uro nore wítú yereró. Hamó, tapara mande kate-kate yero uni ononoye moré kini qambu n̄uya unipareto quhuri korowoyañgurí n̄uro yaró. Sokomeko n̄ano nore qene iñowato, ko **Kristo** maheró, quko nore niñgu-niñgu yunaró, ko rambaruru koñgo noriní o meté horé ka rewato n̄uro iño-iño ka nunaró.

Mande korete qu

1 ¹Komo uni qambu qundo Anutuko o soso riní nore keweronanimo tunoqaró n̄uro sowo mande meté n̄u nakayáñangurí. ²Sowo mande n̄u uni toñyembo o soso n̄u qenero Anutu koro mandímboro sopo-sopo uni tunoqañgurí n̄u, eneñombo mande n̄u nore soso yimirañgurí. ³Ñunde n̄uro, uni parámíne Teopilus, no n̄uya sowo mande n̄u hurí taró qu noñgo okeyá ta nakayáñoro rewe keno maheweya, ye iñanowó. ⁴Ñunde tewe, keto o soso iñaró n̄uko hamó nanje, ye iñoweya.

Jon tunoqaró n̄uro piña mandeyó

⁵Asa Herot,^a Judia mira koro wiri yerete uni n̄u, yoníqo, o qa-qa uni ka owí muko Sekaraia yora. Eneño o qa-qa unindoro kho winiyó^b n̄uko Apiya koro wini n̄u. Parí muko Aron koro sowe qu,^c owí muko Elisapet. ⁶Yereka irisa n̄uko Anutu toñímo roneneñowí yariyó,^d Uni Parámimboró mande kondé n̄uya ore mande n̄u soso okeyá ta howeyari. ⁷Quko simóyari moré kini, dokoro Elisapet n̄u kusimi yora. Ko yereka n̄u koñgomu tariyó.

⁸Naru kano eneño o qa-qa unindoro kho winiyómboro naruye tunoqaró quno Sekaraiako Anutu toñímo kho taró. ⁹Ñu naruko n̄uno topé-topémbo muríye howero ene rokóñoyi o nuñgurí meté mu qawero quro^e Uni Parámimboró Ya Surumímo^f oró. ¹⁰O qa-qa n̄u tewero naruyómo n̄uno oníqo, unipare qambu n̄undo Ya kimbino koporo hariri teyangurí.

^a **1:5** “Herotko” Juda unipare sopo yereró, quko enendo *Rom* koro wiri yerete uni parámi kasirayemo yora. Wiri yerete uni parámi n̄undo owé parámi ka Herot inaró. ^b **1:5** “o qa-qa uni” n̄undo *Ya Surumímo* Anutu koro kho teyangurí. Ene soso rondañi huru-huru 24 tunoqiní huru-huru kanata kako Ya Surumí n̄uno sonda irisa quno n̄uno kho teyangurí.

^c **1:5** “Aron” n̄uko *Moses* koro payó, komo suki o qa-qa unindoro tapá uni korete qu tunoqaró. ^d **1:6** “roneneñowí tete” n̄uro murí muko n̄andiro: asa Anutuko uni ka, pare ka yiyoro potó moré kini tiní eneño unipare qu ka tunoqetengó. ^e **1:9** Naru rokóñoro “o qa-qa uni” n̄undo wondo yakutímo o nuñgurí meté ka qaró. Qaní pukatutu Anutu samboko oro o qa-qa n̄unde qu taró. ^f **1:9** “Ya Surumí” n̄uko Anutu koro ya qu, n̄unoko Juda unipareto Anutu koya huruwowero quro hu-hariri teyangurí.

¹¹Asa Uni Parámimboro sambo simó^g kato Sekaraiako tunoqero o qa-qa nuṅgurímboro wondo yakutí kandí kondéwore ṅuno kaṅaró. ¹²Kaṅiní qenero yukuwo sasaro parámi taró. ¹³Ṃunde tiní sambo simó ṅundo ṅande miraró, “Sekaraia, ke ma sorewero, Anutuko haririke iṅote. Ko pareke Elisapet simó urumuni ka pisiyoweya. Ke owí Jon ye qembe. ¹⁴Ke niṅgu-niṅgu teweya, ko newondeke meté horé yoweya. Ko unipare qambu qundo simó tunoqeweya ṅuro niṅgu-niṅgu tewango. ¹⁵Dokoro ṅu simó ṅuko Anutu toṅímo owé parámi reweya. Wain koya sono kondé soso ṅu kama neweya. Nimí qahímo yoroweya quno ṅuno Yuqa Surumí^h ṅundo eneno maṅgoreyoweya. ¹⁶Ko enendo Israel unipare qambu rohoré yiriní Uni Parámi, Anutuyemo uyarewango. ¹⁷Enendo Uni Parámi toṅímo khe howero Elaijaⁱ taró ṅunde qembe Yuqa koro wimbí tero awa-awaye naṅo-simóye yoriní newonde kanata na tewango. Ko uni mande wenda-wenda teteṅgo qu roṅgaru yiriní iṅo-iṅo roneneṅowí mu tewango. Ṃunde tero unipare yoriní Uni Parámi maheweya ṅuro sopowango.”

¹⁸Sekaraiako sambo simó ṅande miraró, “Ṃunde quko no date tero mandeke ṅu hamó, ye iṅowano? No koṅgomu tanowó, ko parene ṅuya koṅgomu taró.”

¹⁹Ṃunde yiní mande topé ṅande yaró, “No Gabriel, no Anutu toṅímo kaṅeyoteno. Anutu eneṅombo nimironí piṅa mande meté ṅa kimirowero re umbuteno. ²⁰Asa qeno, ke mandene kama iṅondutuwoyote. Ṃunde ṅuro itaka ṅano yate Anutuko o ṅu rokóṅoní tunoqeweya ṅuro naruyómo ṅuno maṅgoke kusiyoní mande yewero mepémo kini teweya.”

²¹Asa unipare Sekaraia soporo naru piru Ya Surumímo yoraró ṅuro iṅondata parámi taṅgurí. ²²Yate yendémo umburo mande yimirowero mepémo kama taró. Ṃunde ṅuro, enendo kapo ka Yano ṅuno qenete, yero iṅaṅgurí. Maṅgó kusiyowí qembe tero kandímbo naṅge rokó-rokó teyaró.

²³Tukú eneṅo khoyó kini tiníqo, yendéyómo toṅjeró. ²⁴Imemongo parí Elisapet ṅu qahu tero sóqeyoní kombo kandeka kini taró. Ṃunde tiní ṅande yaró, ²⁵“Ṃundiro naṅge Uni Parámimbo o meté te nunaró. Te nunoro neneṅo kowi piyone riní unipare toṅeyemo kini teweya.”^j

^g 1:11 “sambo simó ” ṅuko komo suki-suki Anutuko unipare kama yoriní tunoqi sambo simó yondowaró. Ko itaka eneṅo sunará teyotango. ^h 1:15 “Yuqa Surumí ” ṅuko Anutu koro Yuqa naṅge. ⁱ 1:17 “Elaija ” ṅuko Anutu koro ye-ye uni komo qu ka, komo suki kama khumoní Anutuko kina riní samboko oró (2 Wiri yerete Uni 2:11 weyo qembe). Malakai 4:5-6 ṅande yete, ko Elaija pitu ko mahero o ka roṅgaruwoníkata Anutuko unipare soso ronda yereweya. ^j 1:25 Ṃu naruko ṅuno pare ka kusimi tero kowi piyo taró. Ṃundiro unipareto ṅande ye iṅaṅgurí, ko Anutuko pare ṅu topé piyimi inaró.

Yesu tunoqaró ñuro piña mandeyó

²⁶Kombo sanjiyo kanata ñunde quno Elisapet qahu teyoní Anutuko sambo simó^k Gebriel ñu asáñoní ²⁷pare keta kamí moré kini qu ka Galili mirako Nasaret yendémo ñuno uyaró. Pare keta ñuya uni ka, owí muko Josep, ñuya epe re-re tewari, yero piña ye yunangurí. Josep ñuko Dewit^l koro sowe qu. Pare keta ñu owí muko Maria.

²⁸Asa ñuno uyaro pare ñande miraró, “Ke pare puriño raró ñu, naru meté. Uni Parámimbo keya yote.”

²⁹Yiniqo, iñondata parámi tero, ña do karo ñunde yete, yero iñaró. ³⁰Asa sambo simómbó ñande miraró, “Maria, ke ma sorewero. Dokoro Anutuko iño kunoyote. ³¹Qeno, ke qahu tero simó urumuni ka pisiyoweya. Owí Yesu^m ye qembe. ³²Enendo owé parámi reweya, kowe unipareto, Anutu Koreko Horé yote ñuro Nañuní, ye nekoyowañgo. Anutu, Uni Parámi ñundo riní eneño usí Dewit koro yakutímo kunditero ³³naru suki-suki Yakop koro wini ñu wiri yereyoweya, wiri yereweya ñuko kama kini teweya.”

³⁴Ñunde yini Mariako ñande oseseyaró, “Ñu date te tunoqeweya? No uni ka kama ranowó.”

³⁵Yini mande topé ñande yaró, “Yuqa Surumíⁿ ñundo poka kiriní Anutu Koreko Horé yote ñuro wimbímbo yoño kereweya. Ñuroko oña ñuko meté horé yoní, Anutu koro Nañuní, ye nekowañgo. ³⁶Iño, nuweñge Elisapet ñu koñgomu tero kusimi taró, quko itaka ka qahu tero simó urumuni ka pisiyoweya. Itaka qahu tero kombo sanjiyo kanata ñunde kini tete. ³⁷Anutuko oka tewero kama rukusuwoweya!”

³⁸Ñunde yini Mariako ñande yaró, “Qeno, no eneño sunará pare. Ke yete ñundiro nono tunoqini.” Ñunde yini sambo simó ñu roto toñeró.

Mariako Elisapet qenewero uyaró

³⁹Ñu naruko ñuno Maria otoqoro Judia koro mira purí-purímo yendé kano waka ta oró. ⁴⁰Oro enendo Sekaraiako ya ñuro quroko oro Elisapet qenero, “Naru meté,” yaró. ⁴¹Yini Elisapetko mandí iñoní simó qahímo yaró ñu sore-sore taró. Ñunde tiní Yuqa Surumí ñundo Elisapet newondímo mañgoraró.

⁴²Mañgoriní ki parámi tero ñande yaró, “Anutuko puriño te kunoní pare soso taka yereyote. Ñuya Anutuko simó qahuñgemo puriño te

^k 1:26 “sambo simó” ñuko komo suki-suki Anutuko unipare kama yoriní tunoqi sambo simó yondowaró. Ko itaka eneño sunará teyotengó. ^l 1:27 “Dewit” - komo suki Dewitko Israel uniparetoro wiri yerete uni taró. Anutuko Dewit kondé iño inaró, ko yate-yate Israel unipare ñuyako Dewit kondé iño inangurí. ^m 1:31 Owé ñu, “Yesu”, ñuro murí muko ñandiro: “Uni Parámimbo rambaruru koñgo yoreyote.” ⁿ 1:35 “Yuqa Surumí” ñuko Anutu koro Yuqa nañge.

inoyote. ⁴³Date koro Uni Paráminemboro nimí ñundo nono mahete?
⁴⁴Qeno, keño mandeke ñu iñoweño, simó qahunemo ñundo ñiñgu-ñiñgu
 tero sore-sore tete. ⁴⁵Keto ñande iñondutuwoyaró, do ka Anutuko no
 nimiraró ñu hamó tunoqeweya. Ñunde ñuro ke puriño ka rete.”

Maria koro yambo

⁴⁶Ko Mariako ñande yaró,

“Newondenembo Uni Parámimboru owí hokoyoteno,

⁴⁷ ko yuqanembo Anutu, no Rambaruru Konjo Norewero Uni ñuro
 ñiñgu-ñiñgu teyoteno,

⁴⁸ dokoro, eneño sunará pare ñuko owí moré kini ñuro iño nunaró.

Hamó, imemoño Anutuko puriño ka nunaró ñuro unipare soso
 gene iñowaño,

⁴⁹ dokoro Uni Wimbí Moré ñundo kondé samaka nereró.

Ñunde tero owí meté horé tete.

⁵⁰ Naru suki-suki enendo unipare soso
 eneño sasaro tetengo qu sikíye te yunoyote.

⁵¹ Kandeto o wimbí moré^o qambu teyote.

Enendo uni kumimbo eneño owéye hokoyotengo ñu yorini umbu
 wisikarajoyotengo.

⁵² Enendo wiri yerete uni owéye rini umbuyote,

quko eneño owéye ri umbuyote qu ñu owéye hokoyote.

⁵³ Unipare o qoyembo khumoyotengo ñu o yunoni nero qahuye
 tinditeyote,

quko onoño unipare oka kama yunoro kina yohoweyote.

⁵⁴ Enendo Israel,^p eneño sunará simó ñu,

samaka yerero sikíye te yunoyote.

⁵⁵ Dokoro naru suki-suki ñunde enendo teyoweya ñuro

usisambanani Abraham koya eneño sowe qu ñunde yimiraró.”

⁵⁶Ñunde yero Mariako Elisapet koya kombo kapusa ñuno yate rotoro
 yendéyomo toñeró.

Elisapetko Jon pisiyaró

⁵⁷Asa naru kini tiniño, Elisapet simó urumuni ka pisiyaró. ⁵⁸Pisiyoní
 yendé uniparetoya suwisawiyómboya Uni Parámimbo Elisapet sikí
 parámi te inaró ñuro iñoro eneya ñiñgu-ñiñgu tañguri.

^o 1:51 “o *wimbí moré*” ñuko o enesó-enesó tunoqini Anutu koro wimbí ñunde tunomo
 yoweya. ^p 1:54 “Israel” ñuko *Abraham* koro usí, owí kako “*Yakop*”, Juda uniparetoro
 pukoye. Ñuya “Israel” ñuko mira karo owí ka. Ñu mirako ñuno Juda unipare
 kunditeyanguri.

⁵⁹Asa kosa naru kande sanjyoro kapusa ηuno simó kowí toŋowero⁹ kopangurí. Koporo, iwí Sekaraia koro owé qu inowato, ye inangurí.

⁶⁰Quko nimímbo ηande yaró, “Kini. Owí muko Jon,” yaró.

⁶¹Yini ηande mirangurí, “Keŋo suwisawike ka, owéye ka ηunde kini qu,” yangurí.

⁶²ηunde yero kandeyembo nange rokó-rokó tero iwí ηande osese tangurí, simó ηu do owé ka inowato. ⁶³ηunde tiqo, kandímbo rokó-rokó tini sokome inoyi ηande nakayáŋaró, “Owí muko Jon.” Nakayáŋoni genero inondata parámi tangurí.

⁶⁴ηu naruko nange Sekaraia maŋgo meté tini mande yero Anutu owí hokaró. ⁶⁵Yendé unipare soso qenero sasaro tangurí. Ko o soso tunoqaró ηuro mande piŋa Judia koro mira purí-purímo yendé soso ηuno uró.

⁶⁶Uni soso piŋa mande inoro inondata tero ηande osese tangurí, “Simó ηuko, date uni ka tunoqeweya?” yangurí. Hamó, Uni Parámimboro kandí simó ηu saŋano yora.

Sekaraiako ye-ye mande ka yaró

⁶⁷Asa Yuqa Surumí^r ηundo iwí Sekaraiako maŋgorini ye-ye mande ka ηande yaró,

⁶⁸“Nore Uni Parámi, Israel koro Anutu ηuro owí hokato.

Dokoro enendo mahero eneŋo unipareyó kimo yerero

⁶⁹unipare rambaruru koŋgo yorewero quro

eneŋo sunará simóŋo Dewit koro sowe qu ka riní otoqaró.

⁷⁰Komo suki Anutuko o ηuro

eneŋo ye-ye uni meté horé maŋgoyemo yaró.

⁷¹ηande yaró, ko saŋgirínani moŋgo nore norero

uni newonde piyimi te yunoyoteŋgo qu kandeye moŋgo yoreweya.

⁷²ηunde tero usisambananimboro sikíye te yunoro

mande kondé surumí komo kusiyaró ηu inoyote.

⁷³Mande kondé ηunde yero

usinani Abraham ηande miraró,

⁷⁴ko uni saŋgirí kandeye moŋgo nore norini

khoyó meté tewero quro kama sorewero

⁷⁵naru rokóŋoro eneŋo toŋímo

otete roneneŋowí howero meté horé tero kho ηu tewato.

⁷⁶Naŋone, ke Anutu Koreko Horé yote ηuro ye-ye uni ka, ye neko kerewaŋgo.

⁹ 1:59 “kowe toŋowero” murí muko ηandiro: Juda pareto simó urumuni ka pisiyoni kosa naru kande sanjyoro kapusa ηunde rotoní *hutuŋo mande* howero kowí toŋangurí. ηunde tero eneko Anutu koro simó rokóŋangurí. ^r 1:67 “Yuqa Surumí” ηuko Anutu koro Yuqa nange.

Dokoro keto koretero uyaro Uni Parámimboru kheyó roŋgaruwoweya.

77 Ŋunde tero keto eneŋo unipareyó ŋande yimitoyoweya, ko enendo quhuriye se rotoro rambaruru koŋgo yoreweya.

78 Dokoro enendo newonde surumí tero nore sikinani te nunoyote. Ŋu muríwore kosa areró ŋundo kore koŋgo noreno mahero

79 uni huririko yoteŋgo quya

kindo khumowero kusunoyómo yoteŋgo quya hiyó yunoro khe newonde ime qu nore witú yereweya.”

80 Asa simó ŋu wotero parámi tiní yuqayó wimbí kondériní uyaro mira wimbímo^s kunditero, yate-yate Israel ŋunoko tunomo yoweya quro soparó.

Mariako Yesu pisiyaró

(Matyu 1:18-25)

2 ¹Ŋu naruko ŋuno Rom^t koro wiri yerete uni parámi horé ŋu, owí Sisa Okastus,^u ŋundo hutuŋo mande ka raró. Hutuŋo mande ŋuko ŋandiro: unipare soso enendo wiri yereyara ŋundo owéye nakayáŋowango. ²(Uni kembé ka, owí muko Kwirinius, ŋundo Siria mira parámi ŋu sopoyaró naruyómo ŋunoko, unipare naru korete qunoko ŋunde owéye nakayáŋoyango.)^v ³Wiri yerete uni ŋundo hutuŋo mande ŋunde yiniŋo, unipare soso eneŋo yendéyemo owéye nakayáŋowero toŋeŋguri.

⁴Asa uni ka, owí Josep, Galili mira koro yendé ka owé Nasaret ŋuno yora. Quko eneko Dewit koro sowe qu ka.^w Ŋunde ŋuroko Nasaret rotoro Judia mirako oro Dewit koro yendé ŋu, Betlehem ŋuno oró.^x ⁵Josep koya Maria koya epe re-re tewero ye iŋoyariyó. Ŋunde ŋuroko owéyari nakayáŋowero oriyó. Ŋu naruko ŋuno Maria qahu taró.

⁶Betlehem ŋuno yate Maria simó pisiyowero naruyó tunoqiní ⁷simó urumuni ka, simó korete qu pisiyaró. Pisiyo rotoro tuwipo pokamoro makao koro kondó quroko rotaró, dokoro ya etewero ŋuko maŋgoraró.

^s 1:80 “mira wimbí” ŋunde quko te moré kini, ko uni kumimbo ŋuno kama kunditeyotengo. ^t 2:1 Komo suki, asa Yesu naruyómo ŋuno, wini kanata nanŋe, Rom uni ŋundo uni wini meyowo qambu wiri yereŋguri. ^u 2:1 “Okastus” ŋuko Rom koro wiri yerete uni korete qu. “Sisa” ŋuko eneŋo winiyómboro owéye, quko yate-yate muri muko ŋande taró: “wiri yerete uni.” ^v 2:2 Ŋu naruko ŋuno Rom koro wiri yerete unindo Kwirinius owí riní Siria mira parámi ŋu sopoyaró. Asa Juda koro miraye Siria mira parámimboru sombé ka taró. ^w 2:4 Komo suki “Dewitko” Juda unipare wiri yereró. Ŋu naruko ŋuno Anutuko Dewit ŋande miraró, imemongo keŋo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). ^x 2:4 “Betlehem yendé” ŋu Yerusalem kutaqemo yora, khe ŋu piruyó muko kilomita 10.

Sambo simómbo sipsip sopo-sopo uni piña mande ka yimirangurí

⁸Ŋu suwono ŋuno sipsip sopo-sopo uni yendé sumeyoro ŋuno sipsip sopo yereyaŋgo. ⁹Sopo yiri Uni Parámimboro sambo simó^y ka eneno umbuní, Uni Parámimboro sine parámi tunoqíní qenero sasaro parámi taŋgurí. ¹⁰Sambo simó ŋundo ŋande yimiraró, “Ye sasaro ma tewero. Injoyí. Nondo miti mande ka re yeno umbuteno. Mande ŋako unipare soso inoro niŋgu-niŋgu parámi tewyaŋgo. ¹¹Itakako Dewit koro yendémo ŋuno pare kato Rambaruru Koŋgo Yorewero Uni ka pisiyote. Ŋuko Kristo,^z Uni Parámi ŋu. ¹²Ko ye rokó ŋande naŋge qene inoyaŋgo, asa simó pisiyoro tuwipo pokamoro makao koro kondó quroko raŋgo qu qenewaŋgo.”

¹³Ŋunde yiní waka ta sambo simó qambu taŋgímo tunoqero Anutu seré te inoro ŋande yaŋgurí,

¹⁴“Koreko horé ŋuno Anutuko owé parámi rete ko nokono ŋano newonde meté unipare yunoní newonde ime yoteŋgo.”

Sipsip sopo-sopo unindo Yesu qenewero yendémo uŋgurí

¹⁵Ŋunde yi kini tiní yorotoro samboko oŋgurí. Oyi, sipsip sopo-sopo unindo epe mito-mito ŋande taŋgurí, “Nore Betlehem yendémo uyaya Uní Parámimbo o tiní tunoqete ŋuro nimitoteŋgo ŋu qeneto.”

¹⁶Ŋunde yero kheŋgeŋo uro seqa yerero Maria, Josep, simóyari makao koro kondó quroko eteyaró ŋu yiyaŋgurí. ¹⁷Yiyoro sambo simómbo mande soso simó ŋuro yaró ŋuro yimirangurí. ¹⁸Kowe unipare soso ŋu inoro inondata parámi taŋgurí. ¹⁹Quko Mariako mande ŋu re newondímo rero ŋu ino yora. ²⁰Sipsip sopo-sopo uni ŋundo roto toŋero o soso qenero inangurí ŋuro Anutu owí hokoro seré te inoyaŋgurí. Dokoro sambo simómbo yimiraró ŋu naŋge tunoqaró.

Yesu re Ya Surumímo oriyó

²¹Asa nimímbo pisiyoní, yate naru kande saŋiyoro kapusa rotoní kowí toŋowero naruyó^a tunoqaró. Ŋunde tero owí Yesu yariyó. Komo, nimí qahu kama teyoní, sambo simó ŋundo owé ŋu nekaró.

^y 2:9 “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka enego sunará teyoteŋgo. ^z 2:11 “Kristo” - komo suki ye-ye unindo Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “Mesaiya,” ye nekaŋgurí. Mande irisa ŋuro murí muko “uni rokóŋowí” naŋge. ^a 2:21 “kowe toŋowero” murí muko ŋandiro: Juda pareto simó urumuni ka pisiyoní kosa naru kande saŋiyoro kapusa ŋunde rotoní *hutujo mande* howero kowí toŋangurí. Ŋunde tero eneko Anutu koro simó rokóŋangurí.

²² Moses koro hutuño mande ñundo^b ñande yaró, pareto simó pisiyoro Anutu toñímo pusú tero, yate kosa naru 40 ñunde kini taró.^c Asa naru ñu kini tiníqo, yereka irisa ñundo simóyari rero Uni Parámi inowero quro Yerusalem oriyó. ²³Oro Uni Parámimboro hutuño mande ñu howariyó. Hutuño mande ñundo ñande yete, “Simó urumuni korete ñuko soso Uni Parámimboro qu nanje.”^d ²⁴Oro nú irisa siyoro, nimímboro o qa-qa te inowaro, ye inariyó. Dokoro Uni Parámimboro hutuño mande ñundo ñande yete, “Nú irisa parámi mu ma nú simó irisa meté se inoyi qembe.”^e

²⁵Ñu naruko ñuno uni ka, owí Simeon, ñundo Yerusalem ñuno yora. Eneko uni roneneñowí,^f ko Anutu koro murí ñu okeyá ta howero Anutuko Israel unipare newondeye rukiso yereweya ñuro sopoyara. Kowe Yuqa Surumí^g ñundo eneno mañgoraró. ²⁶Komo qu ete-eteko Yuqa Surumí ñundo ñande miraró, ko koretero enendo Uni Parámimboro Kristo ñu^h qeneroqota meté khumoweya. ²⁷Asa uni ñu, Yuqapo mañgoriní, Ya Surumímoⁱ oró. Ñunde tero oní Yesu koro iwí-nimí ñuya hutuño mande howewero Yano oriyo, ²⁸Simeon simó ñu rero kandímbo toworo Anutu owí hokoro ñande yaró,

²⁹ “Uni kembéje, itaka keño mandeke howero sunará simónge no norotoka newonde ime tero khumowano.

³⁰ Dokoro toñenembo keto dani asáñoyi nore rambaruru koñgo noreweya ñu qeneteno.

³¹ Keto o teweya ñu unipare soso toñeyemo roñgaruwaró.

³² Ñundo uni wini meyowo ñu yoriní hiyoqewañgo, ko enendo unipareke Israel ñu owé parámi yunoweya.”

³³Ñunde yiní iwí-nimímbo enejo simóyari ñuro mandí iñoro inondata parámi tariyó. ³⁴Asa Simeonko puriño yunoro nimí Maria ñande miraró, “Qeno, Anutuko simó ña riní enewore Israel unipare kumi umbu rañowañgo, ko kumi otoqowañgo. Ko enendo rokó ñunde qembe tunoqiní unipareto qenero yesaráñoyi ³⁵iño-iñoyemboro kiraróye tunomo yoweya. Ko o tunoqeweya ñuko suke qembe keño newondeke ñuya sañgawoweya.”

³⁶Ñu naruko ñuno ye-ye pare ka, owí Ana, ñundo ñuno yora. Ñuko Panuel nambuní, Aseri koro sowe qu ka. Enendo koñgomu piyimi taró. Komo epe re-re tero kumima naru kande sañyoro irisa kamímboya

^b 2:22 “*hutuño mande*” ñuko komo suki Anutuko *Sainai* purímo *Moses* inoní Israel unipare yunaró. Mande ñuko Juda uniparetoro yoto-yotoye soso sopoyaró. ^c 2:22 O Qa-qa Uni 12:2-4 weyo qembe. ^d 2:23 Toñeñgurí 13:2 ^e 2:24 O Qa-qa Uni 12:8 ^f 2:25 “*uni roneneñowí*” ñuko Anutuko qenero potó moré kini tiní enejo uniyó tunoqete. ^g 2:25 “*Yuqa Surumí*” ñuko Anutu koro Yuqa nanje. ^h 2:26 “*Kristo*” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañgurí. Juda unipareto uni maheweya ñu, “Kristo,” ma, “*Mesaiya*,” ye nekañgurí. Mande irisa ñuro murí muko “uni rokóñowí” nanje. ⁱ 2:27 “*Ya Surumí*” ñuko Anutu koro ya qu, ñunoko Juda unipareto Anutu koya huruwowero quro hu-hariri teyañgurí.

yorariyó. ³⁷Imemoŋgo wapu tero kumima naru 84 ŋunde rotaró. Naru rokóŋoro Ya Surumí kama rotoro kosa suwo kundinji tero^j hariri tero Anutu potoruku te inoyara. ³⁸Asa ŋu naru ŋunoko taŋgeyemo mahero Anutu yuŋgunajoŋoro unipare soso Anutuko Yerusalem pitu ko kimoweya^k ŋuro sopoyanŋo qu simó ŋuro yesoworo yimitoyaró.

³⁹Asa irisako Uni Parámimboro hutuŋo mande okeyá ta howiri kini tiní rohoréŋoro eneŋo yendéyari Nasaret, Galili mirako ŋuno uriyó. ⁴⁰Ŋuno yororiyate simó ŋu wote parámi tero wimbí tero iŋo-iŋo meté horé taró. Ko Anutu koro samaka-samaka tuwó ŋu^l eneno yora.

Yesu parámi tero Ya Surumímo oró

⁴¹Kumima naru rokóŋoro iwí-nimímbo Yerusalem oro o ne-ne ka, owí Taka yereró, ŋu^m nariyó. ⁴²Asa Yesu kumima naru 12 ŋunde rotoroŋo muriye howero eneya o ne-neko ŋuno oró. ⁴³Oyi naru ŋu kini tiníŋo, iwí-nimímbo yendé parámi ŋu roto toŋeriyó. Quko Yesu enemata Yerusalem ŋuno yoní iwí-nimímbo ŋuro kama iŋariyó. ⁴⁴“Eneko unipare keweroyemo uyarete,” ye iŋoro kosa naru kanata ŋunde khewore uyaririyó. Suwo tiníŋo, suwisawiyariwore topo-topoyariwore seqayate ⁴⁵kama qenero rohoréŋoro Yerusalem ŋuno seqawero pitu ko oriyó. ⁴⁶Oro seqayori naru kapusa ŋunde rotoro Ya Surumíⁿ ŋuro yendémo ŋuno oro qeneriyó. Qeniri rondaŋe-rondaŋe uni keweroyemo ŋuno kunditeyoní mande yi iŋoro oseŋe yereyaró. ⁴⁷Uni soso eneŋo mandí iŋoro newondeye uroní niŋgu-niŋgu taŋgurí. Dokoro, eneko simó tomó ta ka, quko iŋo-iŋoyó meté horé, ko mande topé meté yaró. ⁴⁸Iwí-nimí qenero iŋoro kondé yukuwariyó. Ko nimímbo ŋande miraró, “Naŋone, ke do karo otete ŋa noreno tete? Noya awaŋgepoya newondenari quhurí tiní nore ke seqa kereyotero.”

⁴⁹Yini mande topé ŋande yaró, “Do karo yari no seqa nereyotiri? Yarimbe kama iŋoyotiri, nondo awanemboro o qu naŋge teyowano?” ⁵⁰Ŋunde yaró, quko iwí-nimí mande ŋuro murí kama iŋori tondaŋaró.

⁵¹Asa enendo iwí-nimímboya toŋero Nasaret ŋuno unŋurí. Ko naru rokóŋoro iwí-nimí mandeyari howeyara. Kowe nimímbo o tunoqaró

^j 2:37 “kundinji” teyanŋurí quno ŋuno unipareto Anutu iŋoro eneŋo ri umbuní naru kanata, irisa ŋundiŋo o kama naŋgurí. ^k 2:38 “kimoweya” ŋuro murí muko ŋandiŋo: unipareto o piyimi kusuyoyómo kusiyowí yotengo. Ŋundiŋo naŋge Anutuko kimo tero yoriní kina yowaŋgo. ^l 2:40 “samaka-samaka tuwó” ŋuko Anutu eneŋombo nore samaka yereyote. Kimoyó moré kini. ^m 2:41 “Taka yereró quro o ne-ne” ŋuko naru parámi ka. Komo suki Anutuko Israel unipare *Isip* noŋgo yoriní areŋgurí. Ŋu naruko ŋuno *sambo simó* saŋgirí kato *Isip* koro simó urumuni korete qu soso yuri khumaŋgurí. Quko Israel unipareto Anutu koro mandí howero *sipsip* simó yutoro sitú makoyemo sonowoyí sambo simómbo eneŋo simóye taka yiriní kama khumaŋgurí. Ŋunde ŋuroko kumima naru rokóŋoro *sipsip* simó yutoro o ne-ne teyanŋurí. ⁿ 2:46 “Ya Surumí” ŋuko Anutu koro ya qu, ŋunoko Juda unipareto Anutu koya huruwowero quro hu-hariri teyanŋurí.

ɲu soso se newondímo rero iɲondaɲeyara. ⁵²Yesu wote parámi tero, iɲo-iɲoyó meté horé tiní Anutu koya unipare ɲuya ɲuro hamó-hamó iɲoyango.

Jon, sono re-re uni ɲundo Yesu koro khe roɲgaruwaró

(*Matyu 3:1-12; Mak 1:2-8; Jon 1:19-28*)

3 ¹Naru kano Rom koro wiri yerete uni parámi horé ɲu, owí Sisa Taiperius,^o unipare wiri yereró ɲuro naruyó muko kumima naru 15 ɲunde rotaró. ɲu naruko ɲuno Pontius Pailatko^p Judia mira ɲu sopo yereró, ko Herotko^q Galili mira ɲu sopo yereró, ko Herot koro koneyó Filip ɲundo Ituria mira ɲuya Tirakonitis mira ɲu sopo yereró, ko Lisaniasko Apilene mira ɲu soparó.

²ɲuya o qa-qa unindoro tapá uni^r irisa ɲu yorariyó. Owéyari muko Anas koya Kaiapas koya.

Asa ɲu naruko ɲuno Jon, Sekaraia naɲuní, ɲundo mira wimbímo yoníqo, Anutu koro mande ka eneno mahiní iɲaró. ³Iɲoro mira soso Jotan Sono sumeyoro ɲuno uyare mahe tero unipareno mande yesowoyara. Mande ɲuko ɲandiro, “Ye quhuríyembo newonde surumí teya quhurí ɲu se rotoya, sono rika^s Anutuko quhuríye soso se rotoweya.”

⁴O teyara ɲuko, komo quno ye-ye uni^t Aisaiako sokomeko ɲande nakayáɲaró,

“Enendo mira wimbímo mahero neko yerero ɲande yimiroweya,
‘Uni Parámimbo khe roɲgaruwoya
eneɲombo ore roneneɲoyi qembe.’

⁵Sono koɲó ɲu soso noko toɲo riní maɲgoreweya,
ko mira purí-purí ɲu soso wendaqi umbuweya,
o iri-erá ɲu soso riní roneneɲoweya,
ko khe pitipotó ɲu soso roɲgaruwoyi kararaɲiwí teweya.

⁶Ko unipare sosopo
Anutuko rambaruru koɲgo yoreweya ɲu qene iɲowaɲgo.”

⁷ɲunde ɲuroko Jonko unipare qambu sono rewero quro eneno mahɲguri ɲu ɲande yimitoyaró, “Ye sire piyimi ɲuro simó ɲu! Anutuko newonde saɲgirí tero unipare o piyimi teyoteɲgo ɲu rambaruru yerewero

^o 3:1 “Taiperius” ɲuko *Rom* koro wiri yerete uni parámi Okastus koro naɲuní. Asa iɲo-iɲo mande Luk 2:1 tapémo ɲuno weyo qembe. ^p 3:1 “Pontius Pailat” ɲuko *Rom* uni ka. ^q 3:1 “Herot,” owí kako “Antipas,” ɲundo Galili mira sopo yereró, quko enendo *Rom* koro wiri yerete uni parámi kasirayómo yora. Wiri yerete uni parámi ɲundo owé parámi ka Herot inaró. Komo Herot koro iwímbo Juda unipare soso wiri yiriníqo, Mariako Yesu pisiyaró. ^r 3:2 “o qa-qa unindoro tapá uni” ɲundo *Ya Surumímo* hu-hariri sopoyanɲurí. ^s 3:3 *Grik* mandewore “sono rewero murí” muko ɲandiro, oka sono quroko rero pito ko ri areweya. ^t 3:4 “ye-ye uni” ɲuko Anutuko mandí yunoní unipare yunanɲurí.

tete. Ye dando yimironí sore naru piyimi ŋu takawero sono reteŋgo?
⁸Ŋunde ŋuroko newonde hamó rohoréŋangurí ŋuro eŋgé rika tunoqiní. Ko kina ŋande ma iŋowero, ‘Abrahamko noreŋo usinani.’^u Dokoro no ŋande ye yimiroteno, Anutuko meté yini wondo ŋu rohoréŋoro Abraham koro usi-sí tunoqewango. ⁹Itaka ka soporo te toŋowero quro te hurímo yote. Ŋunde ŋuroko te soso eŋgé meté mu kama teyoteŋgo ŋuko toŋoro kewáko raŋoweya.”

¹⁰Ŋunde yini unipare qambu ŋundo ŋande oseseyaŋgurí, “Asa ko nore date tewato?”

¹¹Yi mande topé yaró, “Uni ka kowe punu-punuyó irisa moré ŋundo kanata re kowe punu-punuyó moré kini ŋu inoweya. Ko uni ka o newero qu parámi ŋundo o kumi siyoro uni o newero qu moré kini ŋu inoweya.”

¹²Takis re-re uni^v kumimbo ŋuya sono rewero mahero ŋande oseseyaŋgurí, “Rondaqe-rondaqe uni, nore date tewato?”

¹³Ŋunde yiqo, ŋande yimiraró, “Ye takis ŋuro rokóŋo hamó qu naŋge siyoyi. Oka ka ŋuya ma rewero.”

¹⁴Kuma uni kumimbo ŋuya oseseyaŋgurí, “Ko nore date tewato?”

Ŋunde yi ŋande yimiraró, “Ye wimbí tero uniparetoro mone qu ma woso rewero, ko kota yero mande kho ma yunowero. Yeŋo kimoye ŋuro naŋge metéŋoyi.”

¹⁵Asa unipareto Kristo maheweya ŋuro sopoyango, ko ene soso newondeyembo ŋande yero iŋangurí, ko Jon ŋumbeka Kristo ŋuno qu,^w yero iŋangurí ¹⁶Asa ko Jonko ŋande yimiraró, “Nondo ye sonono kina sono re yunoteno. Quko uni ka tukú maheweya ŋuro wimbímboko nene wimbune ŋu takate. Nondo eneŋo khe punu-punuyómboro utó orosoyewero owé moré kini.^x Ko enendo Yuqa Surumí ŋuya kewá ŋuya toworo sono qembe re yunoweya. ¹⁷Usú ka re towo mahero wit eŋgémboya murutómboya rondaŋeweya. Rondaŋero wit eŋgé se yano kopoweya. Quko murutómi muko se kewá ka kama khumoyote quno ŋuno qaweya.”

¹⁸Jonko mande qambu ŋunde yero newondeye rukisoyoro miti mande ŋu yesowoyara. ¹⁹Quko enendo uni kembé Herot ŋu roŋgaruwaró, dokoro Herotko payómboro parí qu, owí muko Herotias, ŋu rero o kumi

^u 3:8 “Abraham ” ŋuko Juda uniparetoro pukoye, ko Anutuko Abraham koya mande parámi ka kusiyaró. Ŋunde ŋuroko Juda unindo, Anutuko nore kama rambaruru nereweya, ŋunde ye iŋangurí. ^v 3:12 “*takis re-re uni* ” ŋundo uniparetoro situwiye rondaŋero kimoyó sombé rero *Rom* koro wiri yerete uni ŋu inangurí. ^w 3:15 “*Kristo* ” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “*Mesaiya* ,” ye nekaŋgurí. Mande irisa ŋuro murí muko “uni rokóŋowí” naŋge. ^x 3:16 Jonko ŋande iŋaró, ko uni huwómo maheweya ŋu (Yesu), eneŋo owí ŋuko Jon koro owí ŋu hamó takaró.

meyowo piyimi mu te inoyaró.^y 20 Ñunde ñuroko Herotko oteteyó piyimi mu sowe tero Jon toworo kusi-kusi yano rotaró.

Jonko Yesu sono re inaró
(*Matyu 3:13-17; Mak 1:9-11*)

21 Asa Jonko unipare sono re yunoro, yate Yesu ñuya sono re inaró. Ñunde tiní Yesuko hariri teyoní sambo mako kosoní 22 Yuqa Surumí^z nú parámi ñunde qembe tero ene sañano umburó. Ko sambo koñgo neka ñande umburó, “Keko neneño nañone, keño surumí iñoyoteno. Keño meté kereyoteno.”

Yesu koro usisambapukoyó
(*Matyu 1:1-17*)

23 Asa Yesuko hurí tero eneño kho taró quno kumima naru 30 ñunde rotaró. Unipare soso ñandiro ye iñangurí, ene Josep koro nañuní.

Josep ñuko Heli koro nañuní.

24 Heli ñuko Matat koro nañuní.

Matat ñuko Liwai koro nañuní.

Liwai ñuko Meliki koro nañuní.

Meliki ñuko Janai koro nañuní.

Janai ñuko Josep koro nañuní.

25 Josep ñuko Matatias koro nañuní.

Matatias ñuko Amos koro nañuní.

Amos ñuko Nahum koro nañuní.

Nahum ñuko Esili koro nañuní.

Esili ñuko Nakai koro nañuní.

26 Nakai ñuko Mat koro nañuní.

Mat ñuko Matatias koro nañuní.

Matatias ñuko Semen koro nañuní.

Semen ñuko Josek koro nañuní.

Josek ñuko Jota koro nañuní.

27 Jota ñuko Joanan koro nañuní.

Joanan ñuko Resa koro nañuní.

Resa ñuko Serupapel koro nañuní.

Serupapel ñuko Sealitiel koro nañuní.

Sealitiel ñuko Neri koro nañuní.

28 Neri ñuko Meliki koro nañuní.

Meliki ñuko Ati koro nañuní.

Ati ñuko Kosam koro nañuní.

^y 3:19 Matyu 14:3-4 weyo qembe. ^z 3:22 “Yuqa Surumí” ñuko Anutu koro Yuqa nange.

- Kosam ηuko Elamatam koro naηuní.
 Elamatam ηuko Er koro naηuní.
- 29 Er ηuko Josua koro naηuní.
 Josua ηuko Eliesa koro naηuní.
 Eliesa ηuko Jorim koro naηuní.
 Jorim ηuko Matat koro naηuní.
 Matat ηuko Liwai koro naηuní.
- 30 Liwai ηuko Simeon koro naηuní.
 Simeon ηuko Juda koro naηuní.
 Juda ηuko Josep koro naηuní.
 Josep ηuko Jonam koro naηuní.
 Jonam ηuko Eliakim koro naηuní.
- 31 Eliakim ηuko Melea koro naηuní.
 Melea ηuko Mena koro naηuní.
 Mena ηuko Matata koro naηuní.
 Matata ηuko Natan koro naηuní.
 Natan ηuko Dewit koro naηuní.
- 32 Dewit ηuko Jesi koro naηuní.
 Jesi ηuko Opet koro naηuní.
 Opet ηuko Boas koro naηuní.
 Boas ηuko Salamon koro naηuní.
 Salamon ηuko Nason koro naηuní.
- 33 Nason ηuko Aminatap koro naηuní.
 Aminatap ηuko Atimin koro naηuní.
 Atimin ηuko Areni koro naηuní.
 Areni ηuko Hesiron koro naηuní.
 Hesiron ηuko Peres koro naηuní.
 Peres ηuko Juda koro naηuní.
- 34 Juda ηuko Yakop koro naηuní.
 Yakop ηuko Aisak koro naηuní.
 Aisak ηuko Abraham koro naηuní.
 Abraham ηuko Tera koro naηuní.
 Tera ηuko Nahor koro naηuní.
- 35 Nahor ηuko Seruk koro naηuní.
 Seruk ηuko Reu koro naηuní.
 Reu ηuko Pelek koro naηuní.
 Pelek ηuko Eper koro naηuní.
 Eper ηuko Sela koro naηuní.
- 36 Sela ηuko Kainan koro naηuní.
 Kainan ηuko Aripakasat koro naηuní.
 Aripakasat ηuko Siem koro naηuní.
 Siem ηuko Noa koro naηuní.

Noa ŋuko Lamek koro naŋuní.

³⁷ Lamek ŋuko Metusela koro naŋuní.

Metusela ŋuko Enok koro naŋuní.

Enok ŋuko Jaret koro naŋuní.

Jaret ŋuko Mahalalel koro naŋuní.

Mahalalel ŋuko Kenan koro naŋuní.

³⁸ Kenan ŋuko Enos koro naŋuní.

Enos ŋuko Set koro naŋuní.

Set ŋuko Atam koro naŋuní.

Atam ŋuko Anutu koro naŋuní.

Monimbuko Yesu towoŋaró
(*Matyu 4:1-11; Mak 1:12-13*)

4 ¹Asa Yesuko Yuqa Surumímbo^a newondímó maŋgoriní rohoréŋoro Jotan Sono rotoro oro mira wimbímó^b ŋuno oro yateyoní Yuqapo khe witúŋaró. ²Mira ŋuno yoní naru 40 ŋunoko Monimbuko Yesu towoŋaró.

Ŋu naruko ŋuno Yesu o kama nero, yate qímboro khumaró.

³Khumoyoní Monimbuko ŋande miraró, “Ke hamó Anutu koro Naŋuní tiníkaqo, yeka wondo ŋa rohoréŋoro bret ka tunoqiní,” yaró.

⁴Yiní Yesuko mande topé ŋande yaró, “Sokomeko ŋuno ŋande nakayáŋaró, ‘Unipareto o qoyembo quwore naŋge yoto-yoto kama rewajŋo.’”^c

⁵Ŋunde yiní Monimbuko re wosoro mira purímó oro naru tukuni quno naŋge Yesu mira purí moŋgo uniparetoro miraye soso ŋu witúŋaró. ⁶Witúŋoro ŋande miraró, “Nondo wimbu kondé re kunowe mira soso ŋuya o meté-metéye mu ŋuya sopoweya. Wimbu ŋuko neneŋo naŋge. Neneŋombo uni ka inowano. ⁷Asa ke no potoruku te nunoka o soso ŋa se kunowano.”

⁸Yiní Yesuko mande topé ŋande yaró, “Sokomeko ŋuno ŋande nakayáŋaró, ‘Ke Uni Parámi, keŋo Anutuke ŋuro potoruku te inoya eneŋo khoyó naŋge te qembe.’”^d

⁹Ŋunde yiní re wosoro Yerusalem uyaro rero Ya Surumímbo^e umó saŋano rotoro ŋande yaró, “Ke hamó Anutu koro Naŋuní tiníkaqo, ŋa noŋgo amuno soreka kiyowe. ¹⁰Dokoro, sokomeko ŋande yete,

“Enendo sambo simónjo yimironí

^a 4:1 “Yuqa Surumí” ŋuko Anutu koro Yuqa naŋge. ^b 4:1 “mira wimbí” ŋunde quko te moré kini, ko uni kumimbo ŋuno kama kunditeyotenggo. ^c 4:4 Hutuŋo Mande 8:3 ^d 4:8 Hutuŋo Mande 6:13 ^e 4:9 “Ya Surumí” ŋuko Anutu koro ya qu, ŋunoko Juda unipareto Anutu koya huruwowero quro hu-hariri teyaŋguri.

sopo kere meté roŋgaru kereyowaŋgo,
 11 ko kandeyembo hokoro koro kiri
 wondo kato khíndonŋemo kama saŋga kereweya.”
 12 Yiní Yesuko mande topé ŋande yaró, “Sokomeko ŋuno ŋande
 nakayáŋaró, ‘Ke Uni Parámi, keŋo Anutuke, ma towonŋowero.’”^f
 13 Monimbuko Yesu towonŋoní kini tiní rotoro naru kano quro soparó.

Yesuko Galili ŋuno kho kimani taró
 (Matyu 4:12-17; Mak 1:14-15)

14 Asa Yesuko rohoréŋoro Yuqa koro wimbímo Galili mirako ŋuno pitu ko uyaró. Uyariní unipare mira soso ŋu nonŋo qundo eneŋo mande piŋa ŋu iŋaŋgurí. 15 Huru-huru yayemo^g ŋuno oro Anutu koro mandí rondaŋe yunoyaró. Ko unipare soso eneŋo owí hokoyaŋgurí.

Nasaret unipareto Yesu huwónŋaŋgurí
 (Matyu 13:53-58; Mak 6:1-6)

16 Yate-yate Sapat naru^h kanoko Nasaret yendémo ŋuno uyaró. Yendé ŋuno ene simó tomó ta yate ŋuno parámi taró. Asa ŋu naruko ŋuno eneŋo murí howero huru-huru yano oró. Oro Anutu koro sokome qu weyowero otoŋo kaŋaró. 17 Kaŋiní sopo-sopo uni ŋundo Aisaiako mande nakayáŋaró ŋuro sokome quⁱ ŋu re inoní rosaraŋero mande ŋu weyoro ŋande yaró,

18 “Uni Parámimboru Yuqayómbo no saŋanemo yote.
 Ŋunde ŋuro enendo no rokó niriní
 uni owéye moré kini ŋu piŋa mande meté yero yimirowano.
 Enendo asá niriní
 uni kusi-kusi yano yoteŋgo ŋu kinanŋe toŋewaŋgo ŋuro
 yesowowano,
 uni toŋeye piyimi mu pitu ko toŋetewaŋgo ŋuro yesowowano,
 uni quhurí koro kusunŋoyómo yoteŋgo ŋu yorewe kina
 toŋewaŋgo,

19 Uni Parámimboru naruyó meté ŋuro yesowowano.”^j

20 Ŋunde weyoro sokome ŋu wakaro sopo-sopo uni ŋu inoro kunditaró. Ko unipare huru-huru yano yanŋo ŋu soso Yesuko toŋetaŋgurí. 21 Asa hurí tero ŋande yimiraró, “Mande ŋano qu komo suki sokomeko nakayáŋaró ŋako itakako hamó tunoŋete.”

^f 4:12 Hutuŋo Mande 6:16 ^g 4:15 “*huru-huru ya* ” ŋuko Juda uniparetoro ya parámi mu. *Sapat naruko* ŋuno hu-hariri tero Anutu koro mandí weyoyi iŋoro hariri teyaŋgurí.

^h 4:16 “*Sapat naru* ” ŋuko sonda naru weŋa ŋu. Ŋu naruko ŋuno Juda unipareto *huru-huru yayemo* huruworo Anutu koro mandí weyoyi iŋoro hariri teyaŋgurí. ⁱ 4:17 Sokome ŋunde quko sokome piru saŋga ka yumuriyaŋgurí. ^j 4:19

22 Ɔunde yini owi hokoro enejo mangombo mande mete nde qu yaró nuro inondata parámi tero nde epe mito-mito tanguri, “Uni nuko Josep koro nanjuni nanje, nuko hamombe?”

23 Ɔunde yiqo, nde yimiraró, “Ye tapara mande^k nambe ye nimirawango, ‘Dota, kejo o piyimi nu reka mete tini,’ yewango, ko, ‘O soso Kaperneam yendemo nuno taró nu nanje na mirako nana te,’ ye nimirawango, peka. 24 No mande hamó ye yimiroteno, Anutu koro ye-ye unindoro^l mirako nuno simburí muko ye-ye uni nuro mandí nu kama inoyotengo. 25 Hamó yeteno, Elaija^m koro naruko nuno Israel mirako nuno wapu qambu yoranguri. Nu naruko nuno kumima naru kapusa ko kombo kande sanjoro kanata nde roto Israel mirako nuno sono kama umbuyaró. Ɔunde tini korare parámi tunoqaró. 26 Quko Anutuko Elaija wapu nde qu kano kama asajaró. Kini, mira meyowomo wapu ka, Sarepat yendé nu Saiton mira nuno wapu kano, nuno asajoni tojeró. 27 Ɔuya ye-ye uni Elisa koro naruko nuno Israel mirako nuno koweye piyimi khumo^o uni qambu yoranguri. Quko enendo se khumo uni nde qu kama yorini sara taró. Kini, Siria uni ka owi muko Naman, nu nanje rini sara taró.”^p

28 Ɔunde yini unipare huru-huru yano yorango nu mande nu inoro sangiri parámi tanguri. 29 Ɔunde tero otoqoro Yesu toworo yendé tapemo onjuri. Yendéye nuko mira puri titinimo yaró. Asa Yesu rero, puri sombé monjo ranato, yero onjuri. 30 Quko keweroyewore kinanje yoroto tojeró.

Yesuko yuqa piyimi uni quroko yara qu howini tojeró
(Mak 1:21-28)

31 Asa Yesuko Galili koro yendéyo qu ka, Kaperneam yendé nuno oro Sapat naruko^q nuno Anutu koro mandí rondaqe unipare yunaró. 32 Yunoyoni enejo mandí inoro kondé yukuwanguri. Dokoro mande yaró nuko wimbí moré.

33 Naru kano uni ka yuqa pusú^r eneno yaró nu huru-huru yano^s nuno yora. Nuno yoto parámi nde ye kiwaró, 34 “Aine, Yesu Nasaret nonjo,

^k 4:23 “tapara mande ” nuko sowo mande nanje. Yesuko sowo mande nde qu yero oka witu yereró. ^l 4:24 “ye-ye uni ” nuko Anutuko mandí yunoni unipare yunanguri. ^m 4:25 “Elaija ” nuko komo suki Anutu koro ye-ye uni yora. ^o 4:27 “koweye piyimi khumo ” nuko nore do se khumo ka horé kama inoyoteto. Nde inoyoteto, ko Juda unindo se khumo uni nde qu qenero, Anutu tonjimo pusú yote, ye inoyanguri. Ko Juda uni kato uni nde qu towoworo mepemo kini, dokoro ene nuya Anutu tonjimo pusú tunoqeweya, ye inoyanguri. Se khumo uni nde qundo sikuno nanje yoranguri, yendemo yoroworo mepemo kini. ^p 4:27 Wiri yerete Uni 5:1-14 weyo qembe. ^q 4:31 “Sapat naru ” nuko sonda naru weja nu. Nu naruko nuno Juda unipareto huru-huru yayemo huruwo Anutu koro mandí weyoi inoro hariri teyanguri. ^r 4:33 “yuqa pusú ” nuko sambo simó nde qembe, quko Anutu koro sangiri tero unipare rowore yereyotengo. ^s 4:33 “huru-huru ya ” nuko Juda unipareto ya parámi mu. Sapat naruko nuno hu-hariri tero Anutu koro mandí weyoi inoro hariri teyanguri.

do nereweya? Kepe nore rowore nerewero mahetepe? No ijo kunoteno, keko Anutu koro uni meté horé ŋu.”

³⁵Ŋunde yini Yesuko ŋande qene yaró, “Ke maŋgoke kusiyoya uni ŋu roto toŋe!” Yini yuqa piyimimbo uni ŋu re raŋoní nokono unipare keweroyemo umbuní roto toŋero kaŋuya kama roworemaró. ³⁶Unipare soso ŋu newondeye yukuwoní epe mito-mito ŋande taŋguri, “Enendo mande wimbí moré date qu yero yuqa pusú ŋu mepémo sopo yirini roto toŋewango?” ³⁷Ŋunde yiqo, imemoŋgo Yesu ŋuro mande piŋa ka wimbo-wimbo uyaró.

Yesuko Saimon koro koŋgí rini meté taró
(*Matyu 8:14-15; Mak 1:29-31*)

³⁸Asa Yesu huru-huru ya rotoro Saimon koro yayómo oró. Saimon koro koŋgí ŋuko kowí tiwi rini Yesuko samakaŋoní yero nekaŋguri. ³⁹Nekoyi uyaro taŋgímo kaŋero se khumo ŋu qene yini kini tini pare ŋu waka ta otoqoro o qoyembo roŋgaruwaró.

Yesuko se khumo unipare qambu yorini meté taŋguri
(*Matyu 8:16-17; Mak 1:32-34*)

⁴⁰Kosa pusunini uni kumimbo topo-topoye se khumo enesó-enesó teyaŋgo ŋu yore eneno mahəguri. Ŋuno mahiqo, Yesuko kandi kanata-kanata saŋayemo rini meté taŋguri. ⁴¹Ko yuqa piyimi kumi^t yohowini uni qambu ŋu roto toŋəguri. Toŋero yuqa piyimi ŋundo ki kondé tero, “Keko Anutu koro Naŋuni,” yaŋguri. Quko, ŋunde ma yewero, ye soré yereró, dokoro ŋande iŋomukaŋguri, ko eneko Kristo ŋu,^u yero iŋaŋguri.

Yesuko yendé kano-kano uyareyaró
(*Mak 1:35-39*)

⁴²Ita saraŋoní Yesuko mira uni kinimo toŋiní unipare qambu ŋundo seqayate qenero, ma noroto toŋewero, ye sorəŋaŋguri. ⁴³Quko ŋande yimiraró, “Yendé meyowo ŋuno ŋuya Anutuko unipareyó wiri yereyote naruyó^v ŋuro miti mande ŋu yimitoyowano. Dokoro ŋu murí ŋuro asá nirini mahenowó.” ⁴⁴Ko huru-huru yayemo^w Judia mirako ŋuno mande yesowoyara.

^t **4:41** “yuqa piyimi ” ŋuko *sambo simó* ŋunde qembe, quko Anutu koro saŋgirí tero unipare rowore yereyotəŋgo. ^u **4:41** “Kristo ” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋguri. Juda unipareto uni maheweya ŋu, “Kristo,” ma, “*Mesaiya* ,” ye nekaŋguri. Mande irisa ŋuro murí muko “uni rokóŋowí” nanŋe. ^v **4:43** “*Anutuko unipareyó wiri yereyote naruyómo* ” ŋuno iŋondutu unipareko hamó Anutu kusuŋoyómo yowango. ^w **4:44** “*huru-huru ya* ” ŋuko Juda uniparetoro ya parámi mu. *Sapat naruko* ŋuno hu-hariri tero Anutu koro mandí weyoyi iŋoro hariri teyaŋguri.

Yesuko iño-iño rewero uniyó korete qu neko yereró
(*Matyu 4:18-22; Mak 1:16-20*)

5 ¹Naru kano Yesu Genesaret Sono Towo^x tapémo kañeyoní unipare qambu mahero Anutu koro mande iñowero wuririyoro epe pito-pito tañgurí. ²Ñunde ti wañgo tomó ta irisa sono towo tapémo ñuno yorori yiyaró. Uni sono qare siyoyañgo kumimbo wañgo ñu rotoro tirí-tiríye ñu se sonowoyañgurí. ³Asa Yesuko Saimon koro wañgoko ñuno oro Saimon yiní wañgo wosoní sono sañano soñga ta na uyaró. Uyariní Yesu wañgo sañano ñuno kunditero unipare qambu ñu mande rondaqe yunaró.

⁴Mande yimironí kini tiníqo, Yesuko Saimon miraró, “Ye wañgo ña reya tirí-tiríye^y sono towo meré piyimimo rotoyika ñuno uweya,” yaró.

⁵Yiní mande topé yaró, “Awa, suwono kho parámi teyato sarañote, quko nore sono qare ka kama siyato. Quko no keño mañgoke howero tirí-tirí rotowe uweya,” yaró.

⁶Yero ene ñunde tero sono qare parámi siyoyi tirí-tirí ñu wamba wuriró. ⁷Ko kho kopo topé wañgo meyowomo ñuno yoroyi neko yiri mahe samaka yereñgurí. Ñundiro tiqo, wañgo irisa ñu sono qareko mañgoriní irisa ñu sono quroko wamba uriyó.

⁸Saimon-Pitako ñu qenero Yesu khí rorowo kañero potoruku te inoro yaró, “Uni Parámi, no norotoya toñe, dokoro no uni quhurí uni.” ⁹Ñunde yaró, dokoro eneya topé-topémboya sono qare parámi siyo qenero newondeye yukuwaró. ¹⁰Saimon koro kho kopo topé irisa ñu, Jems koya Jon, Sepeti koro naño-simó, ñu ñuya sono qare ñu qenero iñondataqariyó.

Quko Yesuko Saimon ñande miraró, “Ma sasaro tewero. Ña naruko ñano unipare yowosoní Anutusina uyarewañgo,” yaró. ¹¹Ko wañgo irisa ñu sono towo tapémo yowosoro oye soso rotoro Yesu howañgurí.

Yesuko kowí piyimi khumo uni ka riní meté taró
(*Matyu 8:1-4; Mak 1:40-45*)

¹²Naru kano Yesu yendé kano yoníqo, uni ka ñuno yora, kowí piyimi khumo^z ñuko eneño kowí soso pokamaró. Asa Yesu qenero, potoruku

^x **5:1** “Genesaret Sono Towo” ñuko Galili Sono Towo nanje. Asa sono towo ñuko parámi ta. Tapésinañgo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9. ^y **5:4** “tirí-tirí” ñuko sono qare siyowero qu ka. Ñuko parámi, ko wañgo irisa keweroko kusiyañgurí. Ñundiro tirí-tirí ñu wosi sono qare parámi siyaró. ^z **5:12** “kowí piyimi khumo” ñuko nore do se khumo ka horé kama iñoyoteto. Ñande iñoyoteto, ko Juda unindo se khumo uni ñunde qu qenero, Anutu toñímo pusú yote, ye iñoyañgurí. Ko Juda uni kato uni ñunde qu towowero mepémo kini, dokoro ene ñuya Anutu toñímo pusú tunoqeweya, ye iñoyañgurí. Se khumo uni ñunde qundo sikuno nanje yoranjurí, yendémo yorowero mepémo kini.

rero umu-kembé nokono rero Yesu kirayaró, “Uni Parámi, keto ñu ñi mepémo tiníqo, no nori sara tewano.”

¹³ Yesuko kandí sañanímo rero miraró, “No ñuro ñjoteno. Ke sara teweya.” Yiní waka ta se khumo ñuno qu roto toñeró.

¹⁴ Rotoní Yesuko kondé ñande miraró, “O ña keno tunoqete ñaro uni ka ma yimirowero. Hutuño mande Mosesko yimiraró ñu howeya o qa-qa uni koweke re witú yereya keto sara tunoqete quro oka Anutu te ino qembe.^a Ñunde tiqo, se khumoke kini tete, ye ñjowango.”

¹⁵ Quko Yesuko o taró ñuro piña mandeyó ñu mira soso uro toñeró. Ñunde ñuro unipare qambu qundo, nore mandí ñjato se khumonani riní meté teweya, ye ñjoro eneno uyareñgurí. ¹⁶ Quko enendo toñero sikuno uyaro hariri teyara.

Yesuko uni ka khí piyimi mu riní meté taró
(*Matyu 9:1-8; Mak 2:1-12*)

¹⁷ Naru kano Yesuko mande rondaqero unipare yunoyaró. Yunoní Farisi unindoya^b hutuño mande ñuro rondaqe-rondaqe unindoya kopo mahe kunditeyangurí. Uni ñundo Galili koro yendé soso ñu noñgo, ko Judia koro yendé soso ñu noñgo ko Yerusalem noñgo ñuya mahengurí. Asa Uni Parámimboro wimbí Yesu koya yoní ñundo se khumo uni ñu yoriní meté tangurí. ¹⁸ Kowe uni kumimbo uni ka re koroworo mahengurí. Uni ñu khí irisa-irisa ukumi riní yakutímo ñuno eteyaró. Eteyoní re koroworo ya ka Yesu yaró quño ñuno owero ñjangurí. ¹⁹ Quko unipare qambu horé ñundo ya mangorero mako ñuya wisumuñangurí. Ñunde ñuro ya umómo oro^c witú rero yakutí ñu utómbo kusiyo ri ñuwore ñundo unipare keweroyemo umburo Yesu toñimo yaró.

²⁰ Yesuko uni ñuro ñjondutuye^d hamó qenero ñjoro ñande yaró, “Topo, keño quhuríñge se rotoní.”

²¹ Hutuño mande ñuro ñjo-ñjo unindoya Farisi unindoya newondeyemo ñande yero ñjangurí, “Ñu danimbo Anutu yesaráñoyote? Anutuko nanñge quhurí se rotowero wimbí tete.”

²² Asa Yesuko ñjo-ñjoyemo osese-osese tangurí ñu qene ñjoro mande topé yaró, “Dokoro ye newondeyemo osese ñunde qu ye ñjotenggo? ²³ Ye date ñjotenggo? Nondo, ‘Quhuríñge se rotoní,’ ye mirowano tiníqo, ñuko

^a **5:14** *Hutuño mandeko* ñande yaró, ko se khumo uni ka meté tunoqaró ñunde qundo nú irisa Anutu inoweya yaró; ka uroní khumoní o qa-qa te inoweya, ka rotoní toñeweya. Ñunde tero uni ñunde qundo yendémo meté yoweya. (O Qa-qa Uni 14:1-32 weyo qembe.)

^b **5:17** “*Farisi uni*” ñuko unindoro huru-huru ka Israel mirako ñuno ñangurí. Enendo Anutu koro *hutuño mande* ñuro okeyá ta howero uniparetoro toñeyemo owéye parámi tangurí.

^c **5:19** Ñu naruko ñuno “ya umó” soso ñuko suruño kini, papare nanñge, ko unipare meté owero kunditeyanggo. ^d **5:20** “*ñjondutu*” ñuko ñandiro, asa unipareto ñande kondé ye ñjoyotenggo, ko Anutuko meté sopo yereweya.

wuruwara mande peka, ye enjé qenewero mepémo kini. Quko, ‘Ke otoqoya khete-khete uyare,’ ye mirowano tiníqo, njuko mande quhurí horé, njuro enjé qene ijomukowaŋgo, hamómbe? ²⁴Quko njanđe inji, Unindoro Naŋjuni^e njundo nokono njano unindoro quhuríye se rotowero quro wimbí tete.” Njunde yero uni khí piyimi njunjanđe miraró, “Nondo kimirowe, ke otoqoya yakutínge re korowoya yakemo u,” yaró.

²⁵Waka ta uni njunjanđe unipare tojeyemo yakutínge re koroworo Anutu seré te inoro uyaro paseyómo oró. ²⁶Oní unipare soso qenero ijondutuye enesó-enesó taró. Qenero sasaro tero Anutu seré te inoro njanđe yanğurí, “Itaka o amana horé qeneteto.”

Yesuko Liwai nekaró
(*Matyu 9:9-13; Mak 2:13-17*)

²⁷Imemongo Yesuko uyaro takis re-re uni ka,^f owí muko Liwai, njunjanđeró quko takis rewero paseno^g njuno kunditeyaró. Kunditeyoní njanđe miraró, “Ke mahe no nohowe.” ²⁸Yini otoqoro oyó soso njuno rotoro uyaro Yesu howaró.

²⁹Ko Liwaiko Yesu koro o ne-ne parámi ka enejo yano njuno taró. Uni takis re-re uni qambu quya uni meyowo njuya o newero quro njuno eneya etanğurí.^h ³⁰Farisi unindoyaⁱ hutunjo mande njuro ijo-ijo unindoya^j enejo ijo-ijo rewero uniyómboya^k kisikasa mande njanđe yanğurí, “Dokoro enendo takis re-re unindoya quhurí unindoya^l o kopo neyotengó?”

³¹Njunde yi Yesuko mande topé njanđe yaró, “Uni se khumoye moré kini muko dotako kama uwaŋgo. Kini. Se khumo uni njundo nanđe dotako uyotengó. ³²Njunde nanđe no uni ronenejowí^m neko yerewero kama umbunowó. Kini. Nondo quhurí uni njunjanđe neko yereweka newonde rohoré ti yero umbunowó.”

^e 5:24 “Unindoro Naŋjuni” njuko Yesu nanđe. ^f 5:27 “takis re-re uni” njundo uniparetoro situwiye rondaqero kimoyó sombé rero Rom koro wiri yerete uni njunjanğurí. ^g 5:27 Uni njunde qundo khe tapémo pase njuno kunditero situwi koro mone siyoro wiri yerete uni inoyara. ^h 5:29 Njunjanđe naruko njuno uni kumimbo o neyaŋgo quno njuno kama kunditanğurí. Kini, enendo yakutímo piŋoye etero kande tesina rondaqero njunde saŋáqero kande kondésinambo o nanğurí. ⁱ 5:30 “Farisi uni” njundo, nore Anutu koro hutunjo mande njuro okeyá ta howeyoteto, ye injanğurí. ^j 5:30 “hutunjo mande njuro ijo-ijo uni” njundo Anutu koro mande njunjanđe unipare rondaqe yunoyanğurí. ^k 5:30 “ijo-ijo rewero uni” njundo Yesu koya uyaro ijo-ijo rondaqe yunoyaró. ^l 5:30 “quhurí uni” njundo Juda koro muríye okeyá ta kama howeyanğurí. ^m 5:32 “uni ronenejowí” njuko Anutuko qenero potó moré kini tiní enejo uniyó tunoqete.

Kundiŋi tewero ŋuro Yesu oseseyangurí
(*Matyu 9:14-17; Mak 2:18-22*)

³³Asa uni kumimbo Yesu koya ŋande yangurí, “Naru kumimo Jon^a koro iŋo-iŋo rewero uniyómbo^o o newero ŋuro kundiŋi tero^p hariri teyotenggo. Farisi koro iŋo-iŋo rewero uni ŋuya ŋunde teyotenggo. Quko keŋo unike muko kinaŋge o qoyembo neyotenggo.”

³⁴Kowe Yesuko ŋande yimiraró, “Ko uni kato epe re-re tewero o ne-ne naruko ŋuno topé-topémbo kundiŋi tewero mepémo kini, hamómbe? ³⁵Quko imemonggo ta uni ŋu ri toŋeweya. Ŋu naruko ŋuno naŋge topé-topémbo kundiŋi tewaŋgo.”

³⁶Asa Yesuko tapara mande^q ka ŋande yimiraró, “Ko uni kato tuwi keta qu romboŋero tuwi sumi ŋu rero tuwi komo quro wituyómo ŋuno kama tiŋiyoweya. Kini, ŋunde teweya quko tuwi keta ŋu rambaruwoweya, ko tuwi komo ŋu kiraró enesó, tuwi sumi keta ŋuko enesó. ³⁷Ko uni kato wain keta qu re meme kowí puŋge komo quno ŋuno kama puŋgeyoweya. Kini, wain keta ŋuro yuqayómbo puŋge komo ŋu umboroŋoní wain ŋu hausuworo nokono umbuní puŋge ŋuya piyo teweya.^r ³⁸Asa ko wain keta qu puŋge keta quno naŋge puŋgeyoyi qembe. ³⁹Ko uni kato wain komo qu ka neroqo keta quro kama iŋoyote, dokoro, ‘Komo ŋuko meté,’ ye iŋoyote.”

Yesuko Sapat naru ŋu sopoyote
(*Matyu 12:1-8; Mak 2:23-28*)

6 ¹Asa Sapat naru^s kano Yesu wit kho keweroko uyaro iŋo-iŋo rewero uniyómbo^t wit simó siyoro kandeyembo wit kowí rumuniŋoro siyi toŋiní se neyaŋgo. ²Quko Farisi uni^u kumimbo yiyoro ŋande yangurí, “Hutuŋo mande ŋundo otete ŋu soréŋoro, Sapat naruko ŋuno ŋu ma tewero, yete. Ye do karo ŋunde tetenggo?”^v

^a 5:33 “Jon” ŋuko sono re-re uni ŋu naŋge. ^o 5:33 “iŋo-iŋo rewero uni” ŋunde qundo rondaŋe-rondaŋe unindoya uyaro iŋo-iŋo yunoyaró. ^p 5:33 “kundiŋi” teyaŋgurí quno ŋuno unipareto Anutu iŋoro eneŋo ri umbuní naru kanata, irisa ŋundiro o kama naŋgurí. ^q 5:36 “tapara mande” ŋuko sowo mande naŋge. Yesuko sowo mande ŋunde qu yero oka witú yereró. ^r 5:37 Ŋu naruko ŋuno unindo meme koro kowí rero khí kandí kusiyoro wain ŋuno kusíŋoyangurí. Kusíŋoyoyi wain ŋuko yuqa moré, ko yuqako kowe puŋge ŋu riní koŋeweya. Koŋiní kowe puŋge komo qu ka wuriweya, dokoro koŋewero mepémo kini. ^s 6:1 “Sapat naru” ŋuko sonda naru weŋa ŋu. Ŋu naruko ŋuno Juda unipareto huru-huru yayemo huruworo Anutu koro mandí weyoyi iŋoro hariri teyaŋgurí. Ŋu naruko ŋuno kho ka tewero mepémo kini (Toŋenggurí 20:8-11 weyo qembe). ^t 6:1 “iŋo-iŋo rewero uni” ŋundo Yesu koya uyaro iŋo-iŋo rondaŋe yunoyaró. ^u 6:2 “Farisi uni” ŋuko unindoro huru-huru ka Israel mirako ŋuno yangurí. ^v 6:2Hutuŋo mande ŋuro iŋo-iŋo unindo ŋande yangurí, ko Sapat naruko ŋuno uni kato kho kumi tewero mepémo kini. Enendo kho sewero mepémo kini, o yuwoyó rimiwero mepémo kini, enge siyowero mepémo kini, ko kho kumi meyowo ŋuya tewero mepémo kini. Anutu koro hutuŋo mandeko ore mande ŋunde qu kama yaró, iŋo-iŋo uni ŋu naŋge ŋunde kondé yero unipare soré yerenggurí.

³Yi Yesuko mande topé yaró, “Yembe komo Dewit” koya topé-topémboya o tanjurí ñuro sowo mande ñumbe kama weyo inanjurí, peka?^x Asa ñu naruko ñuno o qoyembo kumoro ⁴Dewitko Anutu koro yano oro bret ñu Anutu tonjimo yara ñu re umburo nero topé-topé yunoní nanjurí. Quko bret ñuro, hutunjo mandeko ñande yete, o qa-qa uni ñundo nanje bret ñu newanjo.”^y ⁵Ñunde yero ñande yimiraró, “Unindoro Nanjunimbo^z Sapat naru ñu sopoyote.”

Sapat naruko ñuno Yesuko uni ka kandí piyimi mu riní meté taró
(*Matyu 12:9-14; Mak 3:1-6*)

⁶Asa Sapat naru kano Yesu uyaro huru-huru ya^a quroko oro unipare mande rondaqe yunaró. Yunoní uni ka kandí kondésina ukumi rero kumaró qu ñuno yora. ⁷Hutunjo mande ñuro injo-injo unindoya^b Farisi unindoya,^c Yesuko uni ñu riní meté tiníqo, Sapat naruko kho ka tete ñuro mande kho inowato, yero inoro tonjetanjurí. ⁸Quko Yesuko injo-injaye qene inoro uni kandí piyimi ñu mitoro ñande yaró, “Ke otoqoya keweroyemo ñano kanje,” yini ñunde taró.

⁹Asa Yesuko ñande yimiraró, “Ye date inotenjo, Sapat naru ña do otete ka hutunjo mande wendaqeweya? O meté tewatope ma o piyimi te inowato, asa uni ka ronjaruwowatope ma urato kumoweya?”

¹⁰Ñunde yero uni soso ñuno yiyoro uni ñu ñande miraró, “Kandeki ranjo,” yini ñunde tiní kandí pitu ko meté taró. ¹¹Quko uni soso ñundo sanjiri parámi horé tero, Yesu do ka te inowato, yero epe mito-mito tanjurí.

Yesuko asá yerewí uni kumi rokó yereró
(*Matyu 10:1-4; Mak 3:13-19*)

¹²Asa naru kano Yesu hariri tewero uyaro mira purí kano oro Anutuware hariri tero suwo donje-donje taró. ¹³Ita sarajoníqo, injo-injo rewero uniyó^d neko yerero uni keweroyemo 12 rokó yerero owé “asá yerewí uni” yunaró. ¹⁴Uni ñuro owéye muko ñandiro: Saimon, uni ñu owé Yesuko, “Pita,” ye nekaró ñu; Andru, Saimon koro koneyo ñu; Jems;

^w **6:3** “Dewit” - komo suki Dewitko Israel uniparetoro wiri yerete uni taró. Anutuko Dewit kondé injo inaró, ko yate-yate Israel unipare ñuyako Dewit kondé injo inanjurí.

^x **6:3** Samuel 21:1-6 weyo qembe. ^y **6:40** qa-qa uni ñundo bret toworo *Sapat naru* kano Anutu koro tonjimo yakutímo rotanjurí. Sonda kanata quroko ñuno roti kini tiní o qa-qa unindo nanjurí. (O Qa-qa Uni 24:5-9 weyo qembe.) ^z **6:5** “Unindoro Nanjuní” ñuko Yesu nanje. ^a **6:6** “huru-huru ya” ñuko Juda uniparetoro ya parámi mu. *Sapat naruko* ñuno hu-hariri tero Anutu koro mandí weyoyi inoro hariri teyanjurí. ^b **6:7** “hutunjo mande ñuro injo-injo uni” ñundo Anutu koro mande ñu unipare rondaqe yunoyanjurí. ^c **6:7** “Farisi uni” ñundo, nore Anutu koro *hutunjo mande* ñuro okeyá ta howeyoteto, ye inanjurí.

^d **6:13** “injo-injo rewero uni” ñundo Yesu koya uyaro injo-injo rondaqe yunoyaró.

Jon; Filip; Bartolomeyu; ¹⁵Matyu; Tomas; Jems, Alipeus koro naṅuní ṅu; Saimon, Selot koro wini qu ka;^e ¹⁶Jutas, Jems koro naṅuní ṅu; ko Jutas Isikariot, uni ṅu imemongo Yesu re uni piyimi kandeyemo rotaró.

Yesuko se khumo unipare qambu yoriní meté taṅgurí
(*Matyu 4:24-25; Mak 3:7-12*)

¹⁷Asa Yesu mira purí moṅgo uro mira kuhú kano kaṅaró. Ḳuno eneṅo iṅo-iṅo rewero unipare^f qambu yoraṅgurí. Unipare meyowo qambu ṅuya yoraṅgurí. Unipare ṅu Judia mira koṅgo qu, Yerusalem noṅgo qu, ko windi tapéwore yendé irisa Tair koya Saiton koya^g ṅu noṅgo qu ṅuya yoraṅgurí. ¹⁸Ene mandí iṅowero mahenṅurí. Ko ene se khumoye roṅgaruwoní meté tewanṅo ṅuro mahenṅurí. Asa ko kumi yuqa pusú qundo^h rambaruru yereyanṅo ṅu Yesuko roṅgaru yirini meté taṅgurí. ¹⁹Eneṅo wimbí kondé ṅundo se khumo unipare soso roṅgaru yirini meté taṅgurí. Ḳunde ṅuro unipare qambu ṅu, Yesu kina pekánato, yero kandeye raṅaṅgurí.

Yesuko puriṅo koya o quhurí koya ṅuro yaró
(*Matyu 5:1-12*)

²⁰Ko Yesuko eneṅo iṅo-iṅo rewero unipareyóⁱ yiyoro ṅande yaró,

“Ye owéye moré kini qundo, ye puriṅo ka reṅgo,
dokoro Anutuko ye wiri yereyote.

²¹Ye itaka ka o qoyemboro khumoyotenṅo qundo, ye puriṅo ka reṅgo,
dokoro Anutuko yoriní maṅgoreweya.

Ye itaka ka tendoyotenṅo qundo, ye puriṅo ka reṅgo,
dokoro imemongo yomowanṅo.

²²“Unindo ye Unindoro Naṅuní ṅu^j howeyotenṅo ṅu iṅoro newonde saṅgirí te yunoro yohowero mande piyimi ye yunoro huwó mande yeyotenṅo quno ṅuno yendo puriṅo ka reṅgo. ²³Ḳu naruko ṅuno niṅgu-niṅgu parámi ti qembe, dokoro samboko ṅuno kimo parámi rewanṅo. Hamó, komo eneṅo usisambayembo ye-ye uni^k ṅunde naṅge o piyimi te yunaṅgurí.

^e 6:15 “Selot koro wini” ṅuko saṅgirí uni. Enendo *Rom* unindoya kuma teyanṅurí, dokoro Rom koro wiri yerete uni parámimbo ene sopo yerewero quro piyimiṅaṅgurí. ^f 6:17 “iṅo-iṅo rewero unipare” ṅundo Yesu koya uyaro iṅo-iṅo rondaqe yunoyaró. ^g 6:17 “Tair koya Saiton” ṅuko *kape unindoro* yendéye, Juda koro miraye sumeyoro windi tapémo ṅuno yorariyó. ^h 6:18 “yuqa pusú” ṅuko *sambo simó* ṅunde qembe, quko Anutu koro saṅgirí tero unipare rowore yereyotenṅo. ⁱ 6:20 “iṅo-iṅo rewero unipare” ṅundo Yesu koya uyaro iṅo-iṅo rondaqe yunoyaró. ^j 6:22 “Unindoro Naṅuní” ṅuko Yesu naṅge. ^k 6:23 “ye-ye uni” ṅuko Anutuko mandí yunoní unipare yunaṅgurí.

24 “Quko ye onoŋoye moré mu, o ininiyaqe,
dokoro oka newonde ime yunoweya qu ŋu komo remukaŋgurí.

25 Ye itaka o ni qahuye tinditiní qu, o ininiyaqe,
dokoro imemoŋgo o qoyembo khumowaŋgo.

Ye itaka yomoyoteŋgo qu, o ininiyaqe,
dokoro imemoŋgo tendowaŋgo.

26 “Unindo yeŋo owéye hokiŋgo, o ininiyaqe. Komo, eneŋo
usisambayembo ye-ye uni kota-kota ŋu ŋunde naŋge owéye hokaŋgurí.

Newonde meté yeŋo saŋgiríye ŋu yunoyi qembe
(*Matyu 5:38-48*)

27 “Quko nondo ye mandene iŋoyoteŋgo ŋu ŋande yimiroteno, yeŋo saŋgiríye newonde meté yunoro murí meté uni yeya newonde piyimi teyoteŋgo quya te yunoyuri qembe. 28 Danimbo takuni saŋayemo reweya, ŋu ye puriŋo yiri qembe. Ko danimbo yesará yereweya ŋuro hariri tika Anutuko ene samaka yiriní. 29 Ko uni kato kakíŋge kawore tamoniŋgo, rohoréŋoro kawore ŋuya ino qembe.¹ Uni kato keŋo kowe punu-punu saŋanimo qu re wosoniŋgo, keŋo kowe punu-punu quroyómo qu ŋuya re ma soréŋwero. 30 Uni kato o karo kira kereweya tiniŋgo, o ŋu ino qembe. Ko uni kato keŋo oke siyoweya tiniŋgo, ŋande ma mirowero, topé nuno qembe. 31 Yendo unipareto otete soso yeno te yunowaŋgo ŋuro kondé iŋoyoteŋgo ŋuko, ye otete ŋu naŋge eneno te yunoyi qembe.

32 “Ko yendo topoyembo naŋge hamó iŋo yunoteŋgo tiniŋgo, owé meté ka rewanaŋgo, peka? Kini, uni quhurí uni ŋuyako newonde meté eneŋo topo-topoye yunoyoteŋgo. 33 Ko yendo uni yeya o murí meté te yunoyoteŋgo quya o murí meté te yunowaŋgo tiniŋgo, owé meté ka rewanaŋgo, peka? Kini, uni quhurí uni ŋuyako murí ŋunde naŋge teyoteŋgo. 34 Ko yendo uni utatáyembo topé ye yunowaŋgo ŋu naŋge utatáye yunoyoteŋgo tiniŋgo, owé meté ka rewanaŋgo, peka? Kini, uni quhurí uni ŋuyako uni quhurí imemoŋgo topé tewaŋgo ŋu utatáye yunoyoteŋgo. 35 Quko ye saŋgiriyembo iŋo inoro utatáye yunoyi qembe. Ko enendo utatáyembo topé ye yunowaŋgo ŋuro ma iŋwero. Ye ŋunde tero imemoŋgo kimo parámi rero Anutu Koreko Horé yote ŋuro simó yowaŋgo. Dokoro enendo uni kama ene yuŋgunaŋoyoteŋgo quya o piyimi teyoteŋgo quya o meté te yunoyote. 36 Ye awayembo teyote ŋundiro naŋge uniro sikiye ti qembe.

Ye uni meyowo ma ronda yerewero
(*Matyu 7:1-5*)

37 “Uni karo muríye kama ronda yerewaŋgo tiniŋgo, Anutuko yeŋo muríye ŋuya kama ronda yereweya. Ye uni ka mande kho kama

¹ 6:29 ŋu naruko ŋuno uni kato meyowo kakímo uraró quno ŋuno ŋundewore huwónaró.

yunowaŋgo tiniqo, Anutuko mande kho ye ŋuya kama yunoweya. Uniro quhuriye se rotowaŋgo tiniqo, Anutuko yeŋo quhuriye ŋuya se rotoweya. ³⁸O se uni meyowo yunoyikata Anutuko o se ye ŋuya yunoweya. Enendo o meté kusíŋoní hamó maŋgorero umbuyote ŋu yunoweya. Dokoro yendo uni meyowo o yunoyoteŋgo ŋuro rokóŋo ŋuwore naŋge Anutuko meté te yunoweya.”

³⁹Asa Yesuko tapara mande^m ka ŋande yaró, “Uni toŋí kiré kato toŋí kiré meyowo ka metémbe khe witúŋoweyape, ma kini? Kini, ene irisa-irisa rokaráŋoro meréko uwari. ⁴⁰Iŋo-iŋo rewero simó ŋundo rondaqe-rondaqe uniyó kama takate. Quko iŋo-iŋo meté tiní asa ene otoqoro rondaqe-rondaqe uniyó qembe teweya.

⁴¹“Ke do karo topokeporo murutó ka toŋímo yote ŋu qene iŋoyote, quko ke te puŋo ka keŋo toŋeŋgemo yote ŋu kama qene iŋoyote? ⁴²Ko te puŋo ka keŋo toŋeŋgemo yote ŋu kama qene iŋoyoníqo, ke date tero topoke ŋande miroweya, ‘Topo, murutó toŋeŋgemo ŋu re rotowe?’ Ke uni maŋgoye irisa, koretero te puŋo parámi keŋo toŋeŋgemo yote ŋu re rotorqota ke meté toŋetero murutó tomó ta topoke toŋímo yote ŋu meté se rotoweya.

Te ŋuro eŋgé qene iŋoyi (Matyu 7:16-20; 12:33-35)

⁴³“Qeni, te meté kato eŋgé piyimi mu kama eŋgé teyote. Ŋunde naŋge te piyimi kato eŋgé meté mu kama teyote. ⁴⁴Dokoro, unindo eŋgé qenero te ŋuro kiraró qene iŋowaŋgo. Hamó, fik eŋgé ŋu te kunzi noŋgo kama siyoyoteŋgo, ko wain eŋgé ŋu kakari kewero koŋgo kama siyoyoteŋgo. ⁴⁵Uni meté ŋundo iŋo-iŋo meté qundo newondí riní maŋgoriní murí meté teyote. Uni piyimi ŋundo iŋo-iŋo piyimi qundo newondí riní maŋgoriní murí piyimi mu teyote. Ŋunde ŋuroko o piyimi naŋge teyote. Dokoro iŋondutu newondímo maŋgoreyoní ŋu maŋgómbo naŋge yeyote.

Yaye date rewangaŋo (Matyu 7:24-27)

⁴⁶“Ye dokoro no neko nerero, ‘Uni Parámi, Uni Parámi,’ yeteŋgo, quko ye mandene kama howeyoteŋgo? ⁴⁷Uni kumimbo nono maheroqo mandene iŋoro howeyoteŋgo. Asa ko uni ŋunde quro tapara mandeⁿ yewe teteno. ⁴⁸Uni ŋunde qundo yayó reweya quno ŋuno koretero meré sero kandarama saŋano tatá raŋaró. Sono rirupo ya ŋu kikiŋoní ya ŋu kama huqeweya. Dokoro uni ŋuko paseyó kondé horé raró. ⁴⁹Quko uni kato

^m **6:39** “*tapara mande*” ŋuko sowo mande naŋge. Yesuko sowo mande ŋunde qu yero oka witú yereró. ⁿ **6:47** “*tapara mande*” ŋuko sowo mande naŋge. Yesuko sowo mande ŋunde qu yero oka witú yereró.

mandene ijoro kama howeyote njuko njandiro, uni ka yayó kina nokono kañeweya, ko tatá noko quuroko kama rañaró. Sono rirupo ya nj u kikiñoní waka ta huqero soso piyo teweya.

Yesuko kuma unindoro uni kembémboro kho simóño riní meté taró
(*Matyu 8:5-13*)

7 ¹Asa Yesuko mande soso nj yiní unipareto ijoyi kini tiní Kaperneam yendémo njuno oró. ²Yendémo njuno kuma unindoro sopo-sopo uni ka^o njuno yora, eneño kho simóño^p qu ka se khumo teyate wamba khumaró. Ko enendo kho simóño njuro parámi ijoyara. ³Asa ene Yesu koro iñaró quno njuno Juda koro uni kembé-kembéye yorero, Yesu miroyika mahe kho simóne riníka otoqoní, yero asá yiriní toñejgurí. ⁴Toñero Yesuko uyaro kondé kirayoro njande yañgurí, “Uni njuko uni meté, asa ko meté keto samakañoweya. ⁵Dokoro enendo noreño wininani iño yunoro huru-huru yanani^q nj raró.” ⁶Ñunde yiqo, eneya kopo uyareñgurí.

Uyaro yano kutaqemo uyari kuma unindoro sopo-sopo uni njundo topé-topé kumi asá yiriní eneño mañgó rero Yesu njande mirañgurí, “Uni parámi, enina, koweyumu ma tewero. No uni meté kini njuro ke neneño yano date areweya. ⁷Ñu murí njuro tero neneñombo kiyowero njuno kama uyareno. Quko keto kina mande yekata sunará simóne nj meté teweya. ⁸Dokoro no njuya uni owéye moré mu kasirayemo yowe sopo nereyoteñgo. Kowe nondo uni ka mirowano, ‘Ke toñe,’ yeweqo, toñeyote. Ko ka mirowano, ‘Ke mahe,’ yeweqo, maheweya. Kho simóne mirowano, ‘Kho nj te,’ yeweqo, njunde teweya.”

⁹Asa Yesuko mande nj ijoro ijondata parámi tero rohoréjoro unipare qambu ene howeyañgurí nj njande yimiraró, “Nondo njande yimiroteno, uni njaro ijondutuyó^r parámi njandiro qu ka Israel unipare keweroyemo kama qeneno.” ¹⁰Ñunde yiníqo, kuma unindoro uni kembémbo asá yiriní mahañgurí nj roto toñero pitu ko yano maheroqo kho simó komo meté taró nj qene iñañgurí.

^o 7:2 “kuma unindoro sopo-sopo uni” njuko *Rom* uni ka, enendo kuma uni 100 sopo yereró.

^p 7:2 “kho simó” - nj naruko njuno unipare qambu kho simó, kho pare tunoqañgurí. Naru kano wini irisa kuma tero kako taka yerero kusi yiriní kho simó tunoqañgurí. Naru kano uni kato utatá parámi tero topé tewero mepémo kini, eneño soweyoro kho simó tunoqañgurí. Asa kho simó njunde quko uni parámiyómboro kho qu teyara, eneñomboro o ka tewero mepémo kini. ^q 7:5 “huru-huru ya” njuko Juda uniparetoro ya parámi mu. *Sapat naruko* njuno hu-hariri tero Anutu koro mandí weyoyi ijoro hariri teyañgurí.

^r 7:9 “ijondutu” njuko njandiro, asa unipareto njande kondé ye ijoyoteñgo, ko Anutuko meté sopo yereweya.

Yesuko wapu karo naʒuní khumaró ʒu riní otoqaró

¹¹ Asa tukú Yesu yendé ka, owí muko Nain, ʒuno oró. Oní iʒo-iʒo rewero uniyómboya^s unipare qambu ʒuya eneya uyareŋgurí. ¹² Uyaro yendé ʒuro hoŋgo makono kutaqemo mahero uni kumi yiyoní uni ka khumaró mu re koroworo yendé ʒu roto toŋeyanʒurí. Uni ʒuro nimí muko, simó kanata na ʒu naŋge tero wapu taró. Unipare qambu pare ʒuya mahenʒurí.

¹³ Asa Uni Parámimbo pare ʒu qenero ʒuro sikí parámi tero ʒande miraró, “Ke ma tendoyoto.”

¹⁴ ʒunde yero kutaqemo uyaro mindu ʒu towaró. Towoní uni mindu korowanʒurí ʒu kaŋanʒurí. Kaŋi Yesuko ʒande yaró, “Simó keta, nondo kimiroteno, otoqo,” yaró. ¹⁵ Yiní uni khumaró ʒu otoqoro kunditero mande hurí rero yaró. Yiní Yesuko re nimí inaró.

¹⁶ Asa unipareto sasaro parámi tero Anutu owí hokoro ʒande yanʒurí, “Ye-ye uni^t ka parámi mu keweronanimo tunoqete.” Yero ʒande yanʒurí, “Anutuko unipareyó yiyowero mahete.” ¹⁷ Ko Judia mira soso quno ʒuno unipare Yesuko o taró ʒuro epe mito-mito tanʒurí.

Jonko Yesu koro osese taró

(Matyu 11:2-19)

¹⁸ Asa Jon koro iʒo-iʒo rewero uniyómbo^u o soso Yesuko taró ʒuro Jon miranʒurí. Miroyiqo, Jonko iʒo-iʒo rewero uniyó irisa neko yerero ¹⁹ mande ka Uni Parámi oseseyowero qu yimitoro asá yereró. Osese ʒuko ʒandiro, “Kepe uni maheweya ʒuro iŋatowó ʒumbe,” ma nore meyowo ka sopowato?”

²⁰ Asá yiriní Yesuko uyaro ʒande yariyó, “Sono re-re uni ʒu, Jon, ʒundo mande ka ʒande yete, ‘Ko kepe uni maheweya yi iŋatowó ʒuno qumbe, ma meyowo kape sopowato?’ ʒunde yiní ʒuro osese kerewero mahetero.”

²¹ ʒu naruko naŋge Yesuko unipare se khumo enesó-enesó quya yuqa piyimi^w ene quroyemo yoraŋgo qu qambu horé ʒu yoriní meté tanʒurí. Ko toŋeye kiré qu ʒuya parámi samaka-samaka tuwó rero toŋetanʒurí. ²² Asa Yesuko uni irisa ʒu mande topé ʒande yero yimiraró, “Yari uyareya Jon mitoya o soso qenero iŋotiri ʒu ye mirori qembe. Toŋeye kiré mu toŋetero o

^s 7:11 “iʒo-iʒo rewero uni ” ʒundo Yesu koya uyaro iʒo-iʒo rondaqe yunoyaró. ^t 7:16 “ye-ye uni ” ʒuko Anutuko mandí yunoní unipare yunanʒurí. ^u 7:18 “Jon” ʒuko sono re-re uni ʒu naŋge. ^v 7:19 Komo suki ye-ye unindo Anutuko uni ka rokóŋoní mahero wiri yerete uni parámi horé tunoqeweya qu karo yanʒurí. Juda unipareto uni maheweya ʒu, “Kristo,” ma, “Mesaiya,” ye nekanʒurí. Mande irisa ʒuro murí muko “uni rokóŋowí” naŋge. ^w 7:21 “yuqa piyimi ” ʒuko sambo simó ʒunde qembe, quko Anutu koro sanʒirí tero unipare rowore yereyotengo.

qeneyotengo, kheye piyimi mu khete uyareyotengo, koweye piyimi khumo qu sara teyotengo, kusumboye tuwo qu mande ijoyotengo, uni khumowí mu otoqoyotengo, ononoye moré kini qu miti mande ijoyotengo. ²³Kowe uni ka nenejo ijoro ijondutuyó^x kama piyo teweya njuko puriño ka rete.”

²⁴Ijunde yini Jon koro asá yerewí uni irisa nu tonjirigo, Yesuko Jon njuro unipare qambu nu njande yimiraró, “Ye do ka qenewero mira wimbímo uyarengurí? Matúmbo tamá ka okokowoyote njumbe qenewero njuno uyarengurí, peka? Kini. ²⁵Quko ye do ka qenewero njuno uyarengurí? Uni ka kowe punu-punuyó meté-meté mu teyonímbe nu qenewero uyarengurí, peka? Kini, uni kato tuwi meté-meté mu punuwooro nakayá enesó-enesó tero o meté-meté mu siyotengo qundo wiri yerete unindoro yayemo yotengo. ²⁶Quko ye do ka qenewero njuno uyarengurí? Ye-ye uni^y ka qenewero uyarengurí, hamómbe? Iyo, ko no njande ye yimiroteno, nu ye-ye uni njundo ye-ye uni kumi taka yerete. ²⁷Uni njuro mande ka sokomeko njuno njande nakayáñaró,

“Ijo, nondo uni ka mande yesowo yimitoyoweya qu asáñowe koretero uro keño khe qu ronjaruwoweya.’

²⁸“No njande yimiroteno, Jon koro owí njundo uni soso nokono yotengo njuro owéye takate. Quko uni ka Anutuko unipareyó wiri yereyote naruyómo^z owí tomó ta horé tete njuro owí njundoko Jon takate.”

²⁹Ijunde yiniño, uniparetoya takis re-re unindoya^a mande nu ijoro njande yanngurí, “Anutu koro murí njuko roneneñowí mu nanje.” Ijunde yanngurí dokoro Jon kandí mongo sono re-re tanngurí.^b ³⁰Quko Farisi unindoya^c hutunjo mande njuro ijo-ijo unindoya^d Anutuko khe meté witú yereró mu huwónjoro Jon kandímo sono re-re kama tanngurí.

³¹Asa Yesuko njande yaró, “Ijunde njuroko nondo uni itaka nokono yotengo njuro date yewano? No do tapara mande^e ka yewano? ³²Ijuko simó yendémo kunditeyotengo qembe, ko simó topoye neko yerero njande yeyotengo,

“Nore kusí huwoyatowó,

^x 7:23 “*ijondutu*” njuko njandiro, asa unipareto njande kondé ye ijoyotengo, ko Anutuko meté sopo yereweya. ^y 7:26 “*ye-ye uni*” njuko Anutuko mandí yunoní unipare yunannngurí.

^z 7:28 “*Anutuko unipareyó wiri yereyote naruyómo*” njuno ijondutu unipareko hamó Anutu kusunoyómo yowanjo. ^a 7:29 “*takis re-re uni*” njundo uniparetoro situwiye ronañero kimoyó sombé rero *Rom* koro wiri yerete uni nu inannngurí. ^b 7:29 Komo Jonko unipareto quhuriye yesoworo newondaye rohoré tika sono re yunoyara. Asa Luk 3:3 weyo qembe.

^c 7:30 “*Farisi uni*” njundo, nore Anutu koro *hutunjo mande* njuro okeyá ta howeyoteto, ye inannngurí. ^d 7:30 “*hutunjo mande njuro ijo-ijo uni*” njundo Anutu koro mande nu unipare ronañe yunoyannngurí. ^e 7:31 “*tapara mande*” njuko sowo mande nanje. Yesuko sowo mande njunde qu yero oka witú yereró.

quko ye quno kama ranḡurí.
Nore sikí yambo yatowó,
quko ye kama tendoyanḡurí.’

³³“Qeni, sono re-re uni ḡu, Jon, ḡundo mahero bret kama nero wain sonoyó kama neyara. Ko yendo ḡande yeyanḡo, ‘Yuqa piyimi kato eneno yote,’ yeyanḡo. ³⁴Itaka Unindoro Naḡuní^f mahero o qímboro neyote. Ko yendo ḡande yeyoteḡo, ‘Uni ḡuko o nero qahí parámi tinditete, wain parámi nero kape-kape teyote. Eneko takis re-re unindoya^g quhurí unindoya topo teyote.’ ³⁵Ye ḡunde yeyoteḡo, quko qeni, iḡo-iḡo meté horé ḡundo simó meté yoriní tunoqeweya.”

Pare kato Yesu khí sonowaró

³⁶Asa Farisi koro wini koḡḡo uni kato Yesu nekoní yayómo mahero o newero quro yakutímo etariyó.^h ³⁷ḡu naruko ḡuno quhurí pare ka yendémo ḡuno yora qundo, Yesuko Farisi unindoroⁱ yano ḡuno o neyote, yi iḡaró. Iḡoro sono risá nuḡurí meté mu noko kumbe tomó ta kano re maheró. ³⁸Mahero Yesu khímo kaḡero tendoyoní tendo sonoyómbó Yesu khímo umburó. Tendo sonoyó ḡuko huímbo soworo khí mutó inoro sono nuḡurí meté mu rero khímo windoroḡaró.

³⁹ḡunde teyoní Farisi uni ḡundo Yesu nekoní maheró ḡu qenero newondímbo ḡande ye iḡaró, “Eneko ye-ye uni^j ka hamó tiníqo, danimbo kandí re kowímo rete ḡu iḡoweya, asa quhurí pare kato nanḡe pekánjote.”

⁴⁰ḡunde ye iḡoní Yesuko iḡo-iḡoyó qenero ḡande miraró, “Saimon, no mande ka kimirowe teteno.”

Yiní yaró, “Rondaqe-rondaqe unine, yeka iḡowe.”

⁴¹Yiní ḡande yaró, “Uni kato uni irisa ḡuro utatáyari taró, karo utatáyó wondo musiyó 500 ḡunde, ko karo quko wondo musiyó 50 ḡunde nanḡe.

⁴²Asa irisa-irisa ḡundo utatá topé tewero mepémo kini, ko uni ḡundo utatáyari ḡu re roto yunaró. Asa ko ke date iḡote, dani katoko uni ḡu newonde meté hamó inoweya?”

⁴³Yiníqo, mande topé yaró, “No ḡande iḡoteno, uni ḡu utatá parámi ḡu re roto inaró ḡundo newonde meté hamó inoweya.”

Yiní yaró, “Keto ḡuro okeyá ta qene rondaḡete.”

⁴⁴Yero Yesuko rohoréḡoro pare ḡu qenero Saimon miraró, “Pare ḡa qenetepe? Asa no keḡo ya quroko areteno quno keto khene sonowowero

^f 7:34 “Unindoro Naḡuní” ḡuko Yesu nanḡe. ^g 7:34 “takis re-re uni” ḡundo uniparetoro situwiye rondaḡero kimoyó sombé rero *Rom* koro wiri yerete uni ḡu inaḡurí. ^h 7:36 ḡu naruko ḡuno uni kumimbo o neyanḡo quno ḡuno kama kunditanḡurí. Kini, enendo yakutímo piḡoye etero kande tesina rondaqero ḡunde saḡáqero kande kondésinambo o nanḡurí. ⁱ 7:37 “Farisi uni” ḡundo, nore Anutu koro *hutunḡo mande* ḡuro okeyá ta howeyotote, ye iḡanḡurí. ^j 7:39 “ye-ye uni” ḡuko Anutuko mandí yunoní unipare yunanḡurí.

sono kama nunote. Quko pare nando tendo sonoyómbó khene sonoworo hui nundo supu sowote. ⁴⁵Asa no keño ya quroko areteno quno keto kama mutó nerete. Quko itaka yano areteno quno nanje pare nando khene mutó inoyote. ⁴⁶Asa no keño ya quroko areteno quno ke topo tewero kiruwó kumi rero kembanganemo kama windoroñote. Quko pare nando sono nuñgurí meté mu re mahero khenemo windoroñote. ⁴⁷Pare nando neneño newonde meté hamó nunoyote. Njunde nuroko Anutuko eneño quhuríño parámi se rotote. Uni kato Anutuko quhuríño tomó ta nju re rotaró qundo newonde meté tomó ta nanje inoweya.”

⁴⁸Asa enendo pare nju nande miraró, “Quhuríñge se rotoní.”

⁴⁹Uni meyowo nuno qundo mande nju iñoro epe mito-mito tañgurí, “Nja danimbo quhurí nju se rotoyote?”

⁵⁰Asa Yesuko pare nande miraró, “Njondutukepo^k koriní meté tete. Ke toñe, newondeke ime yoní.”

Pare kumimbo Yesu howeyañgurí

8 ¹Asa imemongo ta Yesu yate-yate yendé pará-paráwore ko yendé tomó-tomówore nuno uro Anutuko unipareyó wiri yereyote naruyó^l nuro miti mande nju yesowo yimitoyaró. Ko eneño iño-iño rewero uniyómbóya^m ene nuya uyareñgurí. ²Ko pare kumi nuya eneya uyareyañgurí. Nju pare kumi njuke yuqa piyimiⁿ ene quroko yoraño qu yohowaró, ko kumi njuke se khumo ti yoriní meté tañgurí. Kako owí Maria, Maktala yendé mongo qu, nju Yesuko yuqa piyimi kande sañiyoro irisa njunde yoraño qu yohowaró. ³Ko kako owí Joana, njuke Kusa koro parí (Kusa njuke Herot^o koro yayómboro sopo-sopo), ko kako owí Susana, ko pare kumi nuya eneya uyareyañgurí. Nju pare njuke Yesu koya eneño iño-iño rewero uniyó samaka yerero ononye kumi yunañgurí.

Uni kato o yuwoyó khono rañaró nuro tapara mande (Matyu 13:1-23; Mak 4:1-20)

⁴Asa unipare qambu horé yendé enesó-enesó rotoro mahe huruwoyi tapara mande^p ka nande yimiraró: ⁵“Uni kato o yuwoyó khono se kuriyoní kumi kheko umburó. Njuno umbuní unindo kheteyango, ko

^k 7:50 “*ijondutu*” njuke nandiro, asa unipareto nande kondé ye inoyotenggo, ko Anutuko meté sopo yereweya. ^l 8:1 “*Anutuko unipareyó wiri yereyote naruyómo*” nuno inondutu unipareko hamó Anutu kusunoyómo yowango. ^m 8:1 “*iño-iño rewero uni*” nundo Yesu koya uyaro iño-iño rondaqe yunoyaró. ⁿ 8:2 “*yuqa piyimi*” njuke *sambo simó* njunde qembe, quko Anutu koro sangirí tero unipare rowore yereyotenggo. ^o 8:3 “*Herot*,” owí kako “Antipas,” nundo Galili mira sopo yereró, quko enendo *Rom* koro wiri yerete uni parámi kasirayómo yora. Wiri yerete uni parámi nundo owé parámi ka Herot inaró. Komo Herot koro iwímbo Juda unipare soso wiri yiriníño, Mariako Yesu pisiyaró. ^p 8:4 “*tapara mande*” njuke sowo mande nanje. Yesuko sowo mande njunde qu yero oka witú yereró.

númbo mahero neyangurí. ⁶Ko kumi noko wondo seqemo yote quno ñuno umburó. Ñuno umburo wotero asáqero khumaró. Dokoro sonoyó moré kini. ⁷Kumi kakari keweroko umburo wotangurí, ko kakari ñuko noko kiruwó wosoro kosa saki riní engé kama tangurí. ⁸Ko kumi noko metémo umburó. Ñuno umburo wotero engé parámi horé 100 ñunde taró. Asa uni ka kusumbí moré tiníqo, mande ña ñoní.”

⁹Asa ño-ño rewero uniyómbó^a tapara mande ñuro murí ñowero oseseyangurí. ¹⁰Oseseyí ñande yimiraró, “Anutuko unipareyó wiri yereyote naruyó^r ñuro mande tapuñowí mu.^s Itaka yepa nanje mande ñu tunomo rondaqe yunoyoteno. Unipare meyowo ñundo tapara mande nanje ñoyotenggo. Ñunde tero

“qeneyowañgo, quko ñondutuye kama hiyóqeweya,
 ñoyowañgo, quko kama ñoyí tondañeweya.’

¹¹“Tapara mande ñuro murí muko ñandiro. O yuwoyó ñuko Anutu koro mande quro rokó tete. ¹²O yuwoyó kheko umburó, ñuko unipareto Anutu koro mande qu ñoyiqo, waka ta Monimbuko mahero mande ñu newondeyemo se ta yere rotoyote. Ñande yero ñote, enendo kama ñondutu tewañgo^t tiníqo, Anutuko rambaruru koñgo kama yoreweya. ¹³O yuwoyó noko wondo seqemo yote quno ñuno umbungurí ñuko ñandiro: unipareto mandí ñu ñoro rero ñingu-ñingu teyotenggo, quko hurí noko quroko kama uyote. Naru tukuni ta ñondutu teyotenggo, quko quhurímbo towó yereyote quno ñuno sorero Anutu rotoyotenggo. ¹⁴O yuwoyó kakari keweroko umbungurí ñuko ñandiro: unipareto mandí ñu ñotenggo. Quko o noko koro quro ñañawí tero ononoye parámi siyoro o ñingu-ñingu tewero qu seqayotenggo. O soso ñundo ñondutuye wiriyoní kama woteyote. ¹⁵O yuwo musiyó noko meté muno umbungurí ñuko ñandiro: unipareto mande ñoro toworo kondé kañeyuriqo, engé parámi tunoqeyote.

Suru tupuñoro kumbe quroko kama tapuñowero

(Mak 4:21-25)

¹⁶“Uni kato suru tupuñoro kumbe quroko kama rukukuwoyoweya, ko yakutí etewero quro kusuñoyómo kama reweya. Kini, rero koreko pikoyi unindo ya quroko arero hiyó ñu qenewañgo. ¹⁷Hamó, o soso sóqeyote ñuko imemoñgo tunomo tunoqeweya. Ko o soso unindo weyoñoyotenggo

^a 8:9 “ño-ño rewero uni ” ñundo Yesu koya uyaro ño-ño rondaqe yunoyaró.

^r 8:10 “Anutuko unipareyó wiri yereyote naruyómo ” ñuno ñondutu unipareto hamó Anutu kusuñoyómo yowañgo. ^s 8:10 “mande tapuñowí ” ñunde quko ño-ño ka Anutuko komo tapuñoro itaka nanje wisiyo yunoyote. ^t 8:12 “ñondutu ” ñuko ñandiro, asa unipareto ñande kondé ye ñoyotenggo, ko Anutuko meté sopo yereweya.

ɲuko imemoŋgo tunomo tunoqiní unipareto ɲu qene iɲowaŋgo. ¹⁸Ɔunde ɲuroko mande ɲa hamó iɲoyi. Uni ka o kumi towoyote tiníqo, Anutuko o kumi kaɲuya saɲanímo rero inoweya. Uni ka oyó moré kini quko, oka siyoteno, yero iɲoyote ɲuko Anutuko siyoní kini teweya.”

Yesu koro nimí-topé horé
(*Matyu 12:46-50; Mak 3:31-35*)

¹⁹Ɔu naruko ɲuno Yesu koro nimímboya kone-topémboya, Yesu qeneto, yero maheɲgurí. Quko unipare qambu horé ya ɲu maɲgori ene Yesu taŋgímo owero mepémo kini. ²⁰Kowe uni kumimbo Yesu ɲande miraɲgurí, “Náŋge, kone-topoke mirako kaɲero ke kiyowero yeteŋgo amu,” yaɲgurí.

²¹Quko yi mande topé ɲande yimiraró, “Unipare Anutu koro mande qu iɲoro howeyotengo ɲundo ta neneɲo náme one-topone,” yaró.

Yesuko yiní matú imaqaró
(*Matyu 8:23-27; Mak 4:35-41*)

²²Asa naru kano Yesu koya iɲo-iɲo rewero uniyómboya^u waŋgo kano oro ɲande yimiraró, “Nore sono towo” karóɲoro andusina uyato.” Yero uyareɲgurí. ²³Asa uyareyate Yesu waŋgo quroko eteyoní matú parámi mahero waŋgo kikiɲoní sono waŋgo quroko uní windoroɲowero taró.

²⁴Ɔunde tiní uyaro Yesu okokoworo miraɲgurí, “Awa, awa, nore piyo tewe teteto ɲa!”

Ɔunde yi otoqoro matú koya sono koya qene yiní imaqero pitu ko kama okoko tariyó. ²⁵Asa enendo ɲande osese yereró, “Date koro? Yeɲo iɲondutuye ɲu dano yote?”

Yiníqo, iɲondata parámi tero sasaro tero ɲande epe mito-mito taɲgurí, “Uni ɲako dani horé? Enendo matú koya sono koya yiní iɲoro ene maɲgó howetiri!”

Yesuko yuqa piyimi uni quroko yoraŋgo qu yohowiní toɲeɲgurí
(*Matyu 8:28-34; Mak 5:1-20*)

²⁶Yate-yate Galili mira andusina quno Gerasa mirako ɲuno sono towo^w tapémo uyareɲgurí. ²⁷Uyariqo, yendé uni kato kheko kopo yereró. Uni ɲu yuqa piyimi^x ene quroko yoraŋgo, ko naru rokóɲoro kowe punu-punuyó kama punuwaró, yano kama eteyaró. Kini, uni tapu yendémo ɲuno naɲge

^u 8:22 “iɲo-iɲo rewero uni ” ɲundo Yesu koya uyaro iɲo-iɲo rondaqe yunoyaró.

^v 8:22 “sono towo” ɲuko Galili Sono Towo naɲge. Asa sono towo ɲuko parámi ta. Tapésinaŋgo anduwore qenewero mepémo kini, kapiyamo. Piruyó muko kilomita 20, ko papareyó muko kilomita 9. ^w 8:26 “sono towo” ɲuko Galili Sono Towo naɲge.

^x 8:27 “yuqa piyimi ” ɲuko *sambo simó* ɲunde qembe, quko Anutu koro saɲgírí tero unipare rowore yereyotengo.

yora.^γ 28-29 Asa Yesuko qenero yuqa pusú ŋu ŋande yimiraró, “Ye tonji,” yaró. Ŋunde yini Yesu qenero kiwero Yesu khímo nokono umbu raŋoro ki parámi ŋande taró, “Yesu, Anutu Koreko Horé yote ŋuro Naŋuni, ke do nereweya?” (Komo naru piru yuqa ŋundo uni ŋu kondé sopoyanŋo. Uni kumimbo utó kondémbo khí kandí kusiyoro sopoyanŋo, quko yuqa ŋundo wimbu inoyi utó kondé ŋu soso rombonjero yuqa piyimi ŋundo ene ri mira wimbímo tonjeró.)

³⁰Asa Yesuko ŋande oseseyaró, “Owénge neko.”

Ŋunde yini ŋande nekaró, “No owéne Lekiyon.” Ŋunde yaró, dokoro yuqa piyimi qambu ŋu ene quroko uro mangoreyanŋo. ³¹Yuqa piyimi ŋundo Yesu kondé ŋande oseseyanŋurí, “Keto nore nohowiqo, meré piyimi horé mu ŋuno kama uwato.”

³²Po wata mira purímo kutaqemo ŋuno yoranŋo. Asa kondé oseseyanŋurí, “Norotoka po quroko uto.” Yi Yesuko, “Meté,” yaró. ³³Yini yuqa piyimi ŋu uni ŋu rotoro po quroko unŋurí. Uyi po ŋu khengeŋo purí titini monŋo rokaráŋoro sono towo quroko uro sono nero khumomukanŋurí.

³⁴Asa po sopo-sopo unindo qenero sore tonjero yendé parámimo ŋuya mira soso ŋuno mande piŋa ŋu yimiranŋurí. ³⁵Yimiroyi unipareto o tunoqaró ŋu qenewero mahenŋurí. Mahero Yesuko mahi uni yuqa piyimi ŋu quro koŋgo yohowaró muko tuwi kowí punuworo inŋo-inŋoyó hiyóqini Yesu khí rorowo kunditeyaró. Ŋu qenero sasaro parámi horé tanŋurí. ³⁶Uni o tunoqaró ŋu qenenŋurí ŋundo uni ŋundo date tero meté taró ŋuro unipareno yesowo yanŋurí. ³⁷Ko uni soso Gerasa mira koŋgo qundo sasaro parámi horé tero kondé miranŋurí, nore noroto tonje, yanŋurí. Ŋunde yi Yesu wanŋo saŋano oro tonjeró.

³⁸Quko koretero uni yuqa piyimi ene koŋgo tonjenŋurí ŋundo Yesu koya tonjewero koro kondé oseseyaró. Quko Yesuko soréŋoro ŋande miraró, ³⁹“Ke yendénŋemo uyareya o soso Anutuko o te samaka kere ŋuro yimito.” Ŋunde yini tonjero yendéyómo ŋuno Yesuko o tero samakanaró ŋuro unipare yesoworo yimiraró.

Yesuko pare parámi kaya pare keta kaya yorini meté tariyó
(*Matyu 9:18-26; Mak 5:21-43*)

⁴⁰Asa Yesu pitu ko sono towo^z tapé andusina uyareyoní unipare qambu soporo, mahete, yero niŋgu-niŋgu tanŋurí. ⁴¹Uni ka Juda koro huru-huru ya^a sopoyara qu, owí muko Jairus, ŋundo Yesu khímo umbu raŋoro

^γ **8:27** “uni tapu” ŋuko wondo yayó nanŋe. Juda unindo uni khumaró ŋu rero wondo yayó huwósina rotoyanŋo. Asa ko uni ŋundo wondo yayómboro manŋó ŋuno meté eteyaró.

^z **8:40** “sono towo” ŋuko Galili Sono Towo nanŋe. ^a **8:41** “huru-huru ya” ŋuko Juda uniparetoro ya parámi mu. *Sapat naruko* ŋuno hu-hariri tero Anutu koro mandí weyoyi inŋoro hariri teyanŋurí.

enendo yayómo owero quuro kondé oseseyaró. ⁴²Dokoro nambuní kanata na, kumima naruyó 12 nunde qu, wambaka khumaró.

Asa Yesu uyareyoní unipare qambu nuya uyaro eneya epe ki-ki tanğurí. ⁴³Ñunde tiqo, pare ka nuya yora, pare ñu kombo khumo naru rokóño teyara. Kumima naru 12 nunde rotaró, quko dotako se khumoyó ñu riní meté tewero mepémo kini. ⁴⁴Asa pare ñu Yesu huwósina mahero tuwiyo píru ñu tapémo pekáñaró. Ñunde pekáñoñí sitú ñu waka ta kini taró.

⁴⁵Ko Yesuko osese ñande taró, “Danimbo peka nerete?”

Yiní uni soso, norendo kini, yiqo, Pitako yaró, “Awa, unipare qambu ke wuriri kerero kañero keya epe womo-womo teteño ñu.”

⁴⁶Quko Yesuko yaró, “Wimbune kumi norotoní iñoteno, ñunde ñuro no ñande iñoteno, kato peka nerete.”

⁴⁷Asa pare ñu iñaró, ene sóqewero mepémo kini. Ñunde ñuro yukuworo khímo umbu ranjaró. Ko enendo unipare toñeyemo do murí karo Yesu towaró, ko se khumo ñu waka ta kini taró, ñuro yaró. ⁴⁸Yiní Yesuko miraró, “Nambone, keño iñondutukepo^b koriní meté tete. Ke toje, newondeke ime yoní.”

⁴⁹Yesu mande yeyoní nanje huru-huru ya ñuro sopo-sopo unindoro kho uni ka maheró. Mahero sopo-sopo uni ñu ñande miraró, “Namboke khuma. Rondaqe-rondaqe uni roto quhurí watí ma inowero.”

⁵⁰Yesuko mande ñu iñoro sopo-sopo uni ñu ñande miraró, “Ma sorewero. Ke iñondutu hamó qu nanje teka simónge meté teweya.”

⁵¹Asa yano mahero Yesuko unipare qambu yano owero yero soré yereró, ko Pita, Jon, Jems, ko simó ñuro iwí-nimí ñu nanje yorero ya quuroko oñğurí. ⁵²Unipare soso yendémo yoraño qundo simó ta ñuro sikíqero tendo parámi teyaño. Quko Yesuko ñande yimiraró, “Ye ma tendowero, dokoro simó ñu kama khuma. Kinanje eteyote.”

⁵³Unipareto, komo khuma, yero iñanğurí, asa ko ene qene yomanğurí. ⁵⁴Quko Yesuko pare ta ñu kandímo toworó ñande yaró, “Pare ta, otoqo,” yaró. ⁵⁵Yiní eneño yuqayó pitu ko quroyómo uní waka ta otoqaró. Ñunde tiní Yesuko, o qímboro ronğaruwo, yimiraró. ⁵⁶Pare ta ñu otoqoní iwí-nimí qenero newondeyari uroní niñgu-niñgu tariyó. Quko Yesuko ñande yimiraró, “Yari o tunoqete ñaro unipare ma yimirowero.”

Yesuko iño-iño rewero uni 12 kho yunoro asá yereró

(Matyu 10:5-15; Mak 6:7-13)

9 ¹Asa Yesuko iño-iño rewero uni 12 ñu^c neko yiriní mahenğurí. Mahi wimbu koya owé parámimboya yunaró ñuko enendo yuqa piyimi soso^d

^b 8:48 “iñondutu” ñuko ñandiro, asa unipareto ñande kondé ye iñoyotengo, ko Anutuko meté sopo yereweya. ^c 9:1 “iño-iño rewero uni” ñundo Yesu koya uyaro iño-iño rondaqe yunoyaró.

yohowewero unipare se khumo tanġurí ñu yoriní meté tewaŋgo. ²Ñunde yunoro, Anutuko unipareyó wiri yereyote naruyó^e ñuro yesoworo se khumo uni ñu yori meté tewaŋgo, yero asá yereró. ³Asá yerero ñande yimiraró, “Ye kheko uyarewaŋgo quno ñuno oye ñuya se kama uyarewaŋgo. Asa usú, puŋge, o newero qu, wondo musiyó, kowe punu-punu irisa, o ñunde qu ma siyowero. ⁴Ye ya kano oroqo ñuno naŋge eteyate yendé meyowomo uyarewero toŋewaŋgo. ⁵Yendé unipare kato yorero yayemo kama owaŋgo tiníqo, ye toŋewaŋgo quno noko murutómi kheyemo ñu siyoyi umbuweya. Ñunde tiqo, o koroqe teyoteŋgo ñuro muriye ñu qene iŋowaŋgo.” ⁶Ñunde yero yimironí kini tiníqo, uro yendé tomó, parámimo ñuno toŋero miti mande yesoworo yimitoro se khumo uni yori meté tanġurí.

Herotko Yesu koro piña mande iñaró

(*Matyu 14:1-2; Mak 6:14-16*)

⁷Asa Herot, uni kembé ñundo,^f o soso tunoqaró ñuro piña mande iñaró. Ñunde iñoro iñondata parámi taró, dokoro uni kumimbo yeyaŋgo, Jon^g ñuko uni tapu koŋgo pitu ko otoqaró, ⁸ko kumimboko, Elaijako peka tunoqaró, yeyaŋgo, ko kumimboko, ye-ye uni ka komo khumaró ñundo otoqaró, yeyaŋgo. ⁹Quko Herotko ñande yaró, “No komo Jon puñí toŋowe kini taró. Ko o ñunde qu teyote ñuro kusumbo re iñoyoteno, ñuko dani?” Ñunde yero Yesu qenewero khe ka seqaró.

Yesuko uni 5,000 o qoyemboro yunaró

(*Matyu 14:13-21; Mak 6:30-44; Jon 6:1-13*)

¹⁰Tukú asá yerewí uniⁱ ñundo pitu ko mahero o soso tanġurí ñuro Yesu miranġurí. Miroyi yorero enemata yendé parámi ka, owí Betisaita,^j ñuno toŋeŋgurí. ¹¹Quko unipare qambu qundo, Yesu uro toŋete, yi iñoro enepa howe toŋeŋgurí. Ñunde yero howiqo, yuŋguna yerero Anutuko unipareyó wiri yereyote naruyó^k ñuro yimitoro se khumoye moré qu yoriní meté tanġurí.

¹²Yate suwo tiníqo, iño-iño rewero uni 12 ñu^l eneno mahero ñande miranġurí, “Ke waka unipare qambu ña yoreka ene yendéne-yendéne

^e 9:2 “Anutuko unipareyó wiri yereyote naruyómo ” ñuno iñondutu unipareko hamó Anutu kusuŋoyómo yowaŋgo. ^f 9:7 “Herot ,” owí kako “Antipas,” ñundo Galili mira sopo yereró, quko enendo Rom koro wiri yerete uni parámi kasirayómo yora. Wiri yerete uni parámi ñundo owé parámi ka Herot inaró. Komo Herot koro iwímbo Juda unipare soso wiri yiriníqo, Mariako Yesu pisiyaró. ^g 9:7 “Jon” ñuko sono re-re uni naŋge, komo Herot ko uri khumaró. ⁱ 9:10 “asá yerewí uni ” ñuko Yesuko rokó yerero asá yiriní eneño khayó tanġurí. ^j 9:10 “Betisaita” ñuko Juda winiyemboro yendé ka naŋge, Galili Sono Towo kutaqemo ñuno yaró. ^k 9:11 “Anutuko unipareyó wiri yereyote naruyómo ” ñuno iñondutu unipareko hamó Anutu kusuŋoyómo yowaŋgo. ^l 9:12 “iño-iño rewero uni 12” ñuko Yesu rokó yiriní topé-topé horé tunoqanġurí.

toŋero o qoyembo ro siyoya yendé etewero quro meté seqayi. Dokoro nore mira uni kinimo yoroteto.”

¹³Quko Yesuko ŋande yimiraró, “Yendo o qoyembo ro yunoyi.”

Yini yaŋguri, “Nore o qambu kini, bret kandeka ko sono qare irisa nanŋe yote. Norendope toŋero unipare ŋaro o qoyembo ro kimowatope?”

¹⁴Yero ŋunde yaŋguri, do karo uni 5,000 ŋunde ŋuno yoraŋguri.^m

Asa Yesuko iŋo-iŋo rewero uniyó ŋande yimiraró, “Ye yimiroyika unipare 50, 50 ŋunde kopoya kunditi.” ¹⁵Ŋunde yiŋo, unipare soso kunditaŋguri. ¹⁶Asa Yesuko bret kandeka ko sono qare irisa ŋu siyoro samboko toŋetero puriŋo yero bret koya sono qare ŋu romboŋero iŋo-iŋo rewero uniyó se yunoní unipare se yunaŋguri. ¹⁷Se yunoyi o ni qahuye tinditini o kumi yoní toŋgo kome punŋe 12 ŋunde siriyoyi maŋgoraró.

Pitako Yesu koro muri yesowaró

(Matyu 16:13-19; Mak 8:27-29)

¹⁸Naru kano Yesu enemata hariri teyoníŋo, iŋo-iŋo rewero uniyóⁿ ŋu ŋuya ŋuno yaŋguri. Kowe enendo ŋande osese yereró, “Unipare qambu ŋundo, no dani, yero yeyoteŋgo?”

¹⁹Yini mande topé ŋande yaŋguri, “Kumimboko keko sono re-re uni ŋu, Jon, yeyoteŋgo. Quko kumimboko, Elaija,^o yeyoteŋgo, ko kumimboko, ye-ye uni komo qu ka otoqaró qu, yero yeyoteŋgo.”

²⁰Kowe enendo ŋande osese yereró, “Yendoko nenembo ro dani yeyoteŋgo?”

Yini Pitako mande topé ŋande yaró, “Keko Anutu koro Kristo ŋu,” yaró.

Yesuko eneŋo khumo otoqoweya ŋuro yaró

(Matyu 16:20-28; Mak 8:30–9:1)

²¹Asa Yesuko soré yerero, no dani ka ye ma yimirowero, yaró. ²²Ŋande yaró, “Unindoro Naŋuni ŋu^p kowe surumi parámi korowoní, uni kembé-kembémboya o qa-qa unindoro tapá unindoya hutuŋo mande ŋuro iŋo-iŋo unindoya^q ene huwóŋoro uri khumoweya. Ko naru kapusayómo ŋuno pitu ko otoqoweya.”

^m **9:14** Asa urumuni ŋuro qambuye muko 5,000, ŋundiro nanŋe uni, pare, simóye soso ŋuro qambuye muko parámi horé, 20,000 peka. ⁿ **9:18** “iŋo-iŋo rewero uni ” ŋundo Yesu koya uyaro iŋo-iŋo rondaŋe yunoyaró. ^o **9:19** “Elaija ” ŋuko Anutu koro ye-ye uni komo qu ka, komo suki kama khumoní Anutuko kina rini samboko oró (2 Wiri yerete Uni 2:11 weyo qembe). Malakai 4:5-6 ŋande yete, ko Elaija pitu ko mahero o ka roŋgaruwonkata Anutuko unipare soso ronda yereweya. ^p **9:22** “Unindoro Naŋuni ” ŋuko Yesu nanŋe. ^q **9:22** Uni soso ŋundo Juda koro huru-huru parámi ka, owí Sanedrin , taŋguri. Enendo Juda unipare ronda yereyaŋguri.

²³ ʔunde yero unipare soso ʔande yimiraró, “Uni ka no nohoweweroqo, ene eneʔo re umburoqota, tipiririyó^r re koroworo no nohoweyoweya.

²⁴ Dokoro, dani kato eneʔo yoto-yotoyó kondé towowero ye iʔote qu, yoto-yotoyó ʔu piyo teweya. Quko dani kato no iʔo nunoro yoto-yotoyó rotoweya tiníqo, ene yoto-yotoyó ʔu reweya.

²⁵ “Qeni, ko uni ka noko koro o soso ʔu reweya, quko ene piyo tero kini teweya, asa o soso ʔundo date samakanjoweya? ²⁶ Hamó, uni kato nenemborope ma mandenemboro kowi piyo teweya quko, asa tukú Unindoro Naʔuní ʔundo eneʔo sine parámimo mahero uni ʔuro kowi piyo teweya. Ko sine parámi ʔuko iwímboro, sambo simó^s surumí ʔuro sine parámiye ʔuya. ²⁷ No hamó yimiroteno, uni kumi ʔano kanjetenʔo qundo kama khumoyuri Anutuko unipareyó wiri yereyote naruyó^t ʔu mahiní qenewanʔo.”

Yesu koro umu-kembé ʔu rohoréʔoro enesó taró
(*Matyu 17:1-13; Mak 9:2-13*)

²⁸ Asa Yesuko mande ʔu yeroqo naru kande saʔiyoro kapusa ʔunde rotoro Pita, Jon, Jems yorero hariri tewero mira purímo oʔgurí. ²⁹ Oro hariri teyoní umu-kembé ʔu rohoréʔo enesó taró, ko eneʔo tuwiyó muko sara horé tero sine parámi taró. ³⁰ Ko uni irisa, Moses koya Elaija koya^u tunoqero eneya yaʔgurí. ³¹ Uni irisa ʔundo sine parámimo ʔuno tunoqero Yesu Yerusalem ʔuno khumoweya ʔuro yero epe mito-mito teyaʔgurí. ³² Pita koya topé irisa ʔuya kupo taʔgurí ʔu rotoro otoqoro Yesu koro sine parámi ʔuya uni irisa ʔuya yiyaʔgurí.

³³ Asa uni irisa ʔu Yesu roto toʔewero tiriqo, Pitako Yesu ʔande miraró, “Awa, nore keya yoteto quko ʔu meté. Nore yamaru kapusa towowato, kanata keʔo, kanata Moses koro, kanata Elaija koro.” (ʔunde yaró, quko eneʔo mandí ʔuro murí kama iʔoní tondaʔaró.)

³⁴ ʔunde yeyoní naʔge koporé ka mahe weyo yiriní sasaro taʔgurí. ³⁵ Koporé quroko ʔuno neka ʔande yaró, “ʔuko neneʔo naʔone. Nondo ene rokóʔanowó. Maʔgó howeyuri qembe.” ³⁶ ʔunde yiniⁿ kini tiní toʔetiqo, Yesu enesó ʔuno kaneyaró. Imemoʔgo iʔo-iʔo rewero uni ʔu^v o qeneʔgurí ʔuro uni kama yimiranʔurí.

^r **9:23** “*tipiriri*” ʔunde quko tatá suruʔo nokono raʔoro piʔo papare ka koreko kusiyoro uni ʔuno porowoyaʔgurí. Naru rokóʔoro uni tipiririko ʔuno khumoweya ʔuko papareyó re koroworo khumowero quro mirayómo ʔuno uyareʔgurí. ^s **9:26** “*sambo simó*” ʔuko komo suki-suki Anutuko unipare kama yoriní tunoqo sambo simó yondowaró. Ko itaka eneʔo sunará teyotenʔo. ^t **9:27** “*Anutuko unipareyó wiri yereyote naruyómo*” ʔuno iʔondutu unipareko hamó Anutu kusuʔoyómo yowanʔo. ^u **9:30** Komo suki “*Mosesko*” Israel unipare yorero *Isip* mira rotoro eneʔo mirayemo ʔuno uyareʔgurí. ʔu naruko ʔuno Anutuko Moses *hutuo* mande inoní unipare yunaró. Imemoʔgo ta “*Elaijako*” Anutu koro *ye-ye uni* parámi taró. Komoko uni irisa ʔundo Yesu kama tunoqeyoní khumariyó. ^v **9:36** “*iʔo-iʔo rewero uni*” ʔundo Yesu koya uyaro iʔo-iʔo rondaqe yunoyaró.

Yesuko yuqa piyimi simó quroko yora ñu howiní tojeró
(*Matyu 17:14-23; Mak 9:14-32*)

³⁷Asa tukú mira purí rotoro uyiyo, unipare qambu mahero Yesu koya kheko kopangurí. ³⁸Koporo uni ka keweroye moŋgo nekero yaró, “Rondaqe-rondaqe uni, no kondé kira kerewe teteno, ke meté nañone qeneweya. Dokoro ñuko nañone kanata nañge. ³⁹Naru qambu yuqa piyimi kato towoní waka-waka kiweyote. Ñunde towoní kowí piyimi yukuwoyote ko harasasa maŋgómo areyote. Naru parámi ñunde towoní kowí rambaruruwowero teyote. ⁴⁰Nondo komo iño-iño rewero unike” kondé kira yerero, yuqa ñu howi toñeweya, yanowó. Quko enendo mepémo kini.”

⁴¹Asa Yesuko mande topé ñande ye yimiraró, “Ye unipare itaka nokono yotenggo qundo iñondutu^x kama reyotenggo! Naru date yeya yowano? Naru date quhuriye korowoyowano? Simó ñu nono re mahe,” yaró. ⁴²Yini simó ñu rero mahiní yuqa pusú ñundo^y re rañoní kowí soso yukuwaró. Quko Yesuko yuqa ñu qene yero simó ñu riní meté tiní re iwí inaró. ⁴³Unipare soso Anutu koro wimbí parámi ñu genero kondé yukuwangurí.

Asa o soso taró ñu qene iñondata teyuriyo, Yesuko iño-iño rewero uniyó yimitoro ñande yaró, ⁴⁴“Ye kusumbo re mande ña iñoyi. Ko kumimbo Unindoro Nañuní^z re saŋgirí uni kandeyemo rotowe tetenggo.” ⁴⁵Ñunde yaró, quko murí ñuro kama iñoyi tondañaró. Mande ñuro murí ñuko sóqeyoní kama iñangurí. Ko murí ñuro oseseyowero quro sorangurí.

Iño-iño rewero unindo epe taka-taka taŋgurí
(*Matyu 18:1-5; Mak 9:33-40*)

⁴⁶Asa iño-iño rewero unindo^a dani keweroiyemo kato imemonggo topé-topé taka yereweya ñuro mandeto epe uto-uto taŋgurí. ⁴⁷Yesuko iño-iñoye ñu soso qene iñomukoro simó ta ka rero taŋgímo rotoní kañiní ⁴⁸iño-iño rewero uni ñu ñande yimiraró, “Uni kato neneño iñoro simó ta ka ñande quya topo teweya ñuko noya topo teweya. Uni noya topo teweya ñuko Awanembo asá nereró ñuya topo teweya. Qeni, ye kato topé soso kusuyoyemo yote ñundo ene soso taka yerete.”

⁴⁹Ñunde yini Jonko mande topé yaró, “Awa, uni kato keño owéŋgepo yuqa piyimi^b yohowiní toñengurí ñu qenetowó. Uni ñu noreño sowe-sowe qu kini. Ñuroko yuqa piyimi, ma yohowewero, yero soréŋatowó.”

^w 9:40 “iño-iño rewero uni ” ñundo Yesu koya uyaro iño-iño rondaqe yunoyaró.

^x 9:41 “iñondutu ” ñuko ñandiro, asa unipareto ñande kondé ye iñoyotenggo, ko Anutuko meté sopo yereweya. ^y 9:42 “yuqa pusú ” ñuko *sambo simó* ñunde qembe, quko Anutu koro saŋgirí tero unipare rowore yereyotenggo. ^z 9:44 “Unindoro Nañuní ” ñuko Yesu nañge. ^a 9:46 “iño-iño rewero uni ” ñundo Yesu koya uyaro iño-iño rondaqe yunoyaró.

^b 9:49 “yuqa piyimi ” ñuko *sambo simó* ñunde qembe, quko Anutu koro saŋgirí tero unipare rowore yereyotenggo.

⁵⁰Quko Yesuko nhande miraró, “Ma soréñowero. Dokoro uni yeya sangirí kama te yunotenjo njuke yeño topoye.”

Samaria unindo Yesu koya topo kama tanğurí

⁵¹Asa yate-yate Anutuko Yesu re samboko owero naru tukuni tiníqo, Yesuko, Yerusalem owano, yero kondé iñoro oró. ⁵²Oroyate uni kumi asá yirini koretero o ronğaruwowero toñeñğurí. Toñero Samaria mira^c koro yendé kano oñğurí. ⁵³Quko unipare njuke qundo qenero, Yesu Yerusalem ote, ye iñoro eneya topo kama tanğurí. ⁵⁴Ñunde tiqo, iño-iño rewero uni^d irisa Jems koya Jon, irisa njuke muriye njuke qenero Yesu nhande oseseyariyó, “Uni Parámi, ke metémbe iñi nore irisa nhande yaro kewá sambo koñgo umburo unipare njuke rambaruru yereweyape?” njuke yariyó.

⁵⁵Quko Yesuko rohoréjoro irisa njuke yiyo yero ⁵⁶yendé njuke takaro meyowomo njuke toñeñğurí.

Yesu howewero khe nju

(Matyu 8:19-22)

⁵⁷Oyate uni kato Yesu nhande miraró, “Ke dana uyareweya qunoko no njuke kohowe njuke uyarewano.”

⁵⁸Yini mande topé nhande yaró, “Á sawa njuke meréye noko quoko yote, nú njuke yaye moré. Quko Unindoro Nanjuni njuke^e etewero mirayó moré kini.”

⁵⁹Ñunde yero uni meyowo ka nhande miraró, “Ke maheya no nohowe.”

Quke enendo nhande yaró, “Uni Parámi, norotoka no toñeya awane re tapuñowekata.”

⁶⁰Yini nhande miraró, “Enina, uni khumowí njuke doko topoye khumotenjo njuke se tapu yiri. Quke keko uyareya Anutuko unipareyó wiri yereyote naruyó^f njuke yesowo qembe.”

⁶¹Uni meyowo kato Yesu nhande miraró, “Uni Parámi, noko ke kohowewero iñoteno, quke koretero norotoka no uyareya suwisawine, ime yuri, ye yimirowekata.”

⁶²Quke eneko nhande miraró, “Ke kho ronğaruwowero iñote, quke o soso komo quro huwóñgemo toñetete tiníqo, ke Anutuko unipareyó wiri yereyote naruyómo ke kho tewero mepémo kini.”

^c 9:52 “Sa maria mira” njuke Judia mira koya Galili mira koya keweroyarimo yora. Komo suki wini kato mira meyowo moñgo mahero njuke kunditeyanğurí. Narune-narune Samaria koya Juda keweroyemo sangirí tanğurí. ^d 9:54 “iño-iño rewero uni” njuke Yesu koya uyaro iño-iño rondaqe yunoyaró. ^e 9:58 “Unindoro Nanjuni” njuke Yesu nange. ^f 9:60 “Anutuko unipareyó wiri yereyote naruyómo” njuke iñondutu unipareko hamó Anutu kusuyoyómo yowanjo.

Yesuko uni 72 kho yunoro asá yereró

10 ¹Imemonḡo Uni Parámimbo uni 72 meyowo rokó yerero irisa-irisa asá yiriní eneḡo korete-koretéyó toḡeḡguri. Enendo yendé pará-parámi muno, yendé tomó ta-ta quno ḡuno toḡeweya ḡuro iḡoro asá yiriní ḡuno toḡeḡguri. ²Ene ḡande yimiraró, “O newero qu khono parámi eḡgé tete, quko kho tero eḡgé siyowero ḡuro uniyó qambu kini. Ḥunde ḡuroko kho simburí kirayoka kho uni asá yiriní uyaro o ḡu se kopowaḡo. ³Ye toḡi. Iḡoyi, ye asá yerewe sipsip simó qembe á sawa keweroyewore uyarewaḡo. ⁴Ye mone koro puḡge koneyó, puḡge parámi, khe punu-punu ḡu ḡuya ma se toḡewero. Kowe unipare ka kheko kopo yereroqo naru meté ma yewero.

⁵“Asa ya kano oroqo, koretero ḡande yi qembe, ‘Ya ḡaro simburí, ye newonde ime yuri.’ ⁶Ḥunde yiḡo, newonde imemboro uni ka ya ḡuno yoweya tiníqo, puriḡo ḡu newondímo ḡuno uweya. Quko uni ḡunde qu ka ḡuno kama yoweya tiníqo, puriḡo ḡu yeno pitu ko maheweya. ⁷Ya ḡuno naḡge yotoya o qoyemboro ni qembe. Dokoro uni kato kho teyote ḡuko kimoyó meté reyote. Ye unindo yawore wimbo-wimbo ma uwero.

⁸“Asa ye yendé kano uyi yorero yano oyíqo, o yunowaḡo ḡu ni qembe. ⁹Unipare yendé ḡuno se khumo teyoteḡo ḡu yorika meté ti. Mande ḡande yesowo yimiri qembe, ‘Anutuko unipareyó wiri yereyote naruyó^s ḡu mahewe tete.’ ¹⁰Quko yendé parámi kano uyi yorero yayemo kama oyíqo, ya rotoro yendémo kaḡero ḡande yi qembe, ¹¹‘Yeḡo miraye ḡaro kuku khenanimo womote. Norendo ḡu se rotoro ye witú yerewato, yendo otete ḡu tetēḡo ḡuko piyimi. Quko ye hamó iḡoyi, Anutuko unipareyó wiri yereyote naruyó ḡu mahewe tete.’ ¹²Asa ḡunde yiḡo, no ye yimiroteno, imemonḡo Anutuko unipare ronda yereweya naruyómo ḡuno yendé uniparetoro kimoye piyimi ḡundo Sotom uniparetoro^h kimoye ḡu takaweya.

Uni kumimbo huwóḡaḡguri ḡuro Yesuko ininiyaqe yaró
(*Matyu 11:20-24*)

¹³“Ye Korasin, ininiyaqe, ye Betisaita,ⁱ ininiyaqe. Ye quhurí piyimi korowowaḡo. Ko o wimbí moré^j keweroyemo tanowó ḡuko komo yendé meyowo Tair, Saiton^k ḡuno tunoqaró tiníqo, unipare ḡundo komo quno

^s 10:9 “Anutuko unipareyó wiri yereyote naruyómo ” ḡuno iḡondutu unipareko hamó Anutu kusunḡoyómo yowaḡo. ^h 10:12 Komo suki “Sotom ” koro unipareto o piyimi horé tiqo, Anutuko woḡga rambaruru yereró (Murí Tero 19 weyo qembe). ⁱ 10:13 “Korasin” koya “Betisaita” ḡuko Juda winiyemboro yendéye naḡge, Galili Sono Towo kutaqemo ḡuno yorariyó. ^j 10:13 “o wimbí moré ” ḡuko o enesó-enesó tunoqiní Anutu koro wimbí ḡunde tunomo yoweya. ^k 10:13 “Tair koya Saiton” ḡuko kape unindoro yendéye, Juda koro miraye sumeyoro windi tapémo ḡuno yorariyó.

newonde rohoré tero newonde surumí koro tuwi qu punuworo nombo kembayemo sonowaŋgurí. ¹⁴Imemoŋgo Anutuko unipare ronda yereweya naruyómo ŋuno yendé uniparetoro kimoye piyimi ŋundo Tair, Saiton uniparetoro kimoye takaweya. ¹⁵Ko ye Kaperneam, ye yorini samboko ona owaŋgo, peka? Kini, uni khumowí ŋuro yendéyemo¹ amuna uwaŋgo.”

Uni 72 ŋundo kho ti kini tini pitu ko maheŋgurí

¹⁶Yesuko uni asá yereró ŋu ŋande yimiraró, “Uni kato ye mandeye iŋote, ŋuko no mandene iŋote. Kowe uni kato ye huwó yereyote qundo ŋunde no huwó nereyote, ko enendo uni asá nereró ŋu ŋuya huwóŋoyote.”

¹⁷Yini toŋeŋgurí. Imemoŋgo yate-yate pitu ko mahero niŋgu-niŋgu parámi taŋgurí. Tero ŋande yaŋgurí, “Uni Parámi, nore keŋo owéŋgemo yato yuqa piyimi ŋu^m maŋgonani howeyoteŋgo.”

¹⁸Yiqo, mande topé ŋande yaró, “Nondo Monimbu qenewe rowá ŋunde qembe tero sambo koŋgo mirako waka ta uró. ¹⁹Iŋi, nondo ye wimbu yunano, meté kheyembo sire, potómbé khete yerero yeŋo saŋgiríyembo wimbí takawaŋgo. Ko oka kato ye kama rowore yereweya. ²⁰Ŋunde ŋuro naŋge yuqa piyimi ŋundo maŋgoye howeyoteŋgo, quko ŋuro niŋgu-niŋgu ma tewero. Kini. Anutuko owéye samboko nakayáŋaró ŋuro niŋgu-niŋgu ti.”

Yesuko iwí seré te inaró (Matyu 11:25-27; 13:16-17)

²¹Ŋu naruko ŋuno Yuqa Surumí ŋundo Yesu rini niŋgu-niŋgu parámi tero ŋande yaró, “Awa, keko sambo koro, noko koro Uni Parámi. Keŋo seréŋge teteno, dokoro ke komo o ŋa se tapuŋoyi iŋo-iŋo unindo kama iŋaŋgurí. Kowe uni kumi oŋa qembe yoteŋgo qu witú yereró. Iyo, Awa, keŋo nuŋguríŋge howero ŋunde taró.”

²²Ŋunde yero ŋande yimiraró, “Awanembo o soso re kandenemo raró. Iwímbo naŋge Naŋuní iŋo inoyote, uni kato kama iŋote. Kowe Naŋunímbo naŋge Iwí iŋo inoyote, ko Naŋunímbo uni ka Iwí witú yereyote ŋu ŋuya Iwí iŋo inoteŋgo.”

²³Ŋunde yero rohoréŋoro iŋo-iŋo rewero uniyóⁿ mondó ta ŋande yimiraró, “Danimbo yendo o qeneyoteŋgo ŋu qeneyowaŋgo ŋuko puriŋo ka rewaŋgo. ²⁴Dokoro ŋande yimiroteno, komo quno ye-ye uni^o qambu

¹ 10:15 “uni khumowí ŋuro yendéye ” ŋuko Juda unipareto ŋande ye iŋaŋgurí, ko uni soso khumoro yendé amuno ŋuno uyaŋgurí. ^m 10:17 “yuqa piyimi ” ŋuko sambo simó ŋunde qembe, quko Anutu koro saŋgirí tero unipare rowore yereyoteŋgo. ⁿ 10:23 “iŋo-iŋo rewero uni ” ŋundo Yesu koya uyaro iŋo-iŋo rondaqe yunoyaró. ^o 10:24 “ye-ye uni ” ŋuko Anutuko mandí yunoní unipare yunaŋgurí.

nyaya wiri yerete uni qambu nyuyako ye o itaka qeneyotengo nyu qenewero surumí inoyangurí, quko kama qenengurí. Ko enendo mande itaka ye inoyotengo nyu inowero surumí inoyangurí, quko kama inyangurí.

Samaria uni kato Juda uni ka samakanaró nyuro tapara mande

²⁵Asa naru kano hutuño mande nyuro ino-ino uni^p kato Yesu towonowero otoqoro ñande oseseyaró, “Rondaqe-rondaqe uni, no date tero yoto-yoto suki-suki rewanó?”

²⁶Yini ene ñande oseseyaró, “Do mande kato hutuño mandeko^q nyuno yote? Keto nyu date weyoyote?”

²⁷Yini mande topé ñande yaró, “Hutuño mande nyundo ñande yete, ‘Keto Uni Parámi nyu, Anutuke, newondekepo, yuqakepo, ino-inokepo, wimbukepo hamó surumí ino inoyoto qembe.’” Ko ‘keñomboro inoyote nyunde nanje topokeporo nyaya nyunde nanje inoyoto qembe.’”^s

²⁸Ñunde yini ñande miraró, “Ke okeyá ta yete. Ñunde teroqo yoto-yoto reweya.”

²⁹Asa hutuño mande nyuro ino-ino uni nyundo eneño murí roneneñowí mu witúñowero ñande oseseyaró, “Asa hutuño mandeko topone nyuro nyunde yete. Asa neneño topone nyuko dani?”

³⁰Yesuko sowo mande topé kumi yaró, “Uni ka Yerusalem rotoro Jeriko uwero uní wiri yerete unindoro hutuño mande wendaqero kuma tero momo teyanggo uni kumimbo kheko sóqeyate uto roworemoro kowe punu-punuyó utaño toñi kheko eteyate wambaka khumaró. ³¹Imemonggo o qa-qa uni^t ka khe nyu howe uró. Uro uni nyu qenero khe tapéwore takaro toñeró. ³²Ñunde nanje Liwai koro sowe qu^u kato mahero qenero khe tapéwore takaro toñeró. ³³Quko Samaria mirako^v uni kato mahero qenero sikí tero ³⁴tañgímo uyaro, kiruwómboya wain nyaya hausuworo mama sonoworo kusiyaró. Kusiyoro hoko re eneño dókiyó^w sañano rotoní kunditiní rero etewero quro yano oro nyuno roñgaruwaró. ³⁵Ita sarañoní denarius^x irisa siyoro etewero quro ya simburí nyu inaró. Inoro ñande miraró, ‘Ke uni ña sopoyoto qembe. Asa sopoyowero kimoyó

^p **10:25** “*hutuño mande nyuro ino-ino uni*” nyundo Anutu koro mande nyu unipare rondaqe yunoyangurí. ^q **10:26** “*hutuño mande*” nyuko komo suki Anutuko *Sainai* purímo

Moses inoní Israel unipare yunaró. Mande nyuko Juda uniparetoro yoto-yotoye soso sopoyaró. ^r **10:27** Hutuño Mande 6:5 ^s **10:27** O Qa-qa Uni 19:18 ^t **10:31** “*o qa-qa uni*” nyundo *Ya Surumímo* Anutu koro koro koro koro uniparetoro quhuríye rotowero quro wondo yakutímo nyuno o qa-qa te inangurí. ^u **10:32** “*Liwai koro sowo qundo*” o soso *Ya Surumímo* roñgaruwoyangurí. ^v **10:33** “*Sa maria*” nyuko mira ka, Judia mira koya Galili mira keweroyarimo yaró. Komo suki wini kato mira meyowo monggo mahero nyuno kunditeyangurí. Narune-narune Samaria koya Juda keweroyemo sañgírí tangurí.

^w **10:34** “*dóki*” nyuko núbowé parámi ta, *hosi* nyunde qembe uni kato meté sañano kunditiní uyareweya. ^x **10:35** “*denarius*” nyuko wondo musiyó ka, asa uni kato kosa naru kanatako koro teweya quno wondo musiyó kanata nyunde qu reweya.

wondo musiyó ña takaníqota, no pitu mahewano quno ñuno topé te kunowano.”

³⁶Ñunde yero Yesuko hutunjo mande ñuro iño-iño uni ñande oseseyaró, “Uni kapusa ñuro ke date iñote, dani kato uni ñu kuma unindo roworemanğurí ñuro eneño topé horé yora?”

³⁷Yini ñande yaró, “Uni ñundo qenero siki te inaró.”

Yesuko ñande miraró, “Ke uya otete ñunde nanğe teyoto qembe.”

Yesuko Maria, Mata koro yayarimo ñuno yora

³⁸Asa Yesu koya iño-iño rewero uniyómboya^y khewore uyaro yendé kano oñğurí. Pare ka yendé ñu noñgo qu, owí Mata, ñundo Yesu re yayó quroko oró. ³⁹Oní asa Maria, Mata koro koneyómbo mahero Yesu khí sumeyoro kunditero Yesu koro mandí iñaró. ⁴⁰Quko Matakó Yesu koro o qímboro roñgaruwaró ñuro iñondata taró. Ñunde ñuro uyaro ñande miraró, “Uni Parámi, oneñe no noroto toñe quno no nenesó o newero ña roñgaruwoyoteno. Kepe ñu kama iñoyote? Keto mitoka mahe no samaka niriní.”

⁴¹Uni Parámimbo mande topé ñande miraró, “Mata, Mata, keko o gambu ñaro iñondataqeyote. ⁴²Ke o kanata na ñuro nanğe iñoyoto. O ñuko Mariako rete, ñuko o meté horé, ñunde ñuro o meté ñu kama kusiyowano.”

Yesuko hariri tewero murí ñuro yaró

(Matyu 6:9-15; 7:7-11)

11 ¹Naru kano Yesuko mira kano hariri taró. Hariri tiní kini tiní, iño-iño rewero uni kato^z ñande miraró, “Uni Parámi, keto nore hariri tewero ñuro murí witú nere, ñunde nanğe Jonko eneño iño-iño rewero uniyó witú yereró ñunde nanğe te.”

²Yini Yesuko ñande yimiraró, “Ye hariri teweroqo, meté ñande yi qembe,

“Awa, keño owéñge surumí yoní,
keñombo nore wiri yereyote naruke ñu reka mahiní.

³Naru rokóñoro o qonanimboro nuno.

⁴Kowe noreño quhurínani ñu se roto nuno,
dokoro, utatá noreya tanğurí ñu soso se roto yunoyoteto.
Kowe nore norika okato kama towo niriní.”

⁵Ñunde yero ñande yimiraró, “Asa ko yeño keweroyemo uni ka topé moré tiníqo, ko suwo keweroko uro topé ñande miroweya, “Topo, bret

^y 10:38 “iño-iño rewero uni ” ñundo Yesu koya uyaro iño-iño rondaqe yunoyaró.

^z 11:1 “iño-iño rewero uni ” ñundo Yesu koya uyaro iño-iño rondaqe yunoyaró.

kapusa se nuno. ⁶Uni topone ka khewore yate neneño yanemo mahete, quko oka re inowe newero qu njana kini.’

⁷“Ko uni ya quroko yoweya njundo mande topé njande miroweya, ‘Ke no koweyumu ma nunowero. Mako komo tuñano, no simónemboya nore komo etato. No otoqo o se kunowero mepémo kini.’ ⁸Ñunde yeweya, quko nondo ye yimiroteno, ya simburímbo topé njuro iñoro otoqoro o ñu kama se inoweya. Kini. Quko topémbo kowí piyo kama tero nekoyoníqota, ene otoqoro o soso njuro kirayoyote ñu se inoweya.

⁹“Kowe no njande yimiroteno, kirayoyikata o se yunoweya; seqaroqota qenewañgo; mako uroyikata mako koso yunoweya. ¹⁰Dokoro uni soso kirayotenggo njundo o ñu siyoyotenggo; uni soso o seqayotenggo njundo o ñu qeneyotenggo; uni soso mako utoyotenggo, njuro mako kosoní inoweya.

¹¹“Ye awa okite, ko simóye kato sono qare koro njande kira kiriníqo sire piyimi ka re inoweyape, ma kini?^a Kini. ¹²Ko simó njundo kotori mindi koro kira kiriníqo potómbe ka re inoweyape, ma kini? Ñu njuya kini. ¹³Yeko quhurí uni nanje quko simóye o meté yunoyotenggo. Ñunde njuroko awaye samboko yorote ñu kirayoyiqo, Yuqa Surumí^b yunoweya, hamómbe?”

Belisipuluko Yesu samakañoyotepe, ma kini?

(*Matyu 12:22-30; Mak 3:20-27*)

¹⁴Yesuko yuqa piyimi ka^c uni quroko qu howero uni njuro mañgó kakayiwí mu riní meté tero mande yini unipare qambu ñu qenero iñondata parámi tañgurí. ¹⁵Quko uni kumimbo njande yañgurí, enendo yuqa piyimi njuro kembéye, owí Belisipulu,^d wimbímbo yuqa piyimi ñu yohoweyote. ¹⁶Uni meyowo Yesu towonjoro njande yeyañgo, “Sambo koro rokó^e ka teka nore qene iñato, keko Anutu koro kho qu teyote.”

¹⁷Quko Yesuko iñondutuye ñu qene iñoro njande yimiraró, “Wiri yerete unindoro mira qu kato usoworo uni soso wini irisa tero kuma tewañgo tiníqo, mira njuko piyo teweya. Ko suwisawi kato usoworo keweroyemo kuma tewañgo tiníqo, suwisawi ñu kini teweya. ¹⁸Kowe Monimbu koro winiyó usoworo keweroyemo kuma tewañgo tiníqo, ene date tero wimbu rero kondé kañewañgo? Ñunde yeteno, dokoro ye nondo Belisipulu koro wimbí rero yuqa piyimi yohoweyoteno njunde yeyotenggo ñu. ¹⁹Qeni, yeño suwisawiyembo yuqa piyimi yohoweyotenggo. Asa ye njande yetenggo,

^a 11:11 Anutu koro sokomeko njande yaró, ko Juda unindo sire newero mepémo kini.

^b 11:13 “Yuqa Surumí” njuko Anutu koro Yuqa nanje. ^c 11:14 “yuqa piyimi” njuko sambo simó njunde qembe, quko Anutu koro sañgirí tero unipare rowore yereyotenggo.

^d 11:15 “Belisipulu” njuko Monimbu nanje, owí kako “Satan”. ^e 11:16 “sambo koro rokó” njuro murí muko njandiro: naru rokóño Juda unindo Anutu koro owí hamó ñu kama ye nekañgurí. Kini, mande meyowo rohoréño yeyañgurí. Ñundiro, “sambo,” ye nekañgurí. “Rokó” njuko o wimbí moré ka peka.

nondo Belisipulu koro wimbí ñunde teyoteno. Asa danimbo yeño naño-simóye samaka yereyote? Hamó, suwisawiye ñundoko ye ronda yerewango. ²⁰Ko Anutuko wimbu nunoní yuqa piyimi yohoweyoteno tiníqo, ye ñande inowango, Anutuko unipareyó wiri yereyote naruyó^f ñu itaka yeno mahete ñu.

²¹“Asa uni kondé kato suke, sanğa toworo paseyó sopo yoweya tiníqo, eneño oyó soso meté yoweya. ²²Quko uni kondé piyimi ka maheroqota uni ñuya kuma tero takaro eneño suke, sanğa se rotoro eneño oyó ñu se uni topé yunoweya.^g”

²³“Uni ka neneño topono kini ñuko neneño sanğiríne. Uni ka no kama samaka nerero unipare huru yereyote ñuko unipare yohowiní wisikarango uro toñeyotenggo.”

²⁴“Yuqa pusú uni ka rotoroqo toñero mira harimo wimbo-wimbo toñero mira imaqewero ñu seqayote, quko qenewero mepémo kini. Asa ko ñande yeweya, ‘No pitu ko uyareya pase komo yorano quño ñuno yorowano.’ ²⁵Yero toñero ya ñu qeniníqo, kina yoweya, ko unindo ya ñu murutó siyoyi toñini meté yote. ²⁶Ñunde ñuro ene toñero yuqa piyimi kande sanğiyoro irisa yore mahewango. Yuqa kande sanğiyoro irisa ñuro muriye piyimi ñuko eneño murí takaweya. Mahero ya ñuro quroyómo yowango. Koreteroroqo, piyimi tomó ta yora, quko itakako hamó-hamó piyimi parámi horé yoweya.”

²⁷Yesuko mande ñu yeyoní pare kato unipare qambu keweroyemo otoqoro ñande yaró, “Ñu pare ñundo ke pisi kerero susu kunaró ñu ene puriño ka rete.”

²⁸Yini ñande yaró, “Iyo, peka. Quko uni kato Anutu koro mande iñoro howeyotenggo ñundoko puriño ka retenggo.”

Unipareto Jona koro rokó qu nanđe qenewango

(*Matyu 12:38-42; Mak 8:12*)

²⁹Asa unipare qambu Yesuko maheyuri ñande yimitoyaró, “Unipare itaka yotenggo ñako unipare piyimi. Enendo rokó tewe qenewero ñuro kondé ye inoyotenggo. Quko rokó ka kama qenewango. Kini, rokó kanata nanđe ene qenewango, ñuko Jona^h koro rokó qu nanđe qenewango. ³⁰Hamó, Jonako ñuno rokó ka tunoqini Niniwe unipareto qenenguri. Ñundiro nanđe Anutuko Unindoro Nanjuniⁱ ñano rokó ka tunoqini unipare itaka yotenggo ñando qenewango. ³¹Komo suki wiri yerete pare

^f 11:20 “Anutuko unipareyó wiri yereyote naruyómo ” ñuno inondutu unipareko hamó Anutu kusunoyómo yowango. ^g 11:22 Tapara mandeko ñuno “uni kondé” ñuko Monimbu nanđe, ko uni kondé piyimi ñuko Yesu nanđe. ^h 11:29 “Jona ” ñuko ye-ye uni ka. Naru kano sono qare parámi horé kato Jona riní quroko uro kosa suwo kapusa ñuno yaró (Jona 1:17; 2:10 weyo qembe). Asa Yesuko o tunoqaró ñuro yaró, “Jona koro rokó ñu,” yaró.

ⁱ 11:30 “Unindoro Nanjuni ” ñuko Yesu nanđe.

kato mira kapiyamo amu nonjo^j arero Solomon koro ijo-ijo meté horé ijowero maheró. Ijunde njuroko imemongo Anutuko unipare ronda yereweya quno njuno pare njundo otoqoro unipare njano qu yorero mande khono yorotoweya. Dokoro itaka uni kato keweroyemo yote, njuro owimbo Solomon koro owí takate. ³²Komo suki Niniwe unipareto Jona koro mandí ijoro newondeye rohoréjaró. Ijunde njuroko imemongo Niniwe unipare njundo otoqo kanjero unipare itaka yorotenjo njuno yorero mande khono yorotowango. Dokoro itaka uni kato keweroyemo yote, owimbo Jona koro owí takate.

Tojenanimbo kowenani soso hiyó inoyote

(Matyu 5:15; 6:22-23)

³³“Unindo suru tupunoro ya kusunjo quroko kama reyotenjo, ko kondó quroko kama rukukuwoyotenjo. Kini, rero koreko pikoyi hiyóqini unindo ya quroko arero hiyó njuno qenewango. ³⁴Tojenenge njuko koweke njaro hiyójo. Ko tojenenge njuno meté horé tiniqo, asa hiyó njundo koweke soso hiyóqeweya. Ko tojenenge njuno piyimi tiniqo, koweke njuno riní huriri teweya. ³⁵Ijunde njuroko ke kondé ijo qembe, hiyó ke quroko yorote njuno ri huriri teweya koro. ³⁶Ko koweke sombé-sombé njuno soso hiyó nanje teweya tiniqo, hiyómbó hiyó kunoyote njunde qembe yuri huriripo koweke sombé-sombé njuno kama pokamoweya.”

Farisi koya hutunjo mande njuro ijo-ijo unindoya

otete piyimi teyotenjo

(Matyu 23:1-36; Mak 12:38-40; Luk 20:45-47)

³⁷Yesuko njunde yini kini tini Farisi uni^k kato eneya o newero oseseyaró. Oseseyoni ya quroko oro yakutimo o newero quro etaró.^l ³⁸Enendo kandi kama sonoworo kina etini Farisi uni njundo ijondata parámi taró.

³⁹Quko Uni Parámimbo njande miraró, “Ye Farisi uni, yeko topa sananimo ko kondó sananimo sonowoyi kekere ta sara memeri teyote njundiro. Quko quroyomo njunoko murí piyimi njuno mangoreyote. ⁴⁰Yeko uni kape-kape. Anutuko uni kowe sanani njunya quroyomo njunya irisa-irisa towaró, hamómbe? ⁴¹Asa unipare samaka yerewero oye yunoyiqota oye soso sara meté horé ta yoweya.

⁴²“Ye Farisi uni, ininiyaqe, ye quhurí piyimi korowowango. Yendo o tomó ta khono woteyote njuno siyoro rondañi kande irisa tini kanata

^j 11:31 Pare njuko Juda pare kini, kape pare qu ka. ^k 11:37 “Farisi uni ” njundo, nore Anutu koro *hutunjo mande* njuro okeyá ta howeyoteto, ye inanguri. ^l 11:37 Iju naruko njuno uni kumimbo o neyango quno njuno kama kunditanhuri. Kini, enendo yakutimo piñoye etero kande tesina rondaqero njunde sanáqero kande kondésinambo o nanguri.

rero Anutu inoyotenjo. Quko yendo unipare ronenejo kama ronda yereyotenjo, ko newondeye Anutu kama inoyotenjo. Meté otete tukú ñu teya korete ñuya ti qembe.

⁴³“Ye Farisi uni, ininiyaqe, ye quhurí piyimi korowowaŋgo. Ye huru-huru yano^m kundite-kundite korete quño ñuno kunditewato, ye inoyotenjo, ko yendémo ñuno yendo, unipareto ye yuŋguna yerewaŋgo, ñuro hamó inoyotenjo.

⁴⁴“O ininiyaqe, ye quhurí piyimi korowowaŋgo. Yeko uni tapu noko quroko yorote ñunde qembe. Ko unindo kape tero ñu saŋawore uyare mahe teyotenjo.”ⁿ

⁴⁵Yesuko ñunde yini hutuño mande ñuro iño-iño uni kato^o iñoro ene ñande miraró, “Rondaqe-rondaqe uni, ke mande ñunde yete ñuko nore ñuya yesará nerete.”

⁴⁶Yini ñande yaró, “Ye hutuño mande ñuro iño-iño uni, ininiyaqe, quhurí piyimi korowowaŋgo. Ye hutuño mande kate-kate unipare saŋayemo ri enendo quhurí parámi ñu korowowero mepémo kini. Quko yendo samaka-samaka ka kama yunoyotenjo.

⁴⁷“O ininiyaqe, ye quhurí piyimi korowowaŋgo. Yendo ye-ye unindoro^p tapu yerewero ya qu^q towoyotenjo, quko yeño usi-siyembo uni ñu yuroyi khumaŋgurí. ⁴⁸Ñunde ñuroko ye tunomo ñande yesowoyotenjo, ko usisambayembo oteteye piyimi ñuro metéñoyotenjo. Dokoro usi-siyembo ye-ye uni yuroyi khumaŋgurí, ko yendo ye-ye uni ñuro uni tapu koro yaye towoyotenjo. ⁴⁹Ñu murí ñuroko Anutu koro iño-iño meté qundo ñande yete, ‘Nondo ye-ye unindoya asá yerewí uni ñuya yorewe unipareko ñuno uyarewaŋgo. Uyari kumi yuroyi khumowaŋgo, kumi o piyimi te yunowaŋgo.’ ⁵⁰Ñunde tero ye-ye unindoro sitúye soso Anutuko noko sambo towaró qu noŋgo areyate itaka ñano windoroŋaró ñuko unipare itaka yotenjo saŋayemo yoweya. ⁵¹Hamó, sitúye ñuko Apel koro sitú windoroŋaró ñu noŋgo yate-yate Sekaraia rero wondo yakutí koya Wembó Surumí koya keweroyarimo uroyi sitú windoroŋaró. ^rNo hamó yimiroteno, otete piyimi ñuro kimoyó muko unipare itaka ñano yorotenjo quño ñuno ñuya yoroweya.

⁵²“Ye hutuño mande ñuro iño-iño uni, ininiyaqe, quhurí piyimi korowowaŋgo. Yendo iño-iño metémbo mako koro ki ñu towoyotenjo.

^m 11:43 “huru-huru ya ” ñuko Juda uniparetoro ya parámi mu. *Sapat naruko* ñuno hu-hariri tero Anutu koro mandí weyoyi iñoro hariri teyaŋgurí. ⁿ 11:44 Anutu koro sokomeko ñande yaró, ko uni tapu ñuko pusú na. Asa uni kato uni tapu ñunde qu towoweyape ma kina saŋano kañeweya tiniño, eneko Anutu koro pusú tunoqeweya. ^o 11:45 “*hutuño mande ñuro iño-iño uni* ” ñundo Anutu koro mande ñu unipare rondaqe yunoyaŋgurí. ^p 11:47 “*ye-ye uni* ” ñuko Anutuko mandí yunoní unipare yunaŋgurí. ^q 11:47 “uni tapu koro ya” ñuko ya yendé horé kini. Juda unindo ya tomó ta wondopo toworo uni khumarómboro wimbí soso ñuno rotanŋgurí. ^r 11:51 Somo Mande 24:20-22 weyo qembe.

Quko yeḡombo ya quroko kama oyotenḡo, ko meywombo ḡuno owero ḡuro sorēḡoyotenḡo.”

⁵³Asa Yesu ya ḡu rotoní hutuḡo mande ḡuro iḡo-iḡo unindoya Farisi unindoya newonde saḡgirí te inoro osese enesó-enesó teyaḡgurí. ⁵⁴Ḥunde tero, eneḡo mandíwore kusiyowato, ye iḡaḡgurí.

Ye Farisi ḡuro muríye ma howewero

(Matyu 10:26-27)

12 ¹Ḥu naru ḡunoko unipare qambu horé qundo mahe kopoyi yendé maḡgore rotoyi, kumi topoye khe saḡayemo khete yereyaḡgurí. Asa Yesuko iḡo-iḡo rewero uniyó^s koretero yimitoro ḡande yaró, “Yendo Farisi^t koro yis ḡuro kawaware ti. Yis ḡuko maḡgoye irisawore yewero murí ḡu. ²O pokawí soso ḡu tunomo tunoqeweya. Mande soso sóqeyote ḡu unindo ḡu iḡowaḡgo. ³Asa ko mande soso ye suwono yaḡgurí ḡu unipare kosano iḡowaḡgo. Mande soso ye komo mondó ta ya quroko yaḡgurí ḡu uni kato ya umó moḡgo yesowoweya.”^u

Anutu koro naḡge sori qembe

(Matyu 10:28-31)

⁴“Uni topone, no ḡande yimiroteno, unindo meté yeḡo koweye uroyi khumoweya, quko imemoḡgo enendo o kaḡuya tewero mepémo kini. Ḥuro ma sorewero. ⁵Kini, ye danimboro sorewaḡgo ḡuro yimitoyoteno. Uni kanata ḡundo mepémo koweye saḡaní uroyi khumoníqota ye yoriní kewá piyimimo^v uwaḡgo. Ḥuro sori qembe.”^w ⁶Qeni, uni kato nú kandeka tomó ta-ta ḡu 2 toea ḡunde qundo kimoyotenḡo, hamómbe? Quko Anutuko nú tomó ta-ta ḡunde qu ka kama kape yereyote. ⁷Hamó horé, yeḡo huye soso kembayemo Anutuko weyo iḡote. Ḥunde ḡuro ye ma sorewero. Yeḡo kimoye ḡuko nú tomó ta-ta ḡuro kimoye takate.

Yesu koya womoyi qembe

(Matyu 10:19-20,32-33; 12:32)

⁸“No ye ḡande yimiroteno, ko uni kato unipare toḡeyemo yesoworo nono womoweya tiniqo, Unindoro Naḡunímbo^x Anutu koro sambo simó^y

^s 12:1 “iḡo-iḡo rewero uni ” ḡundo Yesu koya uyaro iḡo-iḡo rondaqe yunoyaró.

^t 12:1 “Farisi uni ” ḡundo, nore Anutu koro *hutuḡo mande* ḡuro okeyá ta howeyoteto, ye iḡaḡgurí. ^u 12:3 Israel mirako ḡuno “ya umó” ḡuko suruḡo kini, papare naḡge. Uni kumimbo ḡuno kaḡero piḡa mande meté yeyaḡgurí. ^v 12:5 “kewá piyimi ” ḡuko *naru weḡako* ḡuno quhurí unipareto topé piyimi rero kewáko ḡuno naru suki-suki yoqaweya.

^w 12:5 Uni sorewero ḡuko Anutu naḡge. Eneḡombo naḡge noreḡo kowenani saḡaní ḡuya yuqanani ḡuya meté riní kini teweya. ^x 12:8 “Unindoro Naḡuní ” ḡuko Yesu naḡge.

^y 12:8 “sambo simó ” ḡuko komo suki-suki Anutuko unipare kama yoriní tunoqi sambo simó yondowaró. Ko itaka eneḡo sunará teyotenḡo.

toņeyemo yesoworo eneya womoweya. ⁹Quko uni kato unipare toņeyemo huwó nereweya tiníqo, nondo Anutu koro sambo simó toņeyemo huwóñowano. ¹⁰Kowe uni kato Unindoro Nañunímboya mande piyimi ka yeweya quko, Anutuko quhuríño ñu re rotoweya. Quko uni kato Yuqa Surumímboya^z mande piyimi yeweya quko, Anutuko ñu quhurí ñu kama roto inoweya.

¹¹“Asa unindo ye yowosoyi huru-huru ya^a koro sopo-sopo toņeyemo ko wiri yerete uni toņeyemo ko uni owéye parámi toņeyemo kañewañgo quño, do mande topé ka yewatope ma date yewato ñuro ma sorewero. ¹²Ñu naruko nañge Yuqa Surumímbo mande yewañgo ñu witú yirini wisiyo yimirowañgo.”

Onoño uni kape ñuro tapara mande

¹³Unipare qambu keweroyemo kato Yesu ñande miraró, “Rondaqe-rondaqe uni, no awane khuma, ñunde ñuro nondo ye iñoteno quko keto pane mitoka awando o rotote ñu rondañeya kumi ka se nunoweya, ye iñoteno.”

¹⁴Yini ñande oseseyaró, “Date koro? Dando yarindo o qu rondañewero quro rokó nereró?” ¹⁵Yero unipare ñande yimiraró, “Ye iñoya toņeteya yuri. Ye situwi parámi siyowero ñuro qene nuñgu tewañgo koro. Uni kato situwi parámi reweya ñuko eneño yoto-yotoyó meté ñu riní kama tunoqeweya.”

¹⁶Ñunde yero tapara mande^b ka ñande yimiraró, “Onoño uni kato kho gima parámi taró. ¹⁷Uni ñundo ñande ye iñaró, ‘No date tewe teteno? Yane o se rewero qu ñu mañgorete. Ñuro o ña se dano rewe teteno?’

¹⁸“Uni ñundo ñunde yero yaró, ‘Ñunde ñuroko no ñandiro tewano. Ya o se rewero qu ñu usoworo ya parámi horé ka rewano. Ñunde tero kho koro eñgé ñu se huruwo ñuno rewano. ¹⁹Rero neneñomboro ñande yewano, “No one meté qu kumima naru parámi yoweya. Itakako no imaqero o qonemboro nero niñgu-niñgu tero yorowano.”

²⁰“Ñunde yaró, quko Anutuko miraró, ‘Ke kape uni. Itaka suwono ke khumowero tete ñu! O soso keto sopo roñgaruwoyi yorote ñuko dando siyoweya?’”

²¹Asa Yesuko ñande yimiraró, “Uni kato eneño o parámi huruwoyote, quko Anutu koro o qu kama iñoyote, asa ñundiro nañge eneno tunoqeweya.”

^z 12:10 “Yuqa Surumí” ñuko Anutu koro Yuqa nañge. ^a 12:11 “huru-huru ya” ñuko Juda uniparetoro ya parámi mu. *Sapat naruko* ñuno hu-hariri tero Anutu koro mandí weyoyi iñoro hariri teyañgurí. ^b 12:16 “tapara mande” ñuko sowo mande nañge. Yesuko sowo mande ñunde qu yero oka witú yereró.

O soso koro ijondata ma tewero
(*Matyu 6:25-34*)

²²Asa Yesuko ijo-ijo rewero uniyó^c yimito nhande yaró, “Iju murí nuro nondo nhande ye yimiroteno, yeño yoto-yotoyemboro ijanawí tero nhande ma yewero, ‘Do o ka newato?’ Ko koweyemboro ijanawí tero nhande ma yewero, ‘Do tuwi ka kusiyowato?’ ²³Yoto-yotoye nuro murí muko o newero qu nanje kini. Koweye nuro murí muko tuwi nanje kini. ²⁴Ye nú parámi iriyó nju qeneya ijoyi. Khono oka kama rimitenjo, kho nonjo enjé kama siyoyotenjo, o newero qu se huruworo yano kama reyotenjo. Quko Anutuko wutu yereyote. Yendo Anutu koro tonjimo nú nju taka yereyotenjo. ²⁵Ko ye dani kato ijanawí tero yoto-yotoyó meté wosoro sowe teweya? ²⁶Yendo o tomó nunde qu tewero mepémo kini. Asa ko dokoro o kumi meyowo quro ijanawí teyotenjo?

²⁷“Yendo komó nuro nuño reyotenjo nju qeni. Koweyumu kama teyotenjo, tuwi kama towoyotenjo. Quko no nhande yimiroteno, Solomon^d nundo tuwi meté horé qu se reyaró, quko nuño nuro nakayámbo Solomon koro tuwi meté-meté nju takate. ²⁸Itaka komó nunde qu yotenjo, ko kuyepo nanje unindo tonoro kewáko ranji uweya. Anutuko oka naru tukuni yorote nunde qu o nakayá meté mu inoyote. Asa ye unipare ijondutuye^e tomó ta nanje, ijoyi, enendo ye njuya sopo yerero tuwi yunoweya. ²⁹Ko ye, nore do ka newato, yero ijanawí ma tewero. ³⁰Dokoro kape unipareto^f soso o nunde quro iñoro seqayotenjo. Quko yeño awayembo ye o nuro tukuni tetenjo nju ijomukote. ³¹Kini, Anutuko unipareyó wiri yereyote naruyó^g nuro kondé ijoyiqota ene o soso nju njuya se yunoweya.

Oye meté-meté qu se samboko njuno nanje kopoyi qembe
(*Matyu 6:19-21*)

³²“Ye sipsip tomó ta-ta, ye sasaro ma tewero. Awayembo ye yoriní unipareyó wiri yereyote naruyómo owero nuro ijote. ³³Oye soso soweyoya mone nju se uni ononoye moré kini nju yunoyi qembe. Mone pungeyó kama piyo teweya nunde qu, asa sambo koro situwi kama kini teweya nunde qu, nju siyoyi qembe. Samboko njunoko momo unindo o nju kama siyotenjo, siwí nundo o soso nju kama rambaruruwote. ³⁴Ijunde ti qembe, dokoro dano situwiye yote, nju nuro ijomukoyotenjo.

^c 12:22 “*ijo-ijo rewero uni*” nundo Yesu koya uyaro ijo-ijo rondaqe yunoyaró.

^d 12:27 Komo suki “*Dewitko*” Israel unipare wiri yerero *Solomon* pisiyoro khumoníqo, mepé raró. Ko Solomon ononjo parámi taró. ^e 12:28 “*ijondutu*” njuko nhandiro, asa unipareto nhande kondé ye iñoyotenjo, ko Anutuko meté sopo yereweya. ^f 12:30 “*kape unipare*” njuko Israel koro Anutuye nju kama ijo howeyotenjo. ^g 12:31 “*Anutuko unipareyó wiri yereyote naruyómo*” njuno ijondutu unipareko hamó Anutu kusunoyómo yowanjo.

Kho simó meté ŋundo sunará tero toŋeteyoŋgo
(*Matyu 24:42-44*)

35-36 “Ye kho simó kumimbo uni parámiye ŋuro sopoyoteŋgo ŋunde qembe tunoqi. Kho simó ŋu khoye tewero sunará tero, suru tupuŋoro kusumbo reyoteŋgo. Asa uni parámi ŋu epe re-re koro o ne-ne roto mahero mako uroníqo, mako waka ta kosoyoteŋgo. 37 Uni parámi ŋu mahero sunará simóŋo yiyoní kama etewaŋgo tiníqo, kho simóŋo ŋu meté horé yowaŋgo. No ye hamó yimiroteno, uni parámi eneŋombo kho tewero sunará tero yoriní o newero quro eti o qoyembo yunoweya. 38 Hamó, uni parámi ŋundo suwo kewerokope ma kotori korete yeyote quno ŋuno maheweya tiníqo, sunará simóŋo ŋundo kama eteyowaŋgo qundo meté horé yowaŋgo. 39 Quko ŋaro iŋoyi, ya simburímbo do naru horé ŋuno momo uni ŋundo maheweya ŋu iŋote tiníqo, kawaware meté horé tiní ene yayó usowowero mepémo kini. 40 Ye ŋuya sopo toŋeteyuri. Dokoro Unindoro Naŋuní^h ŋundo do naruko ŋuno maheweya, ŋu ye kama iŋoteŋgo.”

Kho simó metémboya kho simó piyimimboya ŋuro tapara mande
(*Matyu 24:45-51*)

41 Pitako ŋande oseseyaró, “Uni Parámi, kepe tapara mandeⁱ ŋumbe nore naŋge nunoyotepe ma uni soso ŋuya?”

42 Yiní Uni Parámimbo ŋande yaró, “Sunará simó kato suki-suki kho meté tero iŋo-iŋoyó muko meté naŋge. Sunará simó ŋunde qu uni parámiyómbo qenero khoyó inoní ya soso sopo naru metémo sunará simó meyowo wutu yereyote. 43 Asa uni parámiyómbo mahiní sunará simó kho meté teyote ŋundo meté horé yoweya. 44 Hamó horé yimiroteno, uni parámimbo eneŋo situwiyó soso rero sunará simó ŋuro kandímo rotoní sopoweya. 45 Quko sunará simó ŋundo newondí moŋgo ŋande iŋoweya, peka, uni parámime muko waka ta kama maheweya. Ko ene hurí rero sunará simó, sunará pare meyowo ŋu yutoro eneŋo o qímbo nero wain nero kape-kape tero yoweya, peka. 46 Asa naru sunará simó ŋuro kama iŋoweya quno, uni parámiyómbo mondó maheweya. Mahero ene sunará simó ŋu sukepo puŋo-puŋo toŋoro riní unindo iŋondutu kama teyoteŋgo quya naŋge yoweya.

47 “Sunará simó kato uni parámiyómbo iŋo-iŋoyó iŋoyote, quko o roŋgaruworo iŋo-iŋo ŋu kama howeyote ŋuko, uni parámiyómbo uni ŋu parámi hausuwoweya. 48 Quko sunará simó kato uni parámiyómbo iŋo-iŋo ŋu kama iŋoro o piyimi teweya ŋuko, uni parámiyómbo uni ŋu

^h 12:40 “Unindoro Naŋuní ” ŋuko Yesu naŋge. ⁱ 12:41 “tapara mande ” ŋuko sowo mande naŋge. Yesuko sowo mande ŋunde qu yero oka witú yereró.

tomó ta nanje haususuwowe ya. Asa uni parámimbo uni ka parámi se inaró qu nonjo o parámi siyowe ya. Ko uni kato owé parámi raró njuko, uni parámiyómbó kho parámi tewero njuro kirayowe ya.

Yesuko unipare usowoní irisa tewero quro maheró

(Matyu 10:34-36)

⁴⁹“No mahenowó njuko kewá re nokono ranjowero mahenowó, ko nondo kewá njú waka ta qawe, yero injoyoteno. ⁵⁰No sono ka rewe teteno,^j quko njú sopowero quro newondene muko quhurí parámi teyote. ⁵¹Ko yembeka njande injoyotengo, nondo nokono njano newonde ime yunowero umbunowó, peka? Kini. Nondo ye njande yimiroteno, no mahenowó njuko unipare usowo yerewero quro mahenowó. ⁵²Dokoro naru njá nonjo yate-yate ya kano njuno unipare kandeka usoworo wini irisa njunde tunoqewango. Kapusa njundo irisa njaro sanjirí tewango, ko irisa njundo kapusa njaro sanjirí tewari.

⁵³ Njunde usowowango, ko iwímbo nanjunímbo ya sanjirí tiní nanjunímbo iwímbo ya sanjirí teweya.
Ko nimímbo nambunímbo ya sanjirí tiní nambunímbo nimímbo ya sanjirí teweya.
Ko nepímbo nepímbo ya sanjirí teweya.”

Naru njá gene rondañero murí injoyi qembe

(Matyu 16:2-3)

⁵⁴Yesuko unipare qambu njande yimiraró, “Koporé kosa uyotesina tunoqiníqo, ye waka ta njande yeyotengo, sono umbuwe tete, yeyotengo. Ko njunde na hamó tunoqeyote. ⁵⁵Ko matú amu nonjo tunoqiníqo, njande yeyotengo, kosa kondé ranjowero tete, yeyotengo. Njú njunde hamó tunoqeyote. ⁵⁶Ye uni manjogoye irisa qu, ye meté o njunde qu samboko nokono tunoqeyote njuro injomukotengo, quko yendoko itaka naru tunoqeyote njuro gene rondañewero quro murí injowero mepémo kini.

⁵⁷“Do karo yeñombo okeyá o roneneñowí mu njá kama gene rondañeyotengo?
⁵⁸Qeni, keya uni kaya mande ka keweroyarimo yoníqo, ronda-ronda uni tonjimo yewero uyarewari quno njuno, asa kheko uyare yotoro eneya newonde kanata tewero quro kho kondé te qembe. Njunde kama teweya tiníqo, yate ke kowoso mande khono korotoní ronda-ronda unindo kore kumba tukuni kandeyemo korotoníqo, enendo kore kusi-kusi yano korotowango. ⁵⁹Nondo hamó kimiroteno, ke kusi-kusi yano yate wondo yanjuri njú kanaramimo kimo teroqota.”

Ye newonde rohoré kama tewango quko ye piyo tewango

13 ¹Njú naruko njuno uni kumimbo Yesu sowo mande ka Galili uni njuro miranjurí. Komo Galili uni njundo Anutu koro o qa-qa te

^j 12:50 Yesuko njundiro nanje enejo khumowe ya njuro yaró.

inoyaŋgo quno Pailat^k koro kuma uniyómbo yuroyi khumaŋgurí. ²Asa ŋunde miroyi mande topé ŋande yaró, “Ye date iŋotenggo, uni ŋundo quhuríyembo Galili uniparetoro quhuríye ŋu soso taka yerete, peka? Asa ŋu murí ŋuro o piyimi ŋundo eneno tunoqaró, peka? ³Ŋu kini horé. No hamó horé yimiroteno, ye newonde rohoré kama tewango quko, o ŋunde qundo yeno ŋuya tunoqeweya. ⁴Ko uni 18 ŋu, komo Siloam yendémo^l ya piru ka toqero yuroní khumaŋgurí, ye ŋuro date iŋotenggo? Eneŋo quhuríyembo Yerusalem unipare ŋu taka yerete, peka? ⁵Kini horé. Nondo ye hamó horé yimiroteno, ye newonde rohoré kama tewango quko, o ŋunde qundo yeno ŋuya tunoqeweya ŋu.”

Te ka engé kama teyote ŋuro tapara mande

⁶Asa Yesuko tapara mande^m ka ŋande yimiraró, “Naru kano uni kato te ka wain khono rimiró. Yate-yate engé siyowero uyaró, quko te ŋu engé moré kini. ⁷Ŋunde tero ene sunará simóŋo ŋande miraró, ‘Kumima naru kapusa quno nondo engé siyowe, ye iŋoro ŋano maheyoteno. Quko te ŋa engé moré kini. Asa keto toŋoka toqiní. Te ŋundo noko kiruwó kina reyote.’

⁸Yini sunará simóŋo ŋundo yaró, ‘Awa, kini. Kumima naru kaŋuya yoweya. Nondo noko kutaqemo te murímo sewano, ko makao qí wendaqe ŋuno rewano. ⁹Kumima naru awena ŋuro peka engé teweya. Quko ŋunde kini tiníqo, nimiroyi toŋowano.”

Yesuko Sapat naruko ŋuno se khumo pare ka riní meté taró

¹⁰Asa Sapat naru kano Yesuko huru-huru yanoⁿ kaŋero mande rondaqe yunoyaró. ¹¹Yunoní pare ka ŋuno yora. Enendo kumima naru 18 quroko ŋuno yuqa piyimi kato^o ene uroní tupurí kondéqiní roneneŋo kaŋewero mepémo kini teyara. ¹²Asa Yesuko ŋu qenero nekoró ŋande miraró, “Pare, keŋo se khumoke ŋu kini tete,” yaró. ¹³Ŋunde yero kandí rero kowímo riní waka ta roneneŋo kaŋero Anutu owí neko hoko towoyaró.

¹⁴Yesuko Sapat naruko ŋuno nange pare ŋu riní meté taró.^p Ŋunde ŋuroko huru-huru ya koro sopo-sopo uni ŋundo newonde saŋgirí tero

^k 13:1 “Pailat” ŋuko *Rom* uni ka. Rom koro wiri yerete uni parámi ŋundo Pailat owé parámi inoní enendo Judia mira sopoyaró. ^l 13:4 “Siloam yendé” ŋuko Yerusalem koro yendé tomó qu ka. ^m 13:6 “*tapara mande*” ŋuko sowo mande nange. Yesuko sowo mande ŋunde qu yero oka witi yereró. ⁿ 13:10 “*huru-huru ya*” ŋuko Juda uniparetoro ya parámi mu. *Sapat naruko* ŋuno hu-hariri tero Anutu koro mandí weyoyi iŋoro hariri teyaŋgurí.

^o 13:11 “*yuqa piyimi*” ŋuko *sambo simó* ŋunde qembe, quko Anutu koro saŋgirí tero unipare rowore yereyotenggo. ^p 13:14 *Hutuŋo mande ŋuro iŋo-iŋo unindo* ŋande yaŋgurí, ko *Sapat naruko* ŋuno uni kato kho kumi tewero mepémo kini. Enendo kho sewero mepémo kini, o yuwoyó rimiwero mepémo kini, engé siyowero mepémo kini, ko kho kumi meyowo ŋuya tewero mepémo kini. Anutu koro *hutuŋo mandeko* ore mande ŋunde qu kama yaró, iŋo-iŋo uni ŋu nange ŋunde kondé yero unipare soré yerengurí.

unipare qambu n̄ande yimiraró, “Hutuño mande n̄ande yete, naru kande sanjiyoro kanata quroko nan̄ge kho ti qembe. Asa ko n̄u naruko nan̄ge mahiqo, yoriní se khumoye meté teweya, Sapat naruko n̄uno kini.”

¹⁵Yini Uni Parámimbo mande topé n̄ande miraró, “Ye uni man̄goye irisa. Yendo Sapat naruko n̄uno makaoye n̄uya dókiye yayó mon̄go orosoyero sono newero quro re uyareyotenḡo, hamómbe? ¹⁶Asa qeni, n̄a pare n̄ako Abraham^q koro sowe qu, ko kumima naru 18 quroko n̄uno Monimbuko kusiyoyara. N̄u date koro? Nondo Sapat naruko n̄uno orosoyano tiníqo, hutuño mande howeyoteno, n̄unde hamómbe?”

¹⁷N̄unde yaró, quko eneño san̄girín̄o n̄u soso kowi piyo tan̄guri. Ko unipare qambu n̄undo o wimbí moré^r soso teyara n̄uro ninḡu-ninḡu parámi tan̄guri.

Mastet koro tapara mande
(*Matyu 13:31-32; Mak 4:30-32*)

¹⁸N̄unde n̄uroko Yesuko n̄ande yaró, “Anutuko unipareyó wiri yereyote naruyó^s n̄uko date, no n̄uro date yewano? ¹⁹Asa n̄uko mastet koro musiyó n̄unde qembe.^t Asa uni kato musiyó n̄u rero khono riminí wotero te parámi ka tiní nú mahero kambinímo kunditeyotenḡo.”

Yis koro tapara mande
(*Matyu 13:33*)

²⁰Yesuko mande kan̄yua n̄ande yaró, “Nondo Anutuko unipareyó wiri yereyote naruyó^u n̄uro date yewano? ²¹Asa n̄uko yis n̄unde qembe. Asa pare kato yis^v n̄u plaua parámimo rohoréñoyoníqo, imemon̄go plaua n̄u soso koñe parámi teweya.”

Mako kiñiwí tomó ta qurowore oyi qembe
(*Matyu 7:13-14,21-23*)

²²Asa Yesuko Yerusalem khewore uyareyate yendé pará-paráwore ko yendé tomó-tomówore n̄uya unipare mande rondaqe yunoyaró. ²³Ko uni kato n̄ande oseseyaró, “Uni Parámi, uni kumi nan̄ge peka rambaruru takawan̄gope?”

Yini unipare n̄ande yimiraró, ²⁴“Ye mako kiñiwí tomó ta n̄u qurowore owero quro koweyumu ti qembe. Hamó, nondo ye yimiroteno, uni qambu

^q 13:16 “Abraham” n̄uko Juda uniparetoro pukoye. ^r 13:17 “o wimbí moré” n̄uko o enesó-enesó tunoqini Anutu koro wimbí n̄unde tunomo yoweya. ^s 13:18 “Anutuko unipareyó wiri yereyote naruyómo” n̄uno iñondutu unipareko hamó Anutu kusun̄oyómo yowan̄go. ^t 13:19 “mastet” n̄uro musiyó n̄uko tambi koro musiyó n̄unde qembe. ^u 13:20 “Anutuko unipareyó wiri yereyote naruyómo” n̄uno iñondutu unipareko hamó Anutu kusun̄oyómo yowan̄go. ^v 13:21 “yis” n̄uko musiyó tomó horé n̄unde qembe, plaua, sono koya rohoréñoyi koñini qayi bret tunoqete.

qundo ŋuwore owero ye iŋoyoteŋgo, quko ene mepémo kini. ²⁵Asa ya simburímbo mako tuŋoníqo, yeko yendémo kaŋero mako utoro ŋande yeyowaŋgo, ‘Uni Parámi, mako kosoka nore oto.’

“Yi mande topé ŋande ye yimiroweya, ‘No ye kama iŋo yunoteno, ye da noŋgo qu.’

²⁶“Yini ŋande yewaŋgo, ‘Nore keya o kopo neyato ŋuno qu, keto noreŋo yendénanimo kaŋero iŋo-iŋo nunoyara ŋuno qu.’

²⁷“Yi mande topé ŋande ye yimiroweya, ‘No ye kama iŋo yunoteno, ye da noŋgo qu. Yeko unipare o piyimi teyoteŋgo qu, ye soso toŋi.’

²⁸“Yendo Abraham, Aisak, Yakop” ko ye-ye uni^x ŋu soso yiyoyi Anutuko unipareyó wiri yereyote naruyómo^y ŋuno yowaŋgo, quko Anutuko yeŋombo naŋge ye yohowini toŋewaŋgo. Ŋunde tini ye tendoro metoye kindotowaŋgo.^z ²⁹Ko unipare soso miraye rotoro kosa aretesinaŋgo ko kosa utesinaŋgo ko mira taŋgí kawore-kawore ŋu noŋgo mahero naruyómo ŋuno kunditero o newaŋgo. ³⁰Qeni, uni kumi weŋa yoteŋgo qu, ŋundo otoqoro koretewaŋgo. Ko uni kumi koreteyoteŋgo qu, ŋu enepa naŋge tukú tewaŋgo.”

Yesuko Yerusalem koro sikíye te yunaró

(Matyu 23:37-39)

³¹Ŋu naruko ŋuno Farisi uni^a kumi mahero Yesu ŋande miraŋgurí, “Ke yendé ŋa roto soreya mira meyowo kano u. Dokoro, Herotko^b kuroweka khumi, yero iŋoyote.”

³²Asa Yesuko ŋande yimiraró, “Ye uya, á sawa ŋu ŋande miri, ‘Iŋo, itaka ŋuya ko kuyepo ŋuya nondo yuqa piyimi^c unipare quroko yoteŋgo ŋu yohowewano, ko se khumo uni roŋgaru yerewano. Ko naru kapusa quno ŋunoko khone kini teweya.’ ³³Quko itaka ko kuyepo, yaŋini no uyareyowano. Dokoro ye-ye uni kato^d yendé meyowomo khumowero mepémo kini. Kini, ŋuko Yerusalem ŋuno naŋge khumoteŋgo!

³⁴“Yerusalem, Yerusalem, yendo ye-ye uni yuri khumoteŋgo, ko uni Anutuko asá yirini maheyoteŋgo ŋu wondo saŋayemo raŋoyoteŋgo. Naru

^w 13:28 “Abraham , Aisak , Yakop ” ŋuko Juda uniparetoro usisambapukoye. ^x 13:28 “ye-ye uni ” ŋuko Anutuko mandí yunoní unipare yunaŋgurí. ^y 13:28 “Anutuko unipareyó wiri yereyote naruyómo ” ŋuno iŋondutu unipareko hamó Anutu kusunoyómo yowaŋgo.

^z 13:28 Uni ŋundo metoye kindotowaŋgo, dokoro surumí parámi tewaŋgo. ^a 13:31 “Farisi uni ” ŋundo, nore Anutu koro hutuŋo mande ŋuro okeyá ta howeyoteto, ye iŋaŋgurí.

^b 13:31 “Herot ,” owí kako “Antipas,” ŋundo Galili mira sopo yereró, quko enendo Rom koro wiri yerete uni parámi kasirayómo yora. Wiri yerete uni parámi ŋundo owé parámi ka Herot inaró. Komo Herot koro iwímbo Juda unipare soso wiri yiriniqo, Mariako Yesu pisiyaró. ^c 13:32 “yuqa piyimi ” ŋuko sambo simó ŋunde qembe, quko Anutu koro saŋgirí tero unipare rowore yereyoteŋgo. ^d 13:33 “ye-ye uni ” ŋuko Anutuko mandí yunoní unipare yunaŋgurí.

qambu nondo kotoriko simó se wire quroko poka yereyote nunde qembe simónge se kopo yerewero injoyano. Quko yendo nuro piyimiñoyango. ³⁵ Injoyi, itakako yaye hamó piyo tini ye kina yowango. No hamó yeya yeteno, ye no kañuya kama niyowango, yate yendo nande yewango, “Uni Parámimboro owímo mahete nundo puriño riní.”^e

Yesuko kowe koñe-koñe khumo uni ka ñu riní meté taró

14 ¹Sapat naru^f kano Yesuko Farisi koro uni kembémboro yano oro o naró. O niní unindo kondé sopo qeneñgurí. ²Asa kowe koñe-koñe khumo uni ka Yesu toñímo yoní ³qenero hutuño mande nuro iño-iño unindoya^g Farisi uni^h ñuya nande osese yereró, “Hutuño mande nundo date yete, noreko Sapat naruko nuno se khumo uni yorato meté tewangope ma kini?” ⁴Ñunde osese yereró, quko mande topé ka kama tañgurí. Ko uni ñu riní meté tero toñeró.

⁵Ko nande osese yereró, “Asa ye soso nañoye kape ma makao ka Sapat naruko nuno meréko rokaráño uweya tiníño, waka ta wosoyi areweya, hamómbe?” ⁶Ko enendo mande ka kama tañgurí.

Yeñombo yeñomboro iñika umbuní

⁷O ne-neko nuno uni mahengurí nundo yakutí korete quno kunditewero yero iñañgurí. Yesuko yiyoro tapara mandeⁱ ka nande yimiraró. ⁸“Ko ke uni kato pare keta rero neko kiriní o newero uroqo, ke yakutí korete quno ma kunditewero. Dokoro uni ka owí nundo ke owéñge takate ñuya maheweya, peka. ⁹Ñundo mahiníño, uni neko kereró nundo nande yeweya, ‘Yakutí ñu rotoya uni ña ino,’ yini ke kowi piyo tero sore uro makono kunditeweya. ¹⁰Kini, uni kato o newero quro neko kiriníño, ke uro yakutí makono quno nuno nañge kundite qembe. Ke nunde tiqo, uni neko kereró nundo mahero nande yeweya, ‘Topo, ke mahe yakutí korete quno ñano kundite.’ Ñunde yiniño, uni soso o neyotenggo nundo owéñge hokowango. ¹¹Dokoro uni kato eneño owí riní hokoyote quko Anutuko riní umbuweya. Ko uni kato eneño owí riní umbuyote quko Anutuko owí hokoní oweya.”

O meté te yunoroqo meté rewero quro ma tewero

¹²Yesuko unindo ene nekaró ñu nande miraró, “Ke o ne-ne ka teweya quno, keño topo-topoke, kone-topoke, suwisawike, uni wondoye moré qu ma neko

^e 13:35 Hariri Yambo 118:26 ^f 14:1 “Sapat naru ” ñuko sonda naru weña ñu. Ñu naruko nuno Juda unipareto *huru-huru yayemo* huruworo Anutu koro mandí weyoyi iñoro hariri teyangurí. Ñu naruko nuno kho ka tewero mepémo kini (Toñengurí 20:8-11 weyo qembe).

^g 14:3 “*hutuño mande nuro iño-iño uni* ” nundo Anutu koro mande ñu unipare rondaqe yunoyangurí. ^h 14:3 “*Farisi uni* ” nundo, nore Anutu koro *hutuño mande* nuro okeyá ta howeyoteto, ye iñañgurí. ⁱ 14:7 “*tapara mande* ” ñuko sowo mande nañge. Yesuko sowo mande nunde qu yero oka witú yereró.

yerewero. Ijunde ti enepa nanje imemonjo topé meté tero neko kerewango koro. ¹³Kini, ke o ne-ne parámi ka teweya quño, asa uni owéye moré kini mu, koweye piyo taró mu, kheye piyimi mu, tojeye kiré mu, ñu neko yere qembe. ¹⁴Uni ñunde qundo o newero ñuro topé tewero mepémo kini. Ijunde ñuro ke puriño ka reweya, dokoro, imemonjo Anutuko uni ronenejowí^j ñu uni tapu koñgo yorini otoqowanjo quño, topé meté kunoweya.”

O ne-ne parámi ñuro tapara mande

(Matyu 22:1-10)

¹⁵Asa eneya o nangurí qu kato Yesu ñande miraró, “Ñu unipare Anutuko unipareyó wiri yereyote naruyómo^k ñuno o newango qundo meté horé yowanjo.”

¹⁶Ko Yesuko ñande yaró, “Naru kano uni kato o ne-ne parámi tero unipare qambu mahewero quro neko yereró. ¹⁷O ne-ne ñu tunoqewero tini sunará simónjo asáñoni unipare komo neko yereró ñuno nanje yimiraró, ‘Ye mahi, o ne-ne ñu roñgaruwotewego.’

¹⁸“Quko uni soso ñundo owero ñuro piyimiñangurí. Kato ñande yaró, ‘Noko mira ka kimano, ñu qenewero uyarewano, ye iñoteno. Iniyaqe, o ne-neko ñuno uyarewero mepémo kini.’

¹⁹“Ko kako ñande yaró, ‘Noko makao kho tewero kande irisa ñu kimo yereno, ñu khoye date tewango ñu qenewero uyarewano, ye iñoteno. Iniyaqe, o ne-neko ñuno uyarewero mepémo kini.’

²⁰“Ko kako ñande yaró, ‘Itaka nanje epe re-re taro. Ñu murí ñuro no uyarewero mepémo kini.’

²¹“Ijunde yi sunará simó ñu rohoréño mahero uni parámiyó mande nangurí ñuro miraró. Mironí sangirí tero ñande miraró, ‘Ke waka ta yendé keweroko ñuno uyareya, ya kimbino soso tojeya uni owéye moré kini qu, uni koweye piyo tete qu, uni tojeye kiré mu, uni kheye piyimi mu ñu soso yore mahi,’ yaró.

²²“Yini uyaro yaró ñu tini kini tini mahero ñande yaró, ‘Uni Parámi, no ñunde teteno, quko yake kama mañgoreyote.’

²³“Yini ñande miraró, ‘Meté khewore qu ñuya sikuwore qu ñuya yore mahe. Ijunde ti yane mañgoreweya. ²⁴Hamó, no ñande yimiroteno, unipare soso komo neko yerenowó ñundo o ne-ne ñaro sombé ka kama newango,’ yaró.”

Yesu howewero quro kimoyó ñu meté rondañi qembe

(Matyu 10:37-38)

²⁵Asa ñu naruko ñuno unipare qambu horé Yesu koya khe yateyanjo, ko ene rohoréño ñande yimiraró, ²⁶“Uni ka nono mahewero ye iñoyote

^j 14:14 “uni ronenejowí” ñuko Anutuko qenero potó moré kini tini enejo uniyó tunoqete.

^k 14:15 “Anutuko unipareyó wiri yereyote naruyómo” ñuno iñodontu unipareko hamó Anutu kusujoyómo yowanjo.

quko, ene iwí, nimí, parí, simó, topé-topé, simó-kuwí enejo yoto-yotoyó ñuya kama huwó yereyote tiníqo, ñuko neneño iño-iño rewero unine^l tewero mepémo kini. ²⁷Uni ka tipiriyó re koroworo no kama nohoweweya quko, ene neneño iño-iño rewero unine tewero mepémo kini.^m

²⁸“Qeni, ye kanata kato, ya parámi ka rewano, ye iñoyote quno, koretero ya ñuro kimoyó ñu qene iñoroqota, moneyó ñundo ya ñu meté remukoweyape ma kini, ye iño rondañeweya, hamómbe? ²⁹Yate ene tatá nanje rañoní moneyó kini tiní uni soso qenero huwó mande ye inowañgo koro. ³⁰Hamó, ñande yewañgo, ‘Uni ñando hurí tero ya ña raró muko kini tewero mepémo kini.’

³¹“Kowe wiri yerete uni kato wiri yerete uni meywomboya kuma teweya quno ñuno, koretero enejo wimbí qene iño rondañeweya. Eneñomboko kuma uni 10,000, ko meywomboko kuma uni 20,000 mahetengo. Ñunde tero kuma meté takawañgope ma kini ye qene iño rondañeweya. ³²Qene iño rondañero mepémo kini tiníqo, sañgirí uni ñu kapiyamo yuri keweroko uni ka asá yiriní kiro mande ñu ri umbuwero quro uyarewañgo. ³³Ñundiro nanje, ye kanata kato oyó soso ñu kama huwóñoweya tiníqo, ene neneño iño-iño rewero unine tewero mepémo kini.

Nembo koro tapara mande

(*Matyu 5:13; Mak 9:50*)

³⁴“Ñunde ñuroko, iñi. Nembo ñuko o meté mu. Quko nuñgurí ñu kini tiníqo, date tatoqo meté teweya? ³⁵Kini, nuñgurí ñunde kini tiníqo, khoyó kini teweya. Norendo khono kama rañoyoteto, ko makao koro qo quno ñuno kama reyoteto. Kina rañoyoteto.

“Asa uni ka kusumbí moré tiníqo, mande ña iñoweya.”

Sipsip kanata kato sore toñeró ñuro tapara mande

(*Matyu 18:12-14*)

15 ¹Asa takis re-re unindoyaⁿ quhurí unindoya^o soso kutaqe Yesuko mahero mandí ñu iñoyañgurí. ²Ñunde ti Farisi unindoya^p hutuño

^l 14:26 “iño-iño rewero uni ” ñunde qundo rondaqe-rondaqe unindoya uyaro iño-iño yunoyaró. ^m 14:27 “tipiriri ” ñunde quko tatá suruño nokono rañoro piño papare ka koreko kusiyoro uni ñuno porowoyañgurí. Naru rokóñoro uni tipiririko ñuno khumoweya ñuko papareyó re koroworo khumowero quro mirayómo ñuno uyareñgurí. ⁿ 15:1 “takis re-re uni ” ñuko Rom koro wiri yerete uni parámi ñundo unipare soso wiri yereró ñu noñgo takis siyaró. Juda unipareto uni ñunde qu hamó piyimi yereñgurí. ^o 15:1 “quhurí uni ” ñundo Juda koro muriye okeyá ta kama howeyañgurí. ^p 15:2 “Farisi uni ” ñundo, nore Anutu koro hutuño mande ñuro okeyá ta howeyoteto, ye iñañgurí.

mande ηuro iηo-iηo uni ηuyako^q kisikasa yero ηande yanηuri, “Ŋa uni ηako quhuri uniparetoya topo tero o kopo neyotenggo.”

³Kowe Yesuko tapara mande^r ka ηande yimiraró, ⁴“Ko ye kanata kato sipsip 100 ηunde sopo yereyote qu, ko kanata na sore toηiníqo, sipsip 99 kasina yotenggo ηu yorotoro sipsip kanata ηu seqa qeneweya, hamómbe? ⁵Ko seqayate qenero niηgu-niηgu tero hokoro wapémo koroworo re yendémo maheweya. ⁶Re mahero topé-topé neko yiriní mahi ηande yimiroweya, ‘Ye noya niηgu-niηgu ti. Dokoro sipsipne sore toηeró ηu pitu ko reteno,’ yeweya.

⁷“No ηande yimiroteno, ηundiro nanηe quhuri uni kanata kato newondí rohoréηoníqo, niηgu-niηgu parámi samboko tunoqeweya. Quko uni roneneηowí^s 99 newondeye meté yote qu ηuro niηgu-niηgu tomó ta nanηe tunoqeweya.

Wondo musiyó kanata ka rotoní umburó ηuro tapara mande

⁸“Ko ye date iηotenggo, pare kato wondo musiyó kande irisa towoyote, ko kanata ka rotoní umbuníqo, suru tupuηoro yakutí kiriyoro meté ta seqayate qeneweya, hamómbe? ⁹Ko seqayate qenero topé-topé neko yiriní mahi ηande yeweya, ‘Ye noya niηgu-niηgu ti. Dokoro wondo musiyó ka rotowe umburó mu seqayate reteno,’ yeweya.

¹⁰“No ηande yimiroteno, ηundiro nanηe sambo simómbo^t quhuri uni kanata kato newondí rohoréηote qu qenero Anutu toηímo niηgu-niηgu teyotenggo.”

Simó kato iwímboro onoηoyó kina rotaró ηuro tapara mande

¹¹Yesuko ηande yaró, “Uni ka simó irisa. ¹²Naηuní tukú ηundo iwí ηandiro miraró, ‘Awa, imemoηgo oke soso rondaηe nore irisa se nunoweya. Meté, itaka nanηe rondaηe neneηo qu se nuno,’ yaró. Yiní iwímbo o ηu rondaηero irisa-irisa se yunaró. ¹³Se yunoní waka ta nanηe naηuní tukú ηundo o ηuno qu se riní uni topémbo kimo tanηuri. Ŋunde ti mone rero mira kapiyamo ηuno toηeró. Ŋuno yotoro o wimbo-wimbo teyoní moneyó kini taró.

¹⁴“Asa mone ηu kini tiníqo, korare parámi mira ηuno tunoqaró. Tunoqiní o qímboro khumaró. ¹⁵Ŋunde tero uyaro mira simburí

^q 15:2 “*hutūŋo mande ηuro iηo-iηo uni*” ηundo Anutu koro mande ηu unipare rondaqe yunoyanηuri. ^r 15:3 “*tapara mande*” ηuko sowo mande nanηe. Yesuko sowo mande ηunde qu yero oka witú yereró. ^s 15:7 “*uni roneneηowí*” ηuko Anutuko qenero potó moré kini tiní eneηo uniyó tunoqete. ^t 15:10 “*sambo simó*” ηuko komo sukí-sukí Anutuko unipare kama yoriní tunoqí sambo simó yondowaró. Ko itaka eneηo sunará teyotenggo.

kano kho taró. Mira simburí ñundo asáñoní po hoñgo quroko uyaro poyó sopo yereró.¹⁶ Po sopo yiriní poto qohe soño nanğurí. Ñu ene ñuya qohe soño ñu se newero iñaró. Quko uni kato o qímboro ka kama inağgurí.

¹⁷“Asa yate iñondutuyó hiyóqiní ñandiro ye iñaró, ‘Ko awanemboro kho uni ñuko o parámi neyotengo. Quko no ñano yotoro qonemboro parámi khumoyoteno. ¹⁸No awane qenewero toñero ñande mirowano, ‘Awa, no Anutu toñímo quhurí tanowó, ko ke toñengemo ñuya o piyimi tanowó. ¹⁹Noko uni piyimi, keño nañonje kañuya kini yowano. No norotoka keño kho uni nañge yowe,’ ñunde yewano,’ ye iñaró.

²⁰“Ñunde ye iñoro otoqoro iwímo uyaro kapiyamo yoníqo, iwímbo genero sikí tero, khenğero uyaro towo pisiyoro mutó inoyaró.

²¹“Ko nañunímbo ñande yaró, ‘Awa, no Anutu toñímo quhurí tanowó, ko ke toñengemo ñuya o piyimi tanowó. Noko uni piyimi, keño nañonje kañuya kini yowano.’

²²“Ñunde yiní iwímbo sunará simó neko yiriní mahi ñande yimiraró, ‘Neneño tuwi meté piru ñu waka ta re maheya kusiyo ini. Kande pusirí tombo ka ñu ñuya re mahe kandímo reya khe punu-punu khímo ri.

²³Ko uyareya makao simó kowí tinditiwí ñu uto re mahika qa neya niñgu-niñgu tato. ²⁴Dokoro nañone ña komo khumaró muko itakako otoqote; simó kini taró qu pitu qeneteno.” Ñunde tero hurí tero hoho teyağgurí.

²⁵“Asa simó korete ñundo khono ñuno yoraró. Kho rotoro yano kutaqemo ñuno mahero iñoníqo, uni sumbí huworo yambo quno teyağgo.

²⁶Teyuri iñoro simó ka nekoru oseseyaró, ‘Ñu do ka teyotengo?’ yaró.

²⁷Yiní ñande yaró, ‘Koneke pitu ko mahiní, awağgepo makao kowí tinditiwí mu ka urote. Dokoro, awando simó ñu meté yate mahiní genero rete.’

²⁸“Ñunde yiní iñoro sağgirí tero ya quroko owero piyimiñaró. Tiní iwí mirako umburo kondé oseseyoní ²⁹iwímbo mandí topé ñande yaró, ‘Qeno, no kumima naru parámi keño koweyumu teyano. Ko keño mande kondéke kama wendaqeyano. Ko keto naru kanata quno meme simó kanata ka re nuni topo-toponemboya nero niñgu-niñgu kama teyato. Kini horé. ³⁰Quko nañonje ñuko keño oke rero sesawa pareko rañoní kini tiní mahete ñu. Mahiní keto eneño makao simó kowí tinditiwí mu urote,’ yaró.

³¹“Yiní iwímbo ñande miraró, ‘Nañone, keko naru rokóñoro noya yote. Nondo one soso ña keño nañge. ³²Quko itaka naruko ñano nore niñgu-niñgu tero newondenani meté tete, dokoro, koneke ñako

¹⁶ 15:15 Anutu koro sokomeko ñande yaró, ko po ñu númbowe pusú qu ka, Juda unipareto newero mepémo kini. Asa ko po sopoyowero ñuro piyimiñağgurí.

khumaró, quko itaka yoto-yoto rete. Ene piyo taró, quko itaka pitu ko qeneteto.”

**Kho uni kato uni parámiyómboro ononjyó
kina rotaró njuro tapara mande**

16 ¹Yesuko iño-iño rewero uniyó’ njande yimiraró, “Kho uni kato ononjo unindoro oyó sopoyara. Kowe kumi kato mahero uni ononjyó moré ñu njande miranjurí, ‘Kho unikepo keño o qu kumi kina rotoyote.’

²“Ñunde yi enendo kho uni ñu nekoro miraró, ‘Mande ña injoteno ñako do mande ka? Ke uya neneño o qu ke kandekemo yote njuro piña mandeyó nakayáño nuno. Dokoro keto neneño ononjone kanjuya sopoyowero mepémo kini.’

³“Asa kho uni ñu newondí monjo njande ye iñaró, ‘No date tewano? Uni paráminembo sopo-sopo koro khone monjo nohowete. No noko sewero kho njuro no wimbune moré kini. Unino qonembo kira yerewero kowi piyo teteno. ⁴Asa ko nondo oka ka tewekata uni paráminembo sopo-sopo khone monjo nohowiníqo, unindo noya topo tero nori yayemo owano.’

⁵“Ñunde ye inoro uni kumi uni parámiyembo utatá tanjurí ñu kanata-kanata neko yiriní mahenjuri. Koretero maheró mu njande oseseyaró, ‘Ke uni paráminembo utatánge date yote?’

⁶“Yiníqo, njande yaró, ‘Kiruwó parámi, asa sono kusí parámi 100 ñundiro.’

“Yiní njande yaró, ‘Ke sokome ñu reya waka ta kunditeya 100 ñu rotoya 50 nanje nakayáño.’

⁷“Ko tukú ka mahiní oseseyaró, ‘Keño utatánge date yote?’

“Yiníqo, njande yaró, ‘Wit parámi, asa tonjo kome punje parámi 100 ñundiro.’

“Yiní njande yaró, ‘Ke sokome ñu reya 80 nanje nakayáño.’

⁸“Ñunde tiní imemonjo uni parámiyómbo kho uniyó piyimi ñu owí hokaró. Dokoro enendo iño-iño meté rero kho taró. Hamó, noko unipareto topoyemboya kho tewero quro murí injomukotenggo. Injo-injyoye ñundo ñundiro nanje hiyó koro uniparetoro iño-injyoye takayote. ⁹Ko no njande yimiroteno, ye noko ñaro mone ñu reya kho tiqo, unipare yeya topo meté tewanggo. Imemonjo mone ñu kini tiníqo, yendo ya suki-suki quño ñuno meté owanggo.

¹⁰“Kowe uni kato o tomó ta ka meté ta sopoweya quko o parámi ñu ñuya meté ta sopoweya. Kowe uni ka o tomó ta nanje piyimi sopoweya quko o parámi quño ñuya piyimi sopoweya. ¹¹Asa ko ye noko ñaro mone ñu meté kama sopowanjo tiníqo, dando ye o hamó ñu se yunoní

ˆ 16:1 “iño-iño rewero uni ” ñundo Yesu koya uyaro iño-iño rondaqe yunoyaró.

sopowaŋgo? ¹²Kowe ye meywomboro o qu meté kama sopowaŋgo tiníqo, dando yeŋo o qu se yunoweya?

¹³“Kho uni kato sopo-sopo uni irisa guro kho qu tewero mepémo kini. Dokoro enendo karo newonde meté inoweya, ko karo newonde piyimi inoweya. Kaya womoweya, ko kako yesaráŋoweya. Ŋunde naŋge ye Anutu koya situwi koya irisa-irisa kasirayarimo yowero mepémo kini.”

¹⁴Asa Farisi unindo^w mandí ŋu iŋoro huwóŋaŋguri, dokoro enendo mone ŋuro metéŋoyaŋguri. ¹⁵Enendo ŋande yimiraró, “Yeko unindoro toŋeyemo uni roneneŋowí^x yoteŋgo, peka. Quko Anutuko newondeye qene iŋomukote ŋu. Dokoro oka unindoro toŋeyemo o meté horé ka yote ŋuko Anutu toŋímo o piyimi horé mu naŋge teyote.”

Hutuŋo mande ŋuro mande ka

¹⁶“Komo Hutuŋo Mande koya Ye-ye Unindoro mandeye ŋuya^y yora, yate-yate Jon tunoqaró. Tunoqiní, yate-yate Anutuko unipareyó wiri yereyote naruyó^z ŋuro miti mande ŋu yesowo yeyoteŋgo, ko uni qambu ŋu naruko ŋuno owero ŋuro kondé iŋoyoteŋgo. ¹⁷Sambo ŋuya noko ŋuya meté waka ta kini tewari, quko hutuŋo mande tomó ta-ta ŋuya parámi ta-ta ŋuya waka ta kini tewero mepémo kini.

¹⁸“Ko uni kato eneŋo parí rotoro pare meyworo rete ŋuko se simbururu tete. Ko uni kato pare ka komo meywombo rotaró ŋu reweya ŋuko se simbururu tete.

Onoŋo unindoya Lasarus koya ŋuro tapara mande

¹⁹“Onoŋo uni ka yora, naru rokóŋo kowe punu-punu meté-meté qu teyara. Naru rokóŋo hoho tero o parámi neyara. ²⁰Uni onoŋoyó moré kini ka, owí Lasarus, mama piyimi kowí wisumuŋoní, topémbo ri onoŋo unindoro hoŋgo makoyó sumeyoro eteyara. ²¹O qímboro khumoro o kumi onoŋo unindoro yakutíŋo kusuŋo quroko umbuyaró ŋu se newero ŋuro kondé iŋoyara. Quko isako mahero mamamboro kumbuyó kowíwore umbuyara ŋu mipiyembo neyapoyaŋgo.

²²“Asa imemoŋgo uni onoŋoyó moré kini ŋu khumoní sambo simómbom^a re koroworo samboko Abraham^b tangímo rotanŋuri. Onoŋo uni ŋu ŋuya khumoní re tapuŋanŋuri. ²³Khumoro uni khumowí ŋuro yendéyemom^c ŋuno yotoro kowe

^w **16:14** “*Farisi uni*” ŋundo, nore Anutu koro *hutuŋo mande* ŋuro okeyá ta howeyoteto, ye iŋanŋuri. ^x **16:15** “*uni roneneŋowí*” ŋuko Anutuko qenero potó moré kini tiní eneŋo uniyó tunoqete. ^y **16:16** “Hutuŋo Mande koya Ye-ye Unindoro mandeye” ŋuko Anutu koro mande korete qu. ^z **16:16** “*Anutuko unipareyó wiri yereyote naruyómo*” ŋuno iŋondutu unipareko hamó Anutu kusumuŋomó yowaŋgo. ^a **16:22** “*sambo simó*” ŋuko komo suki-suki Anutuko unipare kama yoriní tunoqi sambo simó yondowaró. Ko itaka eneŋo sunará teyoteŋgo. ^b **16:22** “*Abraham*” ŋuko Juda uniparetoro pukoye. ^c **16:23** “*uni khumowí ŋuro yendéye*” ŋuko Juda unipareto ŋande ye iŋanŋuri, ko uni soso khumoro yendé amuno ŋuno uyanŋuri.

surumí parámi horé teyara. Ñunde tero tojetero Abraham kapiyamo qeniní Lasarus tanjímó yora. ²⁴Yoní qenero ñande kiwaró, ‘Awa Abraham, sikíne te nuno. Lasarus mitoka sono ka soŋga ta re umbuya mipinemo riníka soŋga ta imaŋiní. No kewáko ñano yotoro kowe surumí parámi horé teyoteno.’

²⁵“Quko Abrahamko ñande yaró, ‘Naŋone, iño. Keto toje keta yotoro o soso meté ñu siyoyaró. Lasarusko o soso piyimi ñu siyoyaró. Quko itaka ña ene yendémo ñano newondí meté horé yoroní ke kowe surumí parámi reyote. ²⁶O kañuya yote. Noreya, keya keweronanimo Anutuko koñó parámi ka raró. Ñunde ñuro unindo koñó ñu karóñoro yeno uyarewero mepémo kini. Ko uni andusinaŋgo koñó ñu karóñoro noreno ñano mahewero mepémo kini.’

²⁷“Yiníqo, ñande yaró, ‘Asa ko, awa, no kira kereteno, metémbe ke Lasarus asáñi awanembo yano uyareweya. ²⁸No one-topone kandeka yoteŋgo. Asa Lasarusko mande kondé yiníka eneño oteteye roŋgaruwowaŋgo. Ña yendémo ñano mahero kowe surumí parámi horé tewaŋgo koro.’

²⁹“Quko Abrahamko ñande yaró, ‘Moses koro mande koya Ye-ye Unindoro mandeye^d koya yorote. Meté ene ñuro kusumbo re iñowaŋgo.’

³⁰“Yiníqo, ñande yaró, ‘Awa Abraham, kini. Ñunde kini. Quko uni ka komo khumoro uni tapu koŋgo otoqaró qundo eneno uyareweya tiníqo, ene meté newondeye rohoréñowaŋgo.’

³¹“Yiníqo, ñande miraró, ‘Ko enendo Moses koro mande quya Ye-ye Unindoro mande quya kama iñowaŋgo tiníqo, enina, uni tapu koŋgo otoqaró ñu ñuya kama iñowaŋgo.’”

Otete piyimi ñuro mande kumi
(*Matyu 18:6-7,21-22; Mak 9:42*)

17 ¹Asa Yesuko iño-iño rewero uniyó^e ñande yimiraró, “O enesó-enesó ñundo unipare yoriní o piyimi tewaŋgo, ñu hamó tunoqeweya. Quko uni o enesó-enesó ñu teyote, iniyaqe, quhurí piyimi korowoweya. ²Ko uni kato tomó ta qu ka riní o piyimi teweya ñuko piyimi horé. Meté koretero unindo wondo parámi ka eneño puñímo kusiyoro re windi quroko rañi khumoroqota o piyimi ñunde qu kama teweya. ³Ye yeñomboro kawaware ti.

“Ko topoke kato o piyimi tiníqo, keto mitoka oteteyó ñu roŋgaruwoweya. Ko newonde rohoré tiníqo, asa quhuríño re roto qembe. ⁴Asa ko enendo o piyimi te kunoro naru kande sañiyoro irisa ñunde tiníqo, ko naru kande sañiyoro irisa quño ñunoko keno mahero ñande kimiroweya, ‘No newonde surumí teteno,’ yiníqo, quhuríño re roto qembe.”

^d 16:29 “Moses koro mande koya Ye-ye Unindoro mandeye” ñuko Anutu koro mande korete qu. ^e 17:1 “iño-iño rewero uni” ñundo Yesu koya uyaro iño-iño rondaqe yunoyaró.

Ijondutu tewero murí ŋuro mande

⁵Asa asá yerewí uní^f ŋundo Uni Parámi ŋande miranŋurí, “Keto ijondutunani ŋu^g reka parámi horé tiní.”

⁶Yi ŋande yimiraró, “Enina, ijondutuye tomó ta horé, asa mastet taŋgurí ŋunde qembe,^h ŋunde tero te parámi ŋu ŋande mirowaŋgo, ‘Ke huríŋge tumoya rotoya ke uya windi quroko amuno kaŋeyoto,’ yiŋo, asa te ŋu maŋgoye howeweya.

Kho meté tewero ŋuro mande

⁷“Asa ye keweroyemo kato sunará simóŋo mironí uro kho roŋgaruwotepe ma sipsip sopo yerete. Asa kho simó ŋundo yano mahiníŋo, uni parámíyómbo ŋande miroweya, ‘Ke waka ta mahe kunditeya o ne,’ yeweya, peka? ⁸Kini, uni parámi ŋundo kho simó ŋu ŋande miroweya, ‘Ke neneŋo o newero qu roŋgaruwo nunoya o soso sunará teya samaka nereka newe. Imemoŋgoko kepa naŋge ne qembe.’ Ŋundiro naŋge yeweya, hamómbe? ⁹Kowe sunará simó ŋundo mande ŋu iŋo howiníŋqota uni parámíyómbo eneya, eso, yeweya, peka? Kini. ¹⁰Asa ye ŋuya, Anutuko o komo yaró ŋu howeroqota ŋande yi qembe, ‘Nore sunará simó meté kini. Noreŋo khonani naŋge teyoteto.’”

Yesuko kowí piyimi khumo uni kande irisa yoriní meté taŋgurí

¹¹Asa Yesu khe howeyate Yerusalem oro Samaria miraⁱ koya Galili mira keweroyariwore uyaró. ¹²Uyaro yendé kano mahiní kowí piyimi khumo^j uni kande irisa ŋunde mahero kheko qeneŋgurí. Qenero tíko kaŋero ¹³kondé ŋande neke kiwaŋgurí, “Yesu, awa, ke noreŋo sikínani te yuno.”

¹⁴Ŋunde yiŋo, yiyoro ŋande yimiraró, “Ye uyareya koweye se o qa-qa uni witú yiri.”^k Ŋunde yiní iŋoro uyareŋgurí muno ŋuno naŋge koweye muko sara tunoqaró.

^f 17:5 “asá yerewí uní ” ŋuko Yesuko rokó yerero asá yiriní eneŋo khoyó taŋgurí.

^g 17:5 “ijondutu ” ŋuko ŋandiro, asa unipareto ŋande kondé ye iŋoyoteneŋo, ko Anutuko meté sopo yereweya. ^h 17:6 “mastet” ŋuro yuwoyó ŋuko tambi koro yuwoyó ŋunde qembe. ⁱ 17:11 “Sa maria mira” ŋuko Judia mira koya Galili mira koya keweroyarimo yora. Komo suki wini kato mira meyowo moŋgo mahero ŋuno kunditeyaŋgurí. Narunenarune Samaria koya Juda keweroyemo saŋgirí taŋgurí. ^j 17:12 “kowí piyimi khumo” ŋuko nore do se khumo ka horé kama iŋoyoteto. Ŋande iŋoyoteto, ko Juda unindo se khumo uni ŋunde qu genero, Anutu toŋímo pusú yote, ye iŋoyanŋurí. Ko Juda uni kato uni ŋunde qu towowero mepémo kini, dokoro ene ŋuya Anutu toŋímo pusú tunoqeweya, ye iŋoyanŋurí. Se khumo uni ŋunde qundo sikuno naŋge yoraŋgurí, yendémo yorowero mepémo kini. ^k 17:14 *Hutuŋo mandeko* ŋande yaró, ko se khumo uni ka meté tunoqaró ŋunde qundo nú irisa Anutu inoweya yaró; ka uroní khumoní o qa-qa te inoweya, ka rotoní toŋeweya. Ŋunde tero uni ŋunde qundo yendémo meté yoweya. (O Qa-qa Uni 14:1-7 weyo qembe.)

¹⁵Asa keweroyemo kanata kato kowí qeniní meté tiní, rohoréŋo uyaro ki parámi tero Anutu owí hokaró. ¹⁶Mahero Yesu khímo umbu ranjoro yunŋunanjoró. Uni ŋuko Samaria koro wini qu ka.

¹⁷Yesuko uni ŋu qenero yaró, “No iŋoteno, uni kande irisa ŋunde sara teteŋgo. Quko uni kande sanjiyoro nimí kini qu, ŋu dano yotengo? ¹⁸Yuto uni ŋando nanŋe meté mahero Anutu koro owí hokoweya, peka?”

¹⁹Yero ŋande miraró, “Ke otoqo uyare. Keŋo iŋondutukepo^l koriní meté tete ŋu.”

Anutuko unipareyó wiri yereyote naruyó ŋu date tunoqeweya?

(Matyu 24:23-28,37-41)

²⁰Asa naru kano Farisi unindo^m do naruko Anutuko unipareyó wiri yereyote naruyóⁿ ŋu maheweya ŋuro Yesu oseseyanŋurí. Ŋunde yi mande topé yaró, “Ko yendo kondé toŋetero Anutuko unipareyó wiri yereyote naruyó ŋu qenewero mepémo kini. ²¹Unipareto ŋande kama yewanŋo, ‘Ŋano yote,’ ma, ‘Anduno na.’ Dokoro Anutuko unipareyó wiri yereyote naruyó ŋuko ye quroko yote.”

²²Ŋunde yero iŋo-iŋo rewero uniyó^o ŋande yimiraró, “Imemongo ye Unindoro Nanuní^p ŋuro naru kanata qu qenewero kondé ye iŋowanŋo, quko qenewero mepémo kini. ²³Ko uni kato yimirowanŋo, ‘Ŋuno yote,’ ma ŋande yimirowanŋo, ‘Ŋano na.’ Quko kheŋgeŋo ŋuno ma uyarewero. ²⁴Dokoro Unindoro Nanuní ŋuro naruyó ŋuko rowá ŋunde qembe tunoqeweya. Rowá ŋundoko kasina-kasina mahero koporé soso hiyóqeyote. ²⁵Quko koretero enendo kowe surumí qambu korowoní unipare itaka yorotenŋo ŋundo huwóŋowanŋo.

²⁶“Unindoro Nanuní ŋuro naruyó ŋuko Noa koro naruyó ŋunde qembe. ²⁷Asa Noa koro naruko ŋuno unipareto o ne-ne parámi tero epe re-re teyuri, yate Noako wanŋo quroko oní sono riru parámimbo unipare soso ŋu rambaruru yereró.

²⁸“Ko Lot koro naruyó ŋuya ŋunde nanŋe. Unipareto o qoyembo nero, situwi kimoro soweyoro, o yuwoyó rimiro, ya reyannurí. ²⁹Ŋunde teyuri, yate Lotko Sotom yendé ŋu rotoní kewá koya wondo tiwi salfa ŋu sambo koŋgo umburo unipare soso ŋu rambaruru yereró.

³⁰“Ko Unindoro Nanuní tunomo tunoqeweya naru ŋu ŋuya ŋunde nanŋe. ³¹Ŋu naruko ŋuno ke ya umómo^s yuri oke soso ya quroko yoweya

^l 17:19 “*iŋondutu* ” ŋuko ŋandiro, asa unipareto ŋande kondé ye iŋoyotenŋo, ko Anutuko meté sopo yereweya. ^m 17:20 “*Farisi uní* ” ŋundo, nore Anutu koro *hutunŋo mande* ŋuro okeyá ta howeyoteto, ye iŋannurí. ⁿ 17:20 “*Anutuko unipareyó wiri yereyote naruyómo* ” ŋuno iŋondutu unipareko hamó Anutu kusunŋoyómo yowanŋo. ^o 17:22 “*iŋo-iŋo rewero uni* ” ŋundo Yesu koya uyaro iŋo-iŋo rondaŋe yunoyaró. ^p 17:22 “*Unindoro Nanuní* ” ŋuko Yesu nanŋe. ^s 17:31 Ŋu naruko ŋuno “ya umó” soso ŋuko surunŋo kini, papare nanŋe, ko unipare meté owero kunditeyanŋo.

tiníqo, o ñu siyowero ñuro quroko ma uwero. Ñundiro nanqe, ke khono yote tiníqo, yendémo kanqaya ma uwero. ³²O ñu Lot parí sañano tunoqaró ñuro ma kape tewero. ³³Dani kato eneño yoto-yotoyó ñuro kawaware teyote ñuko yoto-yotoyó rоторo kini teweya. Ko dani kato yoto-yotoyó rotote ñuko meté yoweya. ³⁴No ñande yimiroteno, suwono ñuno yereka irisa kato yakutí kanata quno eteyoriqo ka rewanqo, ka rotowanqo. ³⁵Pare irisa wit musiyó rumuniñoyoriqo ka rewanqo, ka rotowanqo.”

³⁶(-)^t

³⁷Ñunde yini ñande oseseyangurí, “Uni Parámi, ñu dano tunoqeweya?”

Yi ñande yimiraró, “Ukúño dano yote quno ñuno nú sañgirí parámi ñundo ñuno mahero kopoyotenqo.”

Wapu kato kho tero kama imaqaró ñuro tapara mande

18 ¹Asa Yesuko iño-iño rewero uniyó^u tapara mande^v ka yimiraró. Mande ñuro murí muko ñandiro: meté naru rokóño hariri tero ma piyimiñowero. ²Ene ñande yaró, “Yendé kanata kano ronda-ronda uni ka yaró. Ñu ronda-ronda uni ñu Anutu koro kama sasaro tero unindoro owéye ñuya kama iñaró. ³Wapu ka ñuya yendé ñuno yaró. Naru rokóño ene ronda-ronda uninno ñuno mahe ñande mito yaró, ‘Sañgiríne ñundo no rambaruru nerewero teyote. Asa samaka nereya sañgirí ñu kusiyo,’ yaró. ⁴Naru piru ñunde teyaró, quko ronda-ronda uni ñundo samakanowero ñuro piyimiñaró.

“Yate ene ñande iñaró, ‘Hamó, no Anutu koro kama sorero unindoro kama iñoteno. ⁵Quko wapu ñundo naru suki-suki no quhurí nunoyate imemongo newondene piyo teweya. Ñunde ñuro no samakanoro sañgiríño kusiyowe,’ yaró.”

⁶Asa Uni Parámimbo ñande yaró, “Ye ñu ronda-ronda uni piyimi ñuro mandí ñu iñoyi. ⁷Asa Anutuko unipare rokó yereró ñu naru rokóño eneño neko kiweyotenqo ñu samaka yereweya, hamómbe? Enendo, ‘Imemongo ta,’ nanqe yeweya, peka? Kini horé. ⁸Nondo ye yimiroteno, waka ta horé samaka yereweya. Quko Unindoro Nanuní ñundo^w maheweya quno ñuno, unipareto iñondutu^x teyotenqo ñunde qu noko ñano seqa yiyoweyape ma kini?”

^t 17:36 Komo suki Lukiko mande soso ña nakayáñaró, ko imemongo uni meyowo peka Matyu koro sokomeyó qenero mande ka ñano sowe taró. Mande ñuko ñandiro: ³⁶“Uni irisa khono kho tewari quno Anutuko ka rero, ka rotoweya.” ^v 18:1 “iño-iño rewero uni” ñundo Yesu koya uyaro iño-iño rondaqe yunoyaró. ^v 18:1 “tapara mande” ñuko sowo mande nanqe. Yesuko sowo mande ñunde qu yero oka witú yereró. ^w 18:8 “Unindoro Nanuní” ñuko Yesu nanqe. ^x 18:8 “iñondutu” ñuko ñandiro, asa unipareto ñande kondé ye iñoyotenqo, ko Anutuko meté sopo yereweya.

Uni irisako hariri tariyó ñuro tapara mande

⁹Asa Yesuko uni kumi tapara mande^y ka yimiraró. Uni ñundo, ‘Noreko uni roneneñowí^z hamó,’ yero uni soso meyowo huwó yerengurí. Tapara mande ñuko ñandiro. ¹⁰Uni irisako hariri tewero Ya Surumímo^a oriyó. Kako Farisi uni ka,^b ko kako takis re-re uni ka.^c ¹¹Asa Farisi uni ñu kañero newondímo ñande hariri taró, ‘O Anutu, nondo uni soso meyowo ñunde kini, ñunde ñuro no keya eso yeteno. Enendo momo teyotenggo, otete piyimi mu teyotenggo, ko se simbururu teyotenggo. Quko noko kini. Ko noko takis re-re uni andu qembe ñunde kini. ¹²Sonda keweroko kosa naru irisa quño ñuno no kundiní teyoteno.^d Ko nondo o soso siyoyoteno, ñuko nondo rondañewe kande irisa tiní kanata re kunoyoteno.’

¹³“Ñunde yaró, quko takis re-re uni ñu sewemo kañero, ene korewore toñete sambo qenewero piyimiñaró. Ene newonde surumí tiní nomoní utoro ñande yaró, ‘O Anutu, noko quhurí uni. Keto sikíne te nuno,’ yaró.”

¹⁴“Nondo ye yimiroteno, ñu naruko ñuno takis re-re uni ñu pitu yayómo uníqo, ñundo nanje uni roneneñowí Anutu toñímo tunoqaró, meyowo kini. Dokoro, uni soso eneño owéye hokoyotenggo ñuko, Anutuko uni ñu yoriní umbuwañgo. Ko uni soso owéye ri umbuyote ñuko, Anutuko eneño owéye hokoweya.”

Unipareto oña kumi yori Yesuko ñuno mahengurí

(*Matyu 19:13-15; Mak 10:13-16*)

¹⁵Unipareto simó ta-ta oña qu yorero Yesuko kandí kembayemo rewero quro eneno mahengurí. Quko iño-iño rewero uni ñundo^e yiyo yañgurí. ¹⁶Asa Yesuko neko yerero ñande yaró, “Ye simó ta-ta tomó ta-ta ñu yorotika nono mahe, ma soré yerewero. Dokoro Anutuko unipareyó wiri yereyote naruyó^f ñuko simó ñunde quro na. ¹⁷Nondo ye hamó yimiroteno, uni kato simó qembe tero Anutuko unipareyó wiri yereyote naruyó ñuro kama metéñoweya tiníqo, ñundo naru ñuro quroko ñuno kama oweya. Kini horé.

^y **18:9** “*tapara mande*” ñuko sowo mande nanje. Yesuko sowo mande ñunde qu yero oka wítú yereró. ^z **18:9** “*uni roneneñowí*” ñuko Anutuko qenero potó moré kini tiní eneño uniyó tunoqete. ^a **18:10** “*Ya Surumí*” ñuko Anutu koro ya qu, ñunoko Juda unipareto Anutu koya huruwowero quro hu-hariri teyañgurí. ^b **18:10** “*Farisi uni*” ñundo, nore Anutu koro *hutuño mande* ñuro okeyá ta howeyoteto, ye iñañgurí. ^c **18:10** “*takis re-re uni*” ñundo unipareto situwiye rondañero kimoyó sombé rero *Rom* koro wiri yerete uni ñu inañgurí. ^d **18:12** “*kundiní*” teyañgurí quño ñuno unipareto Anutu iñoro eneño ri umbuní naru kanata, irisa ñundiro o kama nañgurí. ^e **18:15** “*iño-iño rewero uni*” ñundo Yesu koya uyaro iño-iño rondaqé yunoyaró. ^f **18:16** “*Anutuko unipareyó wiri yereyote naruyómo*” ñuno iñondutu unipareko hamó Anutu kusunoyómo yowañgo.

Sopo-sopo uni onoŋoyó parámi mu kato osese ka taró
(*Matyu 19:16-30; Mak 10:17-31*)

18 Sopo-sopo uni kato ŋande oseseyaró, “Rondaqe-rondaqe uni meté, no date tero yoto-yoto suki-suki ŋu rewano?”

19 Yiní Yesuko miraró, “Ke do karo no, meté, yero neko nerete? Anutu kanata ŋu nanjeko meté. 20 Asa mande kondé enesó-enesó^g ŋu ke iŋomukote: se simbururu ma tewero, uni ma yuri khumowero, momo ma tewero, mande khono ŋuno kota mande ma yewero, awa-nánge ará te yuno qembe.”^h

21 Yiní ŋande yaró, “Nondo simó tomó ta quno hutuŋo mande soso ŋu howeyate itaka uni parámi teteno.”

22 Asa Yesu mande ŋu iŋoro miraró, “O kanata ka yote. Keŋo situwi soso soweyoya mone ŋu rondaŋe uni oye moré kini ŋu yuno. Ke ŋunde teroqo, o meté samboko reweya. Asa ŋunde teya ke mahe nohowe.”

23 Yiní mande ŋu iŋoro newondí quhurí taró, dokoro ene onoŋoyó qambu ŋuro.

24 Asa Yesuko qeniní newondí quhurí tiní ŋande yaró, “Onoŋo unipare kato Anutuko unipareyó wiri yereyote naruyómoⁱ ŋuno owero ŋuko taŋo kini, quhurí. 25 Kamel ŋundo tisi o tiŋiyowero quwore owero rukusuwoyote.^j Quko uni onoŋoyó parámi ŋundo Anutuko unipareyó wiri yereyote naruyómo owero hamó horé rukusuwoyote.”

26 ŋunde yiní unindo mandí iŋoro ŋande yaŋgurí, “ŋu hamó tiníqo, ŋu danimboko rambaruru takawaŋgo?”

27 Yiqo, ŋande yaró, “Unindo oka tewero mepémo kini, ŋuko Anutuko nanje meté teweya.”

28 Asa Pitako ŋande yaró, “Qeno, norendo onani soso rotoro ke kohowatowó.”

29 Yiní ŋande yimiraró, “No hamó horé yimiroteno. Uni kato Anutuko unipareyó wiri yereyote naruyó ŋu iŋoro topé-topé, iwí-nimí, pare-simó yorotaró quko 30 Anutuko itaka naruko ŋano topé meté parámi horé teyoweya. Ko naru maheweya quno ŋunoko, yoto-yoto suki-suki qu reweya.”

^g 18:20 “mande kondé enesó-enesó” ŋuko *hutuŋo mande* nanje, komo suki Anutuko *Sainai* purímo *Moses* inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^h 18:20 Toŋeŋgurí 20:12-16; Hutuŋo Mande 5:16-20 weyo qembe. ⁱ 18:24 “Anutuko unipareyó wiri yereyote naruyómo” ŋuno iŋondutu unipareko hamó Anutu kusuyoyómo yowaŋgo. ^j 18:25 “kamel” ŋuko númbowe parámi ka, ko tuwi tiŋiyowero tisi wityúyo ŋuko tomó horé.

Yesuko ene khumoweya nuro kaŋuya yaró
(*Matyu 20:17-19; Mak 10:32-34*)

³¹Asa Yesuko iŋo-iŋo rewero uni 12 ŋu^k yorero ŋande yimiraró, “Ŋi, itakako Yerusalem owé teteto. Kowe mande soso ye-ye unindo Unindoro Naŋuní^l nuro nakayaŋŋurí ŋuko hamó teweya. ³²Dokoro unindo ene rero uni wini meyo^m kandeyemo rotowaŋgo. Ŋunde rotoyi huwó mande yero o pi-piyimi te inoro tuteworo ³³haususuworo uri khumoweya. Ko naru kapusayómo pitu ko otoqoweya.”

³⁴Ŋunde yiniqo, iŋo-iŋo rewero uni ŋundo kama iŋi tondaŋeyara. Mande murí ŋuko tapuŋaró, ko mande yaró ŋu iŋowero mepémo kini.

Yesuko toŋí kiré mu ka riní meté taró
(*Matyu 20:29-34; Mak 10:46-52*)

³⁵Asa yate Jeriko kutaqemo ŋuno mahiqo, uni ka toŋí kiré mu khe sumeyoro kunditero mone koro unipare kira yerayaró. ³⁶Ŋuno kunditeyoní unipare qambu mahe takayi osese yerero ŋande yaró, “Do ka teteŋgo?”

³⁷Yini kumimbo ŋande miranŋurí, “Yesu, Nasaret noŋgo uni ŋu, mahete,” yaŋgurí.

³⁸Ŋunde yiqo, nekoro ŋande yeyaró, “Yesu, Dewit koro naŋuní,ⁿ sikíne te nuno!”

³⁹Ŋunde yeyoniqo, unipare koretero oŋgurí ŋundo qene yero ŋande yaŋgurí, “Ŋunde roto!” yaŋgurí.

Quko watí-watí nekoro ŋande yaró, “Dewit koro naŋuní, sikíne te nuno!”

⁴⁰Asa Yesuko mahe kaŋero yimiraró, “Re nono mahi,” yini re woso kutaqemo ŋuno mahi Yesuko ŋande oseseyaró, ⁴¹“Nondo do ka te kunowe?”

Yini ŋande yaró, “Uni Parámi, noko toŋetero o qenewero ye iŋoteno,” yaró.

⁴²Ko Yesuko ŋande miraró, “Toŋeŋge meté hiyóqini. Keŋo iŋondutukepo^o korini meté tete.” ⁴³Ŋunde yiniqo, toŋí waka ta hiyóqini pitu ko toŋetero Yesu howe uyaro Anutu owí hokoyaró. Kowe unipareto ŋu qenero Anutu seré te inaŋgurí.

^k 18:31 “iŋo-iŋo rewero uni 12” ŋuko Yesu roko yirini topé-topé horé tunoqanŋurí.

^l 18:31 “Unindoro Naŋuní” ŋuko Yesu naŋge. ^m 18:32 “uni wini meyo” ŋunde quko Juda unipare kini qu naŋge. ⁿ 18:38 Komo suki “Dewitko” Juda unipare wiri yereró. Ŋu naruko ŋuno Anutuko Dewit ŋande miraró, imemongo keŋo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso ŋundo Dewit koro naŋuní sopanŋurí, ko uni nuro sopanŋurí ŋu, “Mesaiya,” ma, “Kristo,” ye nekoyaŋgurí. ^o 18:42 “iŋondutu” ŋuko ŋandiro, asa unipareto ŋande kondé ye iŋoyoteŋgo, ko Anutuko meté sopo yereweya.

Yesuko Sakiusko yano oró

19 ¹Asa Yesuko Jeriko ηuno oro kewerowore uyaró. ²Uni ka ηu yendémo ηuno yaró, owí Sakius. ηuko takis re-re uni^p ηuro uni kembéye, ko eneko onoηo uni ka. ³Asa ene Yesu qenewero ye ijaró, quko ene uni tukuni ta, ko unipare qambu ηundo wisumuηaηgurí. ⁴Asa ko korete kheηgeηo Yesuko khe maheweya quno ηuno uyaro qenewero te fik ka saηano oró.

⁵Oníqo, Yesuko ηuno mahero te saηano toηetero ηande miraró, “Sakius, waka ta umbu. Itakako keto yano yowano.” ⁶Yini waka ta umburo niηgu-niηgu tero Yesu re yayómo oró.

⁷ηunde tini uni soso qenero kisikasa yero ηande yaηgurí, “Yesuko oro quhurí unindoya^q yano yorote,” yaηgurí.

⁸Asa yano ηuno Sakius otoqo kaηero Yesu ηande miraró, “Uni Parámi, ke ijo. Itakako no onoηone rondaηewe irisa tini kanata ka uni onoηoye moré kini qu yunowano. Ko no dani ka kanáηoro oyó ka momo tanowó mu, asa itakako topé te inoro o nimí kini inowano.”

⁹Ko Yesuko yaró, “Itakako Anutuko uni ηaya soweyómboya rambaruru koηgo yoreweya tete. Dokoro uni ηako ηuya Abraham koro sowe qu.”

¹⁰Hamó, Unindoro Naηuní ηuko^s uni soso piyo taηgurí qu seqa yere rambaruru koηgo yorewero quro maheró.”

Kho simó kande irisa ηundo mone sopoyangurí

(Matyu 25:14-30)

¹¹Asa unipareto mande ηu iηoyiqo, Yesuko sowe tero tapara mande^t ka yimiraró. Dokoro Yerusalem kutaqemo ηuno mahini unipareto ηande ye ijaηgurí, ko Anutuko unipareyó wiri yereyote naruyó^u ηu waka ta tunomo tunoqeweya. ¹²ηunde ηuroko ηande yaró, “Uni parámi kato, no mira sewemo uyaro unipare wiri yerewero koro owé ka rero pitu ko mahewano, ye ijaró. ¹³ηunde ye iηoro sunará simóηo kande irisa neko yerero mone mina^v kanata-kanata rondaηe yunoro ηande yimiraró, ‘Mone ηaya kho tiqo pitu ko mahewano,’ yaró.

¹⁴“Yendé unipareto uni parámi ηuro saηgirí tero hamó piyimiηangurí. Piyimiηoro uni pará-pará asá yiri mira sewemo ηuno wiri yerete uni

^p 19:2 “takis re-re uni” ηundo uniparetoro situwiye rondaηero kimoyó sombé rero Rom koro wiri yerete uni ηu inaηgurí. ^q 19:7 Farisi unindo uni Juda uniparetoro muriye howeyango ηunde qu yiyoro, “quhurí uni,” ye nekoyangurí. ^r 19:9 “Abraham” ηuko Juda uniparetoro pukoye. ^s 19:10 “Unindoro Naηuní” ηuko Yesu nange. ^t 19:11 “tapara mande” ηuko sowo mande nange. Yesuko sowo mande ηunde qu yero oka wítu yereró. ^u 19:11 “Anutuko unipareyó wiri yereyote naruyómo” ηuno iηondutu unipareko hamó Anutu kusuyoyómo yowaηgo. ^v 19:13 Wondo musiyó ηu, “mina” ηuko kimoyó parámi, asa uni kato kombo kapusako khoyó tiníqo, mina ηunde qu reweya.

kembé ŋu ŋande miraŋgurí, ‘Norendo uni ŋa nore wiri nerewero ŋuro piyimiŋoyoteto. Owé parámi ŋu ma inowero,’ yaŋgurí.

15 “Ŋunde yaŋgurí, quko uni ŋundo owé parámi ŋu rero ene mirako pitu ko maheró. Mahero sunará simó mone yunaró ŋu neko yerero mone koya do kho ka taŋgurí ŋuro osese yereró.

16 “Asa kho simó korete ŋundo mahero ŋande yaró, ‘Uni parámi, nondo keŋo mina koya kho tewe sowe tero kande irisa itaka yote.’

17 “Yini ŋande miraró, ‘Meté ŋu! Keko sunará simó meté! Asa koretero kho tomó ta nange meté sopoyaró. Ŋunde ŋuroko itaka owé parámi ka kunowe yendé parámi kande irisa sopoyoweya.’

18 “Asa sunará simó irisayó ŋundo mahero ŋande yaró, ‘Uni parámi, nondo keŋo mina koya kho tewe sowe tero kandeka itaka yote.’

19 “Yini ŋande miraró, ‘Ko itaka owé parámi ta kunowe yendé parámi kandeka sopoyoweya.’

20 “Asa sunará simó meyowo ka mahero ŋande yaró, ‘Uni parámi, nondo keŋo mina ŋu tuwi ka quroko kusiyoro tapuŋanowó. Mina ŋu ŋana. 21 Qeno, keŋo soranowó, dokoro ke tiwi uni tete. Keto o kumi kama raró ŋu kina siyoyote, ko o kumi kama rimiró ŋuro eŋgé siyoyote.’

22 “Yini ŋande yaró, ‘Keko sunará simó piyimi. Keŋo mandekepo nange topé piyimi ka kunoyote. Kepe ŋande iŋaró, ko nondo tiwi uni teteno, ko o kumi kama ranowó ŋu kina siyoyoteno, ko o kumi kama riminowó ŋuro eŋgé siyoyoteno, peka? 23 Ko dokoro keto wondo ŋu wondo yano kama raró? Asa no pitu ko maheteno quno ŋuno wondo ya simburímbo wondo kaŋuya saŋanímó nunoweya.’

24 “Ŋunde yero uni wuririyaŋgurí ŋu ŋande yimiraró, ‘Mina towote ŋu reka uni mina kande irisa towoyote ŋu inoyi.’

25 “Yini ŋande yaŋgurí, ‘Uni parámi, ene kande irisa itaka towote!’

26 “Yi ŋande yimiraró, ‘Nondo ye ŋande yimiroteno, ko uni ka o kumi towote tiniqo, Anutuko o kumi kaŋuya saŋanímó rero inoweya. Ko uni oyó moré kini ŋuko, Anutuko o tomó ta qu towoyote ŋu siyoní kini teweya. 27 Quko neneŋo saŋgirínembo nondo wiri yerewero ŋuro piyimiyaŋgurí, ŋu yore mahi toŋenemo yuri khumowaŋgo.’”

Yesuko wiri yerete uni ŋunde qembe Yerusalem ŋuno oró

(*Matyu 21:1-11; Mak 11:1-11; Jon 12:12-19*)

28 Asa Yesuko mande ŋu yini kini tini, khe Yerusalem owero ŋu howe oró. 29 Oro mira purí Oliv ŋuno, asa Betipake yendé ko Betani yendé kutaqemo ŋuno, iŋo-iŋo rewero uni^w irisa kho ka yunoro asá yereró. 30 Ŋande yimiraró, “Yendé andusina ŋuno uyareya dóki^x simó ka kusiyaŋgurí qu qenewari. Komo uni kato dókiko ŋuno

^w 19:29 “iŋo-iŋo rewero uni ” ŋundo Yesu koya uyaro iŋo-iŋo rondaqe yunoyaró.

^x 19:30 “dóki” ŋuko númbowe parámi ta, hosi ŋunde qembe uni kato meté saŋano kunditini uyareweya.

kama kunditaró. Asa utó orosoyero njano re mahiri. ³¹Ko uni kato osese yiriníqo, ‘Do karo dóki ñu orosoyitiri?’ yiníqo, mande topé njande mirori qembe, ‘Uni Parámimbo njuya kho ka teweya.’”

³²Ñjunde yini uni asá yereró njundo uyaro o soso Yesuko yaró ñu tunoqini qeneriyó. ³³Utó dóki kusiyangurí ñu orosoyiriqo, dóki njuro simburímbo njande osese yerengurí, “Yari date koro dóki simó ñu orosoyitiri?”

³⁴Yiqo, yariyó, “Uni Parámimbo njuno kho ka teweya.”

³⁵Ñjunde yero rero Yesuko mahiriyó. Re mahero tuwi piruyari se dóki sañano rero Yesu re njuno rotori kunditaró. ³⁶Kunditero uyarini unipare tuwi piruye ñu wendañero se khewore ranjurí.

³⁷Asa uyareyate khe ñu mira purí Oliv itaqewero quno njuno injo-injo rewero unipare soso ñu hurí rero o wimbí moré^y tini qeneyangurí ñu injoro kondé nekoro Anutu owí hokoyangurí. ³⁸Ñjande nekoyangurí,

“Wiri yerete uni Uni Parámimboro owímo mahete,
njundo puriño riní!
Newonde ime samboko yoní,
ko Anutu owí koreko horé hokoyi.”

³⁹Ñjunde yeyuriqo, Farisi uni kumimbo^z unipare qambu keweroye monjo Yesu mirangurí, “Rondaqe-rondaqe uni, ke injo-injo rewero unike yiyo yeka.” ⁴⁰Ko mande topé njande yaró, “Ye yimiroteno, uni manjoye kusiyowañgo quko mipu njundo nanje nekoyowañgo.”

⁴¹Kowe Yesu yendé parámi ñu kutaqemo njuno mahero genero njuro tendo parámi tero ⁴²njande yaró, “Ye itaka date newonde ime tewero njuro injoyi tondañete tiniqo, meté yowañgo. Quko o ñu sóqini ye qenewero mepémo kini. ⁴³Imemonjo ta sañgiriyembo wuriri yiriqo, honjo parámi yendéye wuririyoro hamó wisumujoweya. ⁴⁴Enendo yeya simóye yendémo yotengó njuya yorero nokono ranjoro rambaruru yerewañgo. Ya soso rambaruruworo wondoye soso se wisikarañowañgo, dokoro yendo Anutuko mahe yiyowero naru ñu ye kama qene injangurí.”

Yesuko uni mone koro kho teyañgo ñu Ya Surumí monjo yohowaró
(*Matyu 21:12-17; Mak 11:15-19; Jon 2:13-22*)

⁴⁵Asa Yesuko Ya Surumímboro^a honjo quroko oro hurí rero uni mone koro kho teyañgo njuno qu^b yohowero ⁴⁶njande yimiraró, “Sokomeko

^y 19:37 “o wimbí moré” ñuko o enesó-enesó tunoqini Anutu koro wimbí njunde tunomo yoweya. ^z 19:39 “Farisi uni” njundo, nore Anutu koro *hutuño mande* njuro okeyá ta howeyoteto, ye injangurí. ^a 19:45 “Ya Surumí” ñuko Anutu koro ya qu, njunoko Juda unipareto Anutu koya huruwowero quro hu-hariri teyañgurí. ^b 19:45 Ñu naruko njuno Juda uni mira kapiya monjo *Ya Surumí* njuno mahero yambo hariri tero o *qa-qa* teyañgurí. Asa ko mone rewero uni kumi mira meyowomboro moneye ñu rohoréñoro Judia mira koro moneye teyangurí, ko kumi nú-qare o qa-qa tewero quro soweyangurí.

ηuno ηande nakayáηaró, ‘Neneηo yane muko hariri koro ya qu.’^c Quko yendo ri ‘kuma tero momo teyoteηgo unindoro ya qu teyote.’”^d

⁴⁷Naru rokóηoro Ya Surumímo oro mande rondaqe unipare yunoyaró. O qa-qa unindoro tapá unindoya hutuηo mande ηuro iηo-iηo unindoya uniparetoro uni kembé-kembémboya^e uri khumowero khe qu seqayaηgurí. ⁴⁸Quko khe ηu kama qeneηgurí, dokoro unipare soso ηundo enego mandí iηowero ηuro maheyangurí.

Yesuko owí parámi ηu da noηgo raró?

(*Matyu 21:23-27; Mak 11:27-33*)

20 ¹Naru kano Yesuko Ya Surumímo^f hoηgo quroyómo ηuno unipare iηo-iηo yunoro miti mande ηuro yimitoyaró. ηunde tiníqo, o qa-qa unindoro tapá unindoya hutuηo mande ηuro iηo-iηo unindoya uni kembé-kembémboya^g kopo mahero ²ηande oseseyaηgurí, “Do owé kano o soso ηa mepémo teyote? Danimbo owé ηu re kunaró?”

³Yi mande topé yimiraró, “Ko no ηuya ye osese yereweka nimiroyi. ⁴Jonko unipare sono re yunaró. Asa ye date iηoteηgo, enego kho qu tewero ηuro owé ηu, sambo koηgo rarómbe ma uni noηgo raró?”

⁵ηunde yiníqo, keweroyemo epe mito-mito ηande taηgurí, “Ko norendo, ‘ηuko sambo koro qu,’ yewato tiníqo, ηande osese nereweya, ‘Asa ye date koro mandí iηoro iηondutu^h kama taηgurí,’ yeweya. ⁶Quko, owé ηuko unindoro qu, yewato tiníqo, unipare soso ηundo wondo raηoro nurowaηgo, dokoro enendo ηande iηondutu teyoteηgo, asa Jon ηuko ye-ye uniⁱ hamó ka.”

⁷Asa ko Yesu ηande miraηgurí, “Jonko o taró ηuro owé ηu da noηgo raró ηuko nore kama iηoteto.”

⁸Yiqo, ηande yimiraró, “Asa ko no ηuya da noηgo owé ηa rero o soso teyoteno ηuro ye kama yimirowano,” yaró.

Wain kho sopo-sopo piyimi ηuro tapara mande

(*Matyu 21:33-46; Mak 12:1-12*)

⁹Asa Yesuko tapara mande^j ka unipare ηande yimiraró, “Naru kano uni kato wain koro kho ka toworo sopo-sopo uni kumi kandeyemo rotoro^k

^c 19:46 Aisaia 56:7 ^d 19:46 Jeremaia 7:11 ^e 19:47 Uni soso ηundo Juda koro huru-huru parámi ka, owí *Sanedrin*, taηgurí. Enendo Juda unipare ronda yereyaηgurí. ^f 20:1 “Ya Surumí” ηuko Anutu koro ya qu, ηunoko Juda unipareto Anutu koya huruwowero quro hu-hariri teyaηgurí. ^g 20:1 Uni soso ηundo Juda koro huru-huru parámi ka, owí *Sanedrin*, taηgurí. Enendo Juda unipare ronda yereyaηgurí. ^h 20:5 ηu iηondutu ηuko ηandiro, asa unipareto mande ka iηoro, ηu hamó, ye iηoro howewaηgo. ⁱ 20:6 “ye-ye uni” ηuko Anutuko mandí yunoní unipare yunaηgurí. ^j 20:9 “tapara mande” ηuko sowo mande nange. Yesuko sowo mande ηunde qu yero oka witú yereró. ^k 20:9 Kho simburámbo ηande ye iηaró, ko uni ηundo kho soporo engé kumi simburí inoro kumi towowaηgo.

mira kapiyamo ηuno uyaro naru piru yoraró. ¹⁰Yate-yate kho simburímbo sopo-sopo unindo eneηo wain enggé inowero ηuro ye iηoro sunará simó ka asáηoní uni khoyó sopoyoteηgo quno uyaró. Uyariní sopo-sopo unindo rero haususuworo howi kina toηeró. ¹¹Imemoηgo kho simburímbo sunará simó kaηuya asáηaró, quko ηu ηuya o pi-piyimi te inoro howi kina toηeró. ¹²Ko kapusayó ηuya asáηoní uroyi mama parámi tiní re raηoyi kho tapémo uró.

¹³“Asa kho simburímbo ηande yaró, ‘No date tewe? Neneηo naηone, ηuro surumí iηoyoteno qu, ηu asáηowe teteno. Kho sopo-sopo uni ηundo naηone ηu ará te inowaηgo, peka.’

¹⁴“Quko kho sopo-sopo uni ηundo, simó ηu mahiní qenero, keweroyemo ηande yaηgurí, ‘Simó ηundo iwímbo o soso ηako imemoηgo siyoweya. Uratoka khumoníka o ηa soso norendo siyawato.’ ¹⁵ηunde yero re raηoyi kho tapémo uní uroyi khumaró. Asa, ye date iηoteηgo, kho simburí ηundo, do te yunoweya? ¹⁶ηandiro na, ene uyaro sopo-sopo uni ηu rambaruru yerero wain koro kho ηu uni meyowo yunoweya.”

ηunde yiniqo, uni mandí iηaηgurí ηundo yaηgurí, “Kini horé!”

¹⁷Quko Yesuko kondé yiyoro ηande yaró, “Asa, mande ka sokomeko ηuno nakayáηaró ηu, do murí ka?

“Ya re-re unindo wondo ka rero, piyimi, yero iηoro re rotaηgurí, quko itakako wondo ηundo ya soso riní kondérewero wondo ka tunoqete.’

¹⁸Uni soso wondo ηuro saηano raηowaηgo quko kosaηewaηgo. Quko wondo ηundo uni ka saηano umbuníqo, uni ηu uso-soworo murutómi teweya.”

¹⁹ηunde yini hutuηo mande ηuro iηo-iηo unindoya o qa-qa unindoro tapá unindoya¹ ηande iηaηgurí, tapara mande yaró ηu ene mande kho yunaró. ηunde ηuroko ηu naruko ηuno Yesu towowero khe ka seqaηgurí, quko unipare ηuro soraηgurí.

Unindo Sisa koro takis tewangaope, ma kini?

(Matyu 22:15-22; Mak 12:13-17)

²⁰Asa uni pará-pará ηundo Yesu towowero khe ka seqaηgurí. ηunde ηuroko kaná-kaná uni asá yiri eneηo kiraróye tapuηoro Yesuko uyareηgurí. Uyaro kusiyowero ηuro mandí soso ta iηoyaηgurí. Mande ka piyimi yeweya tiniqo, toworo Rom koro uni kembé^m kandímo meté rotowaηgo. ²¹ηunde tero ηande oseseyaηgurí, “Rondaqe-rondaqe uni,

¹ 20:19 Uni soso ηundo Juda koro huru-huru parámi ka, owí *Sanedrin*, taηgurí. Enendo Juda unipare ronda yereyaηgurí. ^m 20:20 “Rom koro uni kembé” ηuko Pailat naηge.

nore njanđe injoyoteto, ko keto Anutu koro kheyó hamó moŋgo nanje rondaqe yunoyote. Ko keto uni karo owé morémbe ma kini njuo kama injoyote. ²²Asa ko njanđe yeka injato, norendo Sisaⁿ takis re inowato njuko hutuŋo mande wendaqeyotepe ma kini?”

²³Asa Yesuko kaná-kaná muríye nju qene inoro njanđe yimiraró, ²⁴“Denarius^o ka re mahika qenewe. Asa wondo musiyó njanđe kapo-kapo njaya owí njako daniro qu?”

Yiniqo, “Sisa koro qu,” yanjurí.

²⁵Njunde yiqo, yaró, “O kumi Sisa koro qu, nju Sisa se inoyi qembe. Ko o kumi Anutu koro qu, nju Anutu se inoyi qembe.”

²⁶Njunde yiniqo, kaná-kaná uni njundo mande unipare tojeyemo njunde yaró quwore towowero mepémo kini. Mande topé nju inoro injondata parámi tero mande kanjaya kama yanjurí.

**Sadyusi unindo unipare khumanjurí nju otoqowanjo
njuro Yesu oseseyanjurí
(Matyu 22:23-33; Mak 12:18-27)**

²⁷Asa Sadyusi uni^p kumi Yesuko mahanjurí. Uni njundo njanđe yeyanjurí, ko unipare khumanjurí qundo pitu ko kama otoqowanjo. Asa mahero njanđe oseseyanjurí, ²⁸“Rondaqe-rondaqe uni, komo Mosesko^q noreŋo mande njanđe nakayánjaró, ‘Uni kato pare rero simó moré kini yate khumoniqo, eneŋo koneyómbo pare nju riní simó pisiyoniqota payómbo sowe qu tunoqini.’^r ²⁹Asa injo. Naru kano uni kato nanjo-simó kande sanjyoro irisa pisi yereró. Simó korete njundo pare rero, yate-yate simóyari moré kini tero khumaró. ³⁰Simó irisayó quya ³¹simó kapusayó qundo pare nju rero yate-yate simóyari moré kini tero khumariyó. Njundiro nanje simó kande sanjyoro irisa soso njundo pare nju rero simóyari moré kini tero khumanjurí. ³²Nju soso khumiqo, pare njaya khumaró. ³³Asa yeka injowato, unipare khumanjurí qundo pitu ko otoqowanjo quro naruyómo njuno, pare nju, danimbo yoweya? Dokoro uni kande sanjyoro irisa qundo pare kanata nju ranjurí.”

³⁴Njunde yiqo, Yesuko njanđe yimiraró, “Unipareto itaka njanđe naruko yoteŋgo qundo epe re-re teyoteŋgo. ³⁵Quko naru imemoŋgo tunoqeweya qundo njuno unipare muríye meté qu, njundo nanje uni tapu koŋgo

ⁿ 20:22 “Sisa ” njuko Rom koro wiri yerete uni parámi nju. Rom unindo mirane-mirane wini soso sopo yerero ene moŋgo takis siyanjurí. Juda uni kumimbo takis njuro hamó piyimiŋoyanjurí, dokoro Sisa kasirayómo yowero njuro piyimiŋoyanjurí.

^o 20:24 “denarius ” njuko Rom koro wondo musiyó ka, asa Rom koro takis tewero wondo qu. ^p 20:27 “Sadyusi uni ” njuko unindoro huru-huru ka Israel mirako njuno yanjurí.

Eneko wondo uni kumi owéye parámi tero unipare soso sopo yereyanjurí. ^q 20:28 Komo suki “Mosesko ” uni parámi tero Israel unipare sopo yereró. Anutuko Sainai purimo hutuŋo mande inoní mande nju rondaqe unipare yunaró. ^r 20:28 Hutuŋo Mande 25:5-6

otoqowaŋgo. Ko unipare ŋundo epe re-re kama tewawaŋgo. ³⁶Dokoro enendo pitu ko khumowero mepémo kini. Hamó, sambo simó^s ŋunde qembe yowaŋgo. Enendo Anutu koro simó tewawaŋgo, dokoro uni tapu koŋgo pitu ko otoqowaŋgo. ³⁷Quko unipare khumaŋguri qundo pitu ko otoqowaŋgo quro yeweka iŋoyi. Komo suki Moses enepa naŋge te kunzi qayara quno ŋuno kaŋero Uni Parámi koro ŋande yaró, ‘Abraham koro Anutuyó, ko Aisak koro Anutuyó, ko Yakop koro Anutuyó,’ yaró.^t ³⁸Anutuko uni kindo khumaŋguri ŋuro Anutuye kini. Uni yoto-yotoye moré ŋuro naŋge Anutuye yote. Dokoro uni kumi khumowaŋgope ma yowaŋgo, Anutu toŋímo yoto-yotoye moré teyotenga.”

³⁹Asa hutuŋo mande ŋuro iŋo-iŋo uni kumimbo^u iŋoro ŋande yaŋguri, “Rondaqe-rondaqe uni, keto mande topé meté yete,” yaŋguri. ⁴⁰Hamó uni kato osese kaŋuya tewero ŋuro rukusuwaŋguri.

Kristo ŋuko danimboro naŋuni?
(*Matyu 22:41-46; Mak 12:35-37*)

⁴¹Asa Yesuko ŋande osese yereró, “Do murí karo iŋo-iŋo uni kumimbo, Kristo ŋuko Dewit koro naŋuni,” ŋunde yeyotenga? ⁴²Qeni, Dewit enepa naŋge Hariri Yambo koro sokomeko ŋande yete,

“Uni Parámi ŋundo uni parámine ŋu ŋande miraró,
“Kandene kondésina kunditeka

⁴³nondo saŋgiríŋge soso rewe
keŋo kusuŋokemo yowaŋgo.”

⁴⁴Dewitko uni ŋuro, ‘Uni parámine,’ yaró. Asa date tero uni ŋuko Dewit koro naŋuni?”

Hutuŋo mande ŋuro iŋo-iŋo uni ŋundo otete piyimi teyaŋgo
(*Matyu 23:1-36; Mak 12:38-40; Luk 11:37-54*)

⁴⁵Ŋunde yini unipare soso iŋoyuriqo, iŋo-iŋo rewero uniyó^w ŋande yimiraró, ⁴⁶“Hutuŋo mande ŋuro iŋo-iŋo uni^x ŋuro kawaware ti qembe.

^s 20:36 “*sambo simó*” ŋuko komo suki-suki Anutuko unipare kama yorini tunoqi sambo simó yondowaró. Ko itaka enego sunará teyotenga. ^t 20:37 Anutuko mande ŋu *Moses* miraró (Toŋeŋguri 3:6 weyo qembe). Quko yaró quno *Abraham*, *Aisak*, *Yakop* komo suki khumaŋguri. ^u 20:39 “*hutuŋo mande ŋuro iŋo-iŋo uni*” ŋundo Anutu koro mande ŋu unipare rondaqe yunoyaŋguri. ^v 20:41 Komo suki “*Dewitko*” Juda unipare wiri yereró. Ŋu naruko ŋuno Anutuko Dewit ŋande miraró, imemoŋgo keŋo sowe qu ka mahero naru suki-suki unipare wiri yereweya yaró (2 Samuel 7:11-16 weyo qembe). Asa yate Juda unipare soso ŋundo Dewit koro naŋuni sopanguri, ko uni ŋuro sopanguri ŋu, “*Mesaiya*,” ma, “*Kristo*,” ye nekoyaŋguri. ^w 20:45 “*iŋo-iŋo rewero uni*” ŋundo Yesu koya uyaro iŋo-iŋo rondaqe yunoyaró. ^x 20:46 “*hutuŋo mande ŋuro iŋo-iŋo uni*” ŋundo Anutu koro mande ŋu unipare rondaqe yunoyaŋguri.

Enendo kowe punu-punu piru saŋga meté mu^y punuworu yendéwore unipare toŋeyemo uyareyoteŋgo, ko yendémo ŋuno enendo unipareto eneya naru meté yewaŋgo ŋuro hamó inoyoteŋgo, ko huru-huru yano^z yakutí meté horé muno ŋuno naŋge kunditeyoteŋgo, ko o ne-neko ŋuno yakutí meté horémo eteyoteŋgo. ⁴⁷Uni ŋundo wapu koro ya qu momo teyoteŋgo, ko hariri piru saŋga teyoteŋgo. Uni ŋunde qundo topé piyimi horé rewaŋgo.”

Wapu kato mone ka re Anutu inaró

(Mak 12:41-44)

21 ¹Asa Yesu toŋeteyoníqo, onoŋo unipareto Anutu te inowero quro mone se mahero sosoko toŋomboroŋowímo ŋuno raŋguri. ²Ŋunde tiqo, wapu onoŋoyó moré kini kato wondo musiyó tomó ta horé irisa qu re mahero ŋuno raŋoní qeneró. ³Qenero yaró, “No hamó horé yimiroteno, oka wapu onoŋoyó moré kini ŋundo te inote ŋundo meywombo te inoyoteŋgo ŋu takate. ⁴Dokoro meywono ŋundo oye parámi moŋgo mone raŋoteŋgo. Quko wapu ŋuko oyó parámi kini qundo oyó soso ŋuno raŋote.”

Yesuko naru weŋa quro yaró

(Matyu 24:1-14; Mak 13:1-13)

⁵Asa uni kumimbo Ya Surumí^a ŋu qenero ŋande yaŋguri, “Unindo wondo meté-meté mundo ya ŋu towaŋguri, ko o meté-meté mu ŋuno Anutu se inoyoteŋgo,” yaŋguri.

⁶Ko Yesuko yaró, “Ŋu soso qeneyoteŋgo ŋu, imemoŋgo naru ka tunoqiníqo, wondo itaka epe saŋa-saŋa rero towaŋguri mu soso raŋi umukoweya. Kini, saŋgiri uni kumimbo soso se raŋoyi uweya.”

⁷Ŋunde yini oseseyaŋguri, “Rondaqe-rondaqe uni, do naruko tunoqeweya? Ko tunoqewero tete ŋuro do rokó ka teweya?”

⁸Yi ŋande yaró, “Ye kondé toŋeteyuri. Kota uni kato mahero ye kaná yereweya koro. Dokoro, imemoŋgo uni qambu mahero no owéne nekoro ŋande yewaŋgo, ‘Uni maheweya ŋuko no naŋge!’ yewaŋgo. Ŋuya ŋande yewaŋgo, ‘Naru ŋu tukuni tete ŋa!’ yewaŋgo. Quko ye uyare ma yohowewero. ⁹Yeko kuma parámi enesó-enesó ŋuro piŋa mande inowaŋgo, quko sasaro ma tewero. O soso ŋuko hamó maheweya, takawero mepémo kini. Quko naru maheweya ŋuko naru weŋa qu kini.”

¹⁰Ŋunde yero ŋande yimiraró, “Uni wini kato asa uni wini enesó-enesó kaya kuma ri otoqoweya. Asa wiri yerete unindoro kuma uni qundo

^y 20:46 “kowe punu-punu piru” ŋunde qu unipareto kowe punu-punuye meywono weheŋoyayŋguri. ^z 20:46 “huru-huru ya” ŋuko Juda unipareto ya parámi mu. *Sapat naruko* ŋuno hu-hariri tero Anutu koro mandí weyoyi inoro hariri teyaŋguri. ^a 21:5 “Ya Surumí” ŋuko Anutu koro ya qu, ŋunoko Juda unipareto Anutu koya huruwowero quro hu-hariri teyaŋguri.

otoqoro wiri yerete uni enesó-enesómboro kuma uni quya kuma tewango. ¹¹Kunduru pará-parámi nokono nãano tunoqeweya. Ko mira kumiworeko korare koya khumo yuwo koya tunoqeweya. Ko sambo sajanoko rokó pará-pará kate-kate qenero ye yukuwo sasaro parámi tewango.

¹²“O soso nu kama tunoqeyoní unindo ye kondé yondowo pisi yerero o piyimi te yunowango. Ko ye yorero huru-huru yano^b mande khono yorotowango nyua yorero kusi-kusi yano yorotowango. Yeko owéne towoyotengo, nu murí nuro uni nundo yorero uyare wiri yerete uni parámi toneyemo ko uni kembé-kembé toneyemo nyua yoroti kañewango. ¹³Njundoko yeño khe nunde qembe tiní ye mande yimirowango nu. ¹⁴Njunde nuro ye do mande topé ka tewero nuro ma inõndataqewero. ¹⁵Dokoro neneñomboko mande rero manqoyemo rewano, ko inõndutu meté nu yunowano. Unindo ye yore mande kho yunowango quko yeño mandeye ri umbuweya nuro mepémo kini tewango. ¹⁶Asa yeño awa-náye, kone-topoye, sitú topoye ko maraweye, soso yorero sañgirí uni kandeyemo yorotoyi yuroyi ye kumi khumowango. ¹⁷Uni wini soso nundo yeño kondé piyimiño yunowango, dokoro yendo neneño owéne nekoyotengo. ¹⁸Quko ye rambaruru hamó kama tewango. ¹⁹Ye kondé kañewango nundo yoto-yoto suki-suki rero yorowango.

²⁰“Asa kuma uni mahero Yerusalem wuririyoyi qenewango quno nuno ye nãande inowango, ko yendé nu itaka piyo tewero tete, ye inowango. ²¹Nju naruko nuno ye soso Judia mirako yotengo qundo sore mira purímo oyi qembe. Ko ye Yerusalem nuno yotengo qundo yendé nu roto toñi qembe. Ko ye sikuno yotengo qundo yendé parámi nu quroko ma owero. ²²Dokoro nu naruko nuno Anutuko mande soso sokomeko nakayáñangurí nu riní hamó tiní kimoye piyimi yunoweya. ²³Nju naruko nuno ye pare qahu tetengo, ko ye simó susu yunoyotengo qu, ininiyaqe, quhurí piyimi korowowango. Dokoro quhurí parámi nokono tunoqiní, Anutu koro newonde sañgiríño nu unipare nu sañayemo nuno umbuweya. ²⁴Uni sañgirímbo mahero sukepo kumi yuroyi khumowango. Ko ene kumi yorero kusi yerero uyarewango. Uni wini meyowomboro kheyé njundoko Yerusalem khete rumuniñowango, yate-yate Anutuko uni wini meyowomboro naruye riní hamó temukoweya.

²⁵“Nju naruko njunoko rokó kate-kate kosako, komboko, tutuko tunoqeweya. Ko nokono nãano windi kosañero niri parámi horé tiní unipare inõndata parámi horé tero sasaro parámi horé tewango. ²⁶Unipare parámi o soso nokono tunoqeweya nu qenero inõndata tero sasaro tero toñeye wawinoweya. Dokoro o soso wimbí moré mu samboko yote qu

^b 21:12 “huru-huru ya ” njuko Juda uniparetoro ya parámi mu. *Sapat naruko* nuno hu-hariri tero Anutu koro mandí weyoyi inõoro hariri teyangurí.

yukuwowaŋgo. ²⁷Ŋu naruko ŋuno Unindoro Naŋuní^c koporé kewerowore wimbí moré tero sine parámi horémo mahiní unipare soso qeŋewaŋgo. ²⁸Asa o ŋu hurí rero tunoqeweya quno ŋuno ye kaŋero kembaye hokoyi qembe, dokoro Anutuko ye kimo yerewero ŋuro naruyó ŋu^d kutaqemo mahete ŋu.”

²⁹Asa Yesuko tapara mande^e ka yimiraró, “Yeŋombo naŋge kewá fik ŋuya te soso qeŋero iŋondutu rero qeni qembe. ³⁰Naru kano kambinímbo sono woso remukoní komiri keta qu woti qeŋeroqo, yeŋombo, kosa naru meté tewe tete, ye iŋowaŋgo. ³¹Ŋundiro naŋge o soso yeteno ŋako tunoqiníqo, ŋande iŋowaŋgo, ko Anutuko unipareyó wiri yereyote naruyó^f tunoqewe tete. ³²Nondo hamó horé ye yimiroteno, unipare itaka yoroteŋgo quko toŋeye watí yoníqo, o soso ŋa tunoqeweya. ³³Sambo koya noko koya kini tewari, quko mande yeteno ŋako kama kini teweya.

³⁴“Ye kondé iŋoyi qembe. Naru rokóŋo wimbo-wimbo sono kondé nero kape tewaŋgo koro. Ko o kowe saŋaní quro iŋaŋawí tewaŋgo koro. Otete ŋunde qundo ye yoriní newondeye umbuní naru parámi ŋundo mondó mahero nokoparako qembe yondowoweya. ³⁵Hamó, ŋu naru ŋuko unipare mirane-mirane soso yoteŋgo quno ŋuno tunoqeweya. ³⁶Ye naru rokóŋo kondé toŋeteya o piyimi tunoqeweya ŋu takaro Unindoro Naŋuní toŋímo kaŋewero quro Anutuko hariri teyuri qembe.”

³⁷Asa naru rokóŋoro Yesuko unipare Ya Surumí ŋuro hoŋgo quroko ŋuno iŋo-iŋo rondaqeyunoyaró. Ko suwonoko ene toŋero mira purí Oliv oro ya kano ŋuno eteyaró. ³⁸Ko unipare ita saraŋoní suwo-suwo otoqoro Ya Surumímo ŋuno uyaro mandí iŋoyaŋgo.

Jutasko Yesu re uni kandeyemo rotowero mande kusiyaró
(*Maty 26:1-5,14-16; Mak 14:1-2,10-11; Jon 11:45-53*)

22 ¹Asa Bret Yisiyó Moré Kini naru parámi^g keweroko ŋuno o ne-ne ka, owé Taka yereró, ŋu^h tunoqewero taró. ²Ko o qa-

^c 21:27 “Unindoro Naŋuní ” ŋuko Yesu naŋge. ^d 21:28 “kimo yerewero ” ŋuro murí muko ŋandiro: unipareto o piyimi kusunoyómo kusiyowí yotengo. Ŋundiro naŋge Anutuko kimo tero yoriní kina yowaŋgo. ^e 21:29 “tapara mande ” ŋuko sowo mande naŋge. Yesuko sowo mande ŋunde qu yero oka witú yereró. ^f 21:31 “Anutuko unipareyó wiri yereyote naruyómo ” ŋuno iŋondutu unipareko hamó Anutu kusunoyómo yowaŋgo. ^g 22:1 “Bret Yisiyó Moré Kini quro o ne-ne ” ŋuko naru parámi ka, asa Israel unipareto sonda kanata soso ŋuno bret yisiyó moré kini naŋgurí. Komo suki Anutuko unipare ŋu Isip noŋgo yoriní areŋgurí. Arewero taŋgurí quno ŋuno bret hamó qawero mepémo kini. Kini, bret yisiyó moré kini naŋge, asa plaua, sono naŋge qaŋgurí. Ŋunde ŋuroko kumima naru rokóŋoro o tunoqaró ŋuro iŋoro o ne-ne ŋu teyaŋgo. ^h 22:1 “Taka yereró quro o ne-ne ” ŋuko naru parámi ka. Komo suki Anutuko Israel unipare Isip noŋgo yoriní areŋgurí. Ŋu naruko ŋuno sambo simó saŋgirí kato Isip koro simó urumuni korete qu soso yuri khumaŋgurí. Quko Israel unipareto Anutu koro mandí howero sipsip simó yutoro sitú makoyemo sonowoyi sambo simómbo enego simóye taka yiriní kama khumaŋgurí. Ŋunde ŋuroko kumima naru rokóŋoro sipsip simó yutoro o ne-ne teyaŋgurí.

qa unindoro tapá unindoya hutuŋo mande ŋuro iŋo-iŋo unindoyaⁱ uniparetoro sorero Yesu urowero ore sóqewí qu seqangurí. ³Ŋunde ti Monimbuko Jutas, owé kako Isikariot, ŋu newondí quroko uró. Ŋuko iŋo-iŋo rewero uni 12^j qu ka. ⁴Asa ŋuro quroko uní uyaro o qa-qa unindoro tapá unindoya Ya Surumímboro ŋuro sopo-sopo unindoya eneno, Yesu eneŋo kandeyemo re rotowero ore seqaweya, yero yimiraró. ⁵Yimironí ninggu-ninggu tero, mone ka se kunowato, yangurí. ⁶Ŋunde yiqo, meté, yero eneŋo kandeyemo re rotowero quro naru meté seqaró. Unipare qambu qenero iŋowanŋo koro.

Iŋo-iŋo rewero uni irisa qundo o ne-ne roŋgaruwariyó
(*Matyu 26:17-25; Mak 14:12-21; Jon 13:21-30*)

⁷Asa Bret Yisiyó Moré Kini naru keweroko ŋuno o ne-ne ŋu^k tunoqaró. Ŋu naruko ŋuno sipsip simó ka utoro qaro neyango. Sipsip simó ŋuko, “Taka yereró koro sipsip simó,” ye nekangurí. ⁸Asa Yesuko Pita, Jon ŋande yimiraró, “Yarindo uyareya Taka yereró quro o ne-ne koro o qonanimboro roŋgaruworí.”

⁹Yini oseseyariyó, “Keto, norendo re uyare dano roŋgaruwaro, ye iŋote?”

¹⁰Yiri yimiraró, “Iŋori. Yendé parámimo ŋuno uyaririqo, uni kato sono kumbe ka re kheko ŋuno mahe wisumu yereweya ŋu. Yari ŋu howero ya ŋuro quroko ori qembe. ¹¹Oro ya simburí ŋande mirori qembe, ‘Rondaqerondaqe uni ŋundo ŋande osese kerete: No iŋo-iŋo rewero uninemboya^l Taka yereró quro o ne-ne^m ŋu newato. O newero ŋuro yakutí ŋu dana yote?’ ¹²Ŋunde yiriqo, ya simburímbo yakutí parámi roŋgaruwaró mu witú yereweya. Asa yakutí ŋuno o newero ŋu roŋgaruworí qembe.”

¹³Ŋunde yimironí uni irisa ŋu oro o soso Yesuko yaró ŋuko ŋunde nanŋe tunoqaró. Asa ko Taka yereró quro o ne-ne ŋu roŋgaruwariyó.

Yesu koya asá yerewí uniyómboya o nangurí
(*Matyu 26:26-30; Mak 14:22-26; 1 Korin 11:23-25*)

¹⁴Asa o newero naru hamó ŋu tunoqiniqo, Yesu koya asá yerewí uniyómboyaⁿ yakutí ŋuno o newero quro etangurí.^o ¹⁵Etero ŋande

ⁱ 22:2 Uni soso ŋundo Juda koro huru-huru parámi ka, owí *Sanedrin*, tangurí. Enendo Juda unipare ronda yereyangurí. ^j 22:3 “iŋo-iŋo rewero uni 12” ŋuko Yesu rokó yirini topé-topé horé tunoqangurí. ^k 22:7 “Bret Yisiyó Moré Kini quro o ne-ne” ŋuro iŋo-iŋo mande ŋu Luk 22:1 tapémo ŋuno yote qu weyo qembe. ^l 22:11 “iŋo-iŋo rewero uni” ŋundo Yesu koya uyaro iŋo-iŋo rondaqe yunoyaró. ^m 22:11 “Taka yereró quro o ne-ne” ŋuro iŋo-iŋo mande ka Luk 22:1 tapémo ŋuno yote qu weyo qembe. ⁿ 22:14 “asá yerewí uni” ŋuko Yesuko rokó yerero asá yirini eneŋo khayó tangurí. ^o 22:14 Ŋu naruko ŋuno uni kumimbo o neyango quono ŋuno kama kunditanŋurí. Kini, enendo yakutimo piŋoye etero kande tesina rondaqero ŋunde sanáqero kande kondésinambo o nangurí.

yimiraró, “No kowe surumí korowowe teteno. Quko koretero no yeya Taka yereró quro o ne-ne ña newato ñuro kondé iñanowó. ¹⁶Dokoro no ye yimiroteno, no kañuya kama newano, yate-yate Anutuko unipareyó wiri yereyote naruyómo^p ñuno o ne-ne ñaro muríyó hamó tunoqeweya quno, ñuno nanje kañuya newano.”

¹⁷Ko topa ka rero, Anutu yungunañoro ñande yimiraró, “Ye soso enemo-enemo wain ña ni. ¹⁸Dokoro no ye yimiroteno, wain kañuya kama newano, yate Anutuko unipareyó wiri yereyote naruyó ñu tunoqeweya quno, ñuno nanje kañuya newano.”

¹⁹Ko bret ka rero, Anutu yungunañoro romboñero yunoro ñande yaró, “Ñako neneño kowene. Nondo re yeño rototeno. Ye ñu neyowaño quno ñuno neneño iñoyí qembe.”

²⁰Asa o ne-ne ñu kini tiníqo, topa ka rero ñunde nanje yaró, “Wain ñako sitúnembo mande kondé keta ñu reweya qu. Nondo yeño windoroñowe teteno. ²¹Quko qeni, uni kato nore uni kandeyemo norotoweya, ko eneño kandí muko neneño kandenemboya yakutímo ñano yote. ²²Hamó, Unindoro Nañuní ñu^q Anutuko ore rokóñaró ñu howeweya. Quko uni rero kandeyemo rotoweya ñu, iniyaqe, quhurí piyimi korowoweya.”

²³Ñunde yiní iño-iño rewero uni ñundo epe mito-mito ñande tañgurí, “Dando o ñu teweya?”

Iño-iño rewero uni ñundo owé parámi rewero kiro mande yañgurí

²⁴Asa iño-iño rewero unindo^r mañgoto kuma tero danimboko koretero yoweya. ²⁵Quko Yesuko ñande yimiraró, “Uni wini meyowomboro wiri yerete uni ñundo eneño owéye parámi ñuro iñoro unipare sopo yereyotenggo. Ko uni parámiyembo eneño owéye hokoro ñande yeyotenggo, ‘Nore o meté tero unipare samaka yereyoteto.’ ²⁶Quko ye ñunde ma tewero. Kini, ye keweroyemo ñuno uni parámi soso simó ta-ta ñunde qembe ti. Ko uni ka owé parámi moré ñundo kho uni ñunde qembe ti. ²⁷Qeni, uni ka etero o qímboro nete,^s ko uni ka sunará tero inote. Asa ye date iñotenggo, danimboko meyowo takayote? Uni sañáqero o nete ñundo sunará simó takate, hamómbe? Quko qeni, no ye keweroyemo sunará simó ñunde qembe yoteno. ²⁸Yendo noya kañeyate quhurí korowoyatowó. ²⁹Asa Awanembo no rokó nerero owé parámi nunaró, ko nondo ñunde nanje ye rokó yerero owé parámi yunoteno. ³⁰Ñunde tero yeya noya uniparene wiri yereyoteno naruyómo ñuno kunditero o qoyembo newaño. Ñunde tero ye yakutí meté muno ñuno kunditero Israel koro wini 12 ñu ronda yerewaño.”

^p 22:16 “Anutuko unipareyó wiri yereyote naruyómo ” ñuno iñondutu unipareko hamó Anutu kusuyoyómo yowaño. ^q 22:22 “Unindoro Nañuní ” ñuko Yesu nanje. ^r 22:24 “iño-iño rewero uni ” ñundo Yesu koya uyaro iño-iño rondaqe yunoyaró. ^s 22:27 Ñu naruko ñuno uni kumimbo o neyaño quno ñuno kama kunditañgurí. Kini, enendo yakutímo piñoye etero kande tesina rondaqero ñunde sañáqero kande kondésinambo o nangurí.

Yesuko Pitako wawa mande yeweya ŋuro yaró
(*Matyu 26:31-35; Mak 14:27-31; Jon 13:36-38*)

³¹Asa Yesuko ŋande yaró, “Saimon, Saimon, ijo. Monimbuko Anutu ŋande oseseyaró, meté enendo ye yorero wit koro enge ŋuya wit koro kowí ŋuya ŋunde qembe ronda yereweya. ³²Quko no keŋo hariri tewe ke iŋondutuke^t ŋu kama rotoyi umbuweya. Ko ke rohoréŋo maheweya quno ŋuno, topo-topoke ŋu samaka yere qembe.”

³³Yini ŋande yaró, “Uni Parámi, no meté keya kusi-kusi yano uyarewero ye iŋoteno. Ko no keya khumowero yero iŋoyoteno ŋa.”

³⁴Yini ŋande yaró, “Pita, no ke kimirowe teteno, itaka suwonoko kotori kama yeyoní ke naru kapusa neneŋo wawa yeweya.”

Iŋo-iŋo rewero uni ŋundo o kumi siyo roŋgaruwaŋguri

³⁵Asa Yesuko iŋo-iŋo rewero uniyó^u ŋande yimiraró, “Komo, naru ŋuno ye kho tewero asá yerewe toŋeŋguri quno ŋuno mone koro puŋge koneyó ka ko puŋge parámi ka ko khe punu-punu ŋu soso kama se towo toŋeŋguri. Iŋu naruko ŋuno ye okarope tukuni taŋgurímbe ma kini?”

Ko ŋande yaŋguri, “Kini.”

³⁶Asa ŋande yimiraró, “Quko itaka ŋano uni ka mone moré, ma puŋgeyó moré tiniŋo, ene meté ŋu reweya. Ko uni ka suke parámi moré kini tiniŋo, ene meté kowe punu-punuyó soweyoro suke parámi ka kimo teweya. ³⁷Dokoro sokomeko ŋuno ŋande nakayáŋaró, ‘Uni ŋundo hutuŋo mande’ wendaqeyote yero qeneyoteŋgo.”^w Ko nondo ye yimirowe, unipareto otete ŋu nono tewauŋgo, dokoro o soso Anutu koro sokomeko teweya yaró ŋuko hamó tunoqeweya.”

³⁸Yini ŋande yaŋguri, “Uni Parámi, qeno. Nore suke parámi irisa ŋano yorote.”

Yi ŋande yimiraró, “Iŋu koro ŋu,” yaró.

Yesuko mira purí Oliv ŋuno hariri taró
(*Matyu 26:36-46; Mak 14:32-42*)

³⁹Asa Yesuko ya rotoro eneŋo murí howero mira purí Oliv ŋuno oní iŋo-iŋo rewero uniyó^x ŋuya howero oŋguri. ⁴⁰Oro ŋusinauŋgo mahero ŋande yimiraró, “Ye kondé toŋeteya hariri ti qembe. Yate ye osese kano umbuwaŋgo koro.” ⁴¹Yero yorotoro soŋga ta mira kapiyamo toŋero potoruku tero hariri ŋande taró, ⁴²“Awa, ke iŋo nunoyaŋgo, topa

^t 22:32 “iŋondutu” ŋuko ŋandiro, asa unipareto ŋande kondé ye iŋoyoteŋgo, ko Anutuko meté sopo yereweya. ^u 22:35 “iŋo-iŋo rewero uni” ŋundo Yesu koya uyaro iŋo-iŋo rondaŋge yunoyaró. ^v 22:37 “hutuŋo mande” ŋuko komo suki Anutuko Sainai purímo Moses inoní Israel unipare yunaró. Mande ŋuko Juda uniparetoro yoto-yotoye soso sopoyaró. ^w 22:37 Aisaia 53:12 ^x 22:39 “iŋo-iŋo rewero uni” ŋundo Yesu koya uyaro iŋo-iŋo rondaŋge yunoyaró.

newano ŋa reka toŋiní. Quko ijo-ijone ma howewero. Kini, keŋombo na te qembe.” ⁴³Ŋunde yiní sambo simó^y kato umburo wimbu inoro samakaŋaró. ⁴⁴Quko Yesu sorero newonde quhurí horé tero hariri parámi taró. Ŋunde tero soŋo-soŋo uroní sitú qembe nokono tinda-tinda soraró.

⁴⁵Asa hariri tiní kini tiní kaŋero uyare ijo-ijo rewero uniyó yiyoní eteyango, dokoro newonde quhurí towaŋgurí. ⁴⁶Yiyoro ŋande yimiraró, “Ye date koro eteyoteŋgo? Otoqo hariri ti. Osese kano ŋuno umbuwaŋgo koro.”

Jutasko Yesu re uni kandeyemo rotaró

(*Matyu 26:47-56; Mak 14:43-50; Jon 18:3-11*)

⁴⁷Asa Yesu mande yeyoní naŋge uni qambu mahęgurí. Mahero Jutas, ijo-ijo rewero uni 12^z qu kato koretero mahero Yesu taŋgímo mahero towo mutó inaró. ⁴⁸Quko Yesuko ŋande oseseyaró, “Jutas, kepe Unindoro Naŋuní mutó inoro kandeyemo rototepe?”

⁴⁹Ijo-ijo rewero uniyó Yesu koya yateqo o ŋu tunoqiní qenero yaŋgurí, “Uni Parámi, ke ijoka nore sukepo kumi ka yurato?” ⁵⁰Ŋunde yero ijo-ijo rewero uniyó kato otoqoro o qa-qa unindoro tapá unindoro sunará simó qu ka sukepo uoro kusumbí kandí kondéwore qu takaní umburó.

⁵¹Quko Yesuko ŋande yaró, “Ŋu ma tewero! Roto!” yero kandí rero kusumbímo riní meté taró.

⁵²O qa-qa unindoro tapá unindoya Ya Surumímboro sopo-sopo unindoya uni kembé-kembémboya Yesu towowero mahęgurí. Mahi ŋande yimiraró, “Yendo no wiri yerete unindoya kuma teyoteno ŋundiro suke parámi, usú siyoro nono maheteŋgo, peka? ⁵³Naru rokóŋo Ya Surumímboro hoŋgo quroko ŋuno nondo yeya kaŋero mande rondaqe yunoyanowó. Quko ŋu naruko ŋuno kama nondowaŋgurí. Enina, itaka ŋanoko yeŋo naruye. Itaka huririko wimbí tete.”

Pitako Yesu koro wawa mande yaró

(*Matyu 26:57-58,69-75; Mak 14:53-54,66-72; Jon 18:12-18,25-27*)

⁵⁴Asa uni ŋundo Yesu re toworo uyaro o qa-qa unindoro tapá unindo yano oŋgurí. Oyi Pita ŋuya yohowe oró, quko ene soŋga ta kapiyamo yora. ⁵⁵Uni kumi ya ŋuro hoŋgo quroko kewá qaro kunditeyaŋgurí. Ko Pita ŋuya keweroyemo ŋuno ŋuya kunditeyaró. ⁵⁶Kunditiní sunará pare kato qeniní ŋuno te roko ŋuno kunditeyoní kondé qenero ŋande yaró, “Ŋa uni ŋako Yesu koya yorari qu ka,” yaró.

⁵⁷Yiní wawa yero ŋande yaró, “Pare, no ŋu kama ijo inoteno,” yaró.

^y 22:43 “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka enęjo sunará teyoteŋgo. ^z 22:47 “ijo-ijo rewero uni 12” ŋuko Yesu rokó yiriní topé-topé horé tunoqanęgurí.

⁵⁸Ko yate uni kato qenero n̄ande yaró, “Ke n̄uya uni n̄uro wini qu ka.”
Yiní Pitako n̄ande yaró, “Topo, no kini.”

⁵⁹Naru son̄ga piru ta n̄unde rotoro meyowo ka mande wimbí kondé
n̄ande yaró, “Hamó horé, uni n̄a eneya yora. N̄uko Galili uni nan̄ge n̄u.”

⁶⁰Quko Pitako n̄ande yaró, “Topo, ke mande yete n̄uko no kama
in̄oteno.” N̄u mande yeyoní nan̄ge kotori yaró. ⁶¹Yiní Uni Parámi
rohoréno Pitawore ton̄jetaró. Ko Pitako Uni Parámimbo, “Itaka suwono
n̄ano kotori kama yeyoní keto naru kapusa neneño wawa yeweya,” komo
yaró n̄u in̄jaró. ⁶²N̄uro in̄joro mirako uro tendo piyimi taró.

Uni pará-parámbo Yesu re mande khono rotan̄gurí

(*Matyu 26:59-68; Mak 14:55-65; Jon 18:19-24*)

⁶³Asa unindo Yesu toworo huwó mande ye inoro uran̄gurí. ⁶⁴Utoro
tuwipo ton̄jí wisumun̄oro n̄ande oseseyan̄gurí, “Ke itaka ye-ye mande ye.
Uni n̄undo kurote n̄uko dani ka?” ⁶⁵Ko mande enesó-enesó piyimi horé
yero yesar̄an̄gurí.

⁶⁶Asa kosa ton̄jí ran̄oní uniparetoro uni kembé-kembéye, asa o qa-qa
unindoro tapá unindoya hutun̄o mande n̄uro in̄o-in̄o unindoya^a mahero
kopan̄gurí. Yesu re Sanedrin huru-huru^b n̄uno uyaro n̄ande yan̄gurí,
⁶⁷“Nimitoka in̄gato. Kepe Kristo^c n̄umbe ma kini?”

Quko enepa nan̄ge n̄ande yimiraró, “N̄unde yimiroweqo, yendo
in̄ondutu kama tewan̄go. ⁶⁸Ko no mande karo osese yereweqo, mandene
n̄u topé kama tewan̄go. ⁶⁹Itaka naru n̄a non̄go yate-yate Unindoro
Nan̄uní n̄u^d Anutu wimbí moré n̄uro kandí kondésina kunditiní
qenewan̄go.”^e

⁷⁰Yiní uni soso n̄ande oseseyan̄gurí, “Keñomboko peka Anutu koro
nan̄uní peka?”

Yi n̄ande yimiraró, “Yeñombo yeten̄go n̄u nan̄ge.”

⁷¹Yiníqo, n̄ande yan̄gurí, “Do karo uni kan̄yua neko yereto quhuríño
n̄uro yesowowan̄go? Eneño mandímbo n̄unde yesowoyote n̄u.”

Yesu re uyaro Pailat ton̄jimo mande kho inan̄gurí

(*Matyu 27:1-2,11-14; Mak 15:1-5; Jon 18:28-38*)

23

¹Asa uni soso otoqoro Yesu re Pailatko^f n̄uno uyaren̄gurí.

²Uyaro n̄uno mande piyimi n̄ande yan̄gurí, “Uni n̄a noreño

^a 22:66 Uni soso n̄undo Juda koro huru-huru parámi ka, owí *Sanedrin*, tan̄gurí. Enendo
Juda unipare ronda yereyan̄gurí. ^b 22:66 “*Sanedrin*” n̄uko uni kembé-kembéboro
huru-huru ka. Enendo Anutu koro *hutun̄o mande* sopro Juda unipare sopo yereyan̄go.

^c 22:67 “*Kristo*” n̄uko Anutuko rokónoní maheweya n̄u. ^d 22:69 “*Unindoro Nan̄uní*” n̄uko
Yesu nan̄ge. ^e 22:69 Daniel 7:13 weyo qembe. ^f 23:1 “*Pailat*” n̄uko *Rom* uni ka. Rom
koro wiri yerete uni parámi n̄undo Pailat owé parámi inoní enendo Judia mira sopoyaró.

wininanimboro ijo-ijoye roworemoyote. Ŋundo uni ka Sisa^g takis inowero soré yereyote. Ko, ‘Kristo ŋuko no,^h wiri yerete uni ka,’ yeyote.”

³Ŋunde yi Pailatko oseseyaró, “Kepe Juda uniparetoro wiri yerete uni ŋumbe, ma kini?”

Yini mande topé ŋande yaró, “Keŋombo ŋunde nanŋe yete.”

⁴Asa Pailatko o qa-qa unindoro tapá uni ŋuya unipare qambu ŋande yimiraró, “No uni ŋaro potó ka kama qenetenó,” yaró.

⁵Quko mande kondé ŋande yaŋguri, “Ŋundo mande rondaqe unipare soso Judia mirako yoteŋgo qu yunoní newondeye otoqoyote ŋu. Galili noŋgo hurí tero, yate-yate ŋano mahete.”

Yesu re uyaro Herot toŋímo mande kho inaŋguri

⁶Asa Pailat mande ŋu iŋoro osese yereró, “Ŋuko Galili noŋgo qu, hamómbe?” ⁷Herotkoⁱ Yesu ŋuro mirayó soparó. Asa ko Pailatko asáŋoní Herotko ŋuno uyaró. Ŋu naruko ŋuno Herot Yerusalem ŋuno yora.

⁸Asa Herotko Yesu qenero niŋgu-niŋgu parámi taró. Dokoro ene ŋuro piŋa mande iŋoro, naru parámi qenewero ye iŋaró. O wimbí moré ka^l towoníka qenewe, ye iŋaró. ⁹Asa mande parámi yero oseseyaró, quko Yesuko mande topé ka kama taró. ¹⁰O qa-qa unindoro tapá unindoya hutuŋo mande ŋuro ijo-ijo unindoya^k mahe kutaqe kaŋero mande piyimi kondé ye inaŋguri. ¹¹Asa Herot koya kuma uniyómboya huwó mande ye inoro kundo tero tuwi meté horé piru ka re mahero kusiyo inoro, pitu ko asáŋoní Pailatko ŋuno uyaró. ¹²Komoko Herot koya Pailat koya saŋgiri teyariyó. Quko ŋu naruko ŋunoko topo tariyó.

Pailatko Yesu tipiririko urowaŋgo ŋuro yaró (Maty 27:15-26; Mak 15:6-15; Jon 18:38–19:16)

¹³Asa Pailatko o qa-qa unindoro tapá unindoya uniparetoro uni pará-parámboya unipare qambu ŋu neko yirini mahiqo, ¹⁴ŋande yimiraró, “Yendo uni ŋu re mahero ŋande yeteŋgo, ko ene unipare soso yowosoní Sisa^l koro mandí wendaqeyoteŋgo. Iŋoyi, nondo toŋeyemo oseseyoteno,

^g 23:2 “Sisa” ŋuko *Rom* koro wiri yerete uni parámi ŋu. Rom unindo mirane-mirane wini soso sopo yerero ene moŋgo takis siyaŋguri. Juda uni kumimbo takis ŋuro hamó piyimiŋoyanŋuri, dokoro Sisa kasirayómo yowero ŋuro piyimiŋoyanŋuri. ^h 23:2 “Kristo” ŋuko Anutuko rokóŋoní maheweya ŋu. ⁱ 23:7 “Herot,” owí kako “Antipas,” ŋundo Galili mira sopo yereró, quko enendo *Rom* koro wiri yerete uni parámi kasirayómo yora. Wiri yerete uni parámi ŋundo owé parámi ka Herot inaró. Komo Herot koro iwímbo Juda unipare soso wiri yiriniqo, Mariako Yesu pisiyaró. ^j 23:8 “o wimbí moré” ŋuko o enesó-enesó tunoqini Anutu koro wimbí ŋunde tunomo yoweya. ^k 23:10 Uni soso ŋundo Juda koro huru-huru parámi ka, owí *Sanedrin*, taŋguri. Enendo Juda unipare ronda yereyanŋuri. ^l 23:14 “Sisa” ŋuko *Rom* koro wiri yerete uni parámi ŋu. Rom unindo mirane-mirane wini soso sopo yereŋguri.

potóŋo moré kini qeneteno. ¹⁵Herot^m ŋuya ŋundiro nanŋe, dokoro riní pitu ko noreno mahete ŋa. Iŋoyi, uni ŋu oka kama ta qu re urato khumoweya.

¹⁶Ŋunde ŋuroko nondo kina haususuworo rotowe toŋeweya.” ¹⁷(-)ⁿ

¹⁸Ŋunde yini unipare soso neko kiwero ŋande yaŋguri, “Uni ŋu rika Barapas rotoyika noreno mahini,” yaŋguri. ¹⁹Komo Barapas ŋuko yendé parámimo ŋuno Sisa koro mandí wendaqero kuma riní otoqaró. Uni yuroní khumoyi rero kusi-kusi yano rotanŋuri.

²⁰Asa Pailatko Yesu rotowero ye iŋoro pitu ko ŋande yimiraró, “Rotoweka toŋini,” yaró. ²¹Quko ki parámi tero yeyanŋuri, “Re tipiririko^o uroyi! Re tipiririko uroyi!”

²²Yeyuri, naru kapusayómo ŋande yimiraró, “Do karo? Do o piyimi ka ta quro? No o piyimi ka kama ta qu genero ŋuro date urato khumoweya. Ŋunde ŋuroko nondo kina haususuworo rotowe toŋeweya.”

²³Ŋunde yaró, quko enendo wimbí tero, ki parámi tero, tipiririko uroyika khumoní, yaŋguri. Neko kiweyanŋo ŋundo Pailat koro mande qu ri umburó. ²⁴Ŋunde ŋuroko Pailatko mandeye ŋu howaró. ²⁵Uni ŋundo, kuma tero uni yuroní khumanŋuri mu kusi-kusi yano yora, komo unipareto ŋu rewero kiwanŋuri, ŋu Pailatko rotoní toŋeró. Ko Yesu rero uniparetoro iŋo-iŋoye howero kuma uni kandeyemo rotaró.

Yesu tipiririko uranŋuri

(*Matyu 27:32-44; Mak 15:21-32; Jon 19:17-27*)

²⁶Asa kuma unindo Yesu re uyaroqo, uni ka ŋuya towanŋuri. Uni ŋu Sairin yendé moŋgo, owí muko Saimon. Enendo siku noŋgo mahero yendémo owero taró. Asa uni ŋu toworo tipiriri re inoyi koroworo tukú Yesu howaró.^p ²⁷Unipare parámi howero pare qambu tendo mukuru tanŋuri. ²⁸Ŋunde tiqo, Yesu rohoréŋoro yimiraró, “Ye Yerusalem pare, ye neneŋo ma tendowero. Yeŋomboro ko simóyemboro tendi. ²⁹Iŋoyi, imemo naru piyimi ka tunoqeweya. Ŋu naruko ŋuno ye ŋande yewanŋo, ‘Pare kusimi ŋu, pare simó kama pisiyanŋo qu, pare simó susu kama yunoyanŋo qu, ye meté horé yotenŋo.’ ³⁰Ŋu naruko ŋuno

^m **23:15** “Herot,” owí kako “Antipas,” ŋundo Galili mira sopo yereró, quko enendo Rom koro wiri yerete uni parámi kasirayómo yora. Wiri yerete uni parámi ŋundo owé parámi ka Herot inaró. Komo Herot koro iwímbo Juda unipare soso wiri yiriniqo, Mariako Yesu pisiyaró. ⁿ **23:17** Komo suki Lukiko mande soso ŋa nakayánaró, ko imemoŋgo uni meyoowo peka mande kaŋuya ŋano sowe taró. Mande ŋuko ŋandiro: ¹⁷ “Asa o ne-ne naru parámi soso ŋunoko Pailatko kusi-kusi uni kanata ka re rotoní unipareko uyaró.” ^o **23:21** “tipiriri” ŋunde quko wiri yerete uni kumimbo eneŋo uni sanŋiriye yorero ŋuno uroyi khumoyanŋuri. ^p **23:26** “tipiriri” ŋunde quko tatá suruŋo nokono raŋoro piŋo papare ka koreko kusiyoro uni ŋuno porowoyanŋuri. Naru rokóŋoro uni tipiririko ŋuno khumoweya ŋuko papareyó re koroworo khumowero quro mirayómo ŋuno uyareŋguri. Ŋunde quko Yesuko kowe surumí parámi tero koroworo mepémo kini.

“unindo mira purí ñande kirayowaŋgo,
 “Ye nore saŋano umbu raŋoyi!”
 ko mira purí tomó ta-ta ñuya kirayowaŋgo,
 “Ye nore weyo yiri!””

31 “Dokoro itaka, te ñuko sitúŋo moré tete qunoko ñandiro teteŋgo. Imemoŋgo, te ñuko sitúŋo moré kini, hari teweya qunoko date tewaŋgo?”

32 Asa uni irisa komo o piyimi teyari ñuya yorero, Yesu koya yuratoka khumori, yero mahenŋurí. 33 Mahero mira ka owí muko Kembémboro Wimbí ñuno mahero Yesu re tipiririko porowaŋgurí. Utoro uni piyimi irisa ñuya tipiriri irisa ñuno poro yerenŋurí, ka kandí kondésina, ka kandí tesina porowaŋgurí. 34 Ko Yesuko ñande yaró, “Awa, quhuríye se roto. Dokoro oka teteŋgo ñaro murí kama iŋoyi tondaŋete.” Kuma unindo kowe punu-punuyó ñu rondaŋe siyowero quro kundo ka taŋgurí.

35 Unipare kaŋero toŋetiŋo, uni pará-parámbo huwó mande Yesu koya ñande yeyaŋgo, “Ñundo uni kumi rambaruru koŋgo yoraró. Asa ene hamó Anutu koro Kristo ñu, uni Anutuko rokóŋaró ñu tiníkaŋo, asa rambaruru ña takaní.”

36 Kuma unindo ñuya Yesu koro huwó mande ye inaŋgurí. Ene kutaqemo ñuno mahero, wain oŋgomi re inoro 37 ñande yaŋgurí, “Asa ke Juda koro wiri yerete uni tiníkaŋo, asa keŋo rambaruru ña taka.”

38 Ko mande ka nakayáŋoro tipiriri suwómo raŋgurí. Mande ñuko ñandiro, “Uni ñako Juda Uniparetoro Wiri yerete Uni ñu.”

39 Asa uni irisa se poro yerenŋurí qu kato Yesu ñande yesaráŋaró, “Kepe hamó Kristo ñumbe? Asa keŋombo keŋo koweke samakaŋoyaŋo, nore ñuya samaka nere.”

40 Quko meyowo ñundo qene yero ñande miraró, “Ke ñuya topé piyimi ñunde qu rete. Asa dokoro Anutu koro kama sorete? 41 Noreko quhurí uni koro kimoyó meté retero. Quko uni ñako quhurí ka kama taró.”

42 Yero ñande yaró, “Yesu, ke unipareke wiri yereyote narukemo oweya qunoko, ke neneŋo iŋo qembe.”

43 Yiní Yesuko ñande miraró, “No hamó ke kimiroteno, itakako ke noya paradais⁴ ñuno yowaro.”

Yesu khumaró

(*Matyu 27:45-56; Mak 15:33-41; Jon 19:28-30*)

44 Asa kosa keweroko mira soso huriri teyate suwoya 3 kilok ñunde taró. 45 Ko tuwi parámi Ya Surumí quroko qu porowoyaró,^r ñu kosaŋero

⁴ 23:43 “paradais” murí muko ñandiro: noko meté horé mu. ^r 23:45 “tuwi” ñuko Ya Surumí quroyómo Wembó Surumí koya Wembó Surumí Horé keweroyarimo yora (Toŋenŋurí 26:31-33; 40:21 weyo qembe). Juda unindo ñande ye inaŋgurí, ko Wembó Surumí Horé muno ñuno Anutuko kunditeyara, quko tuwi ñuko wisumuŋaró, unipareto oweró mepémo kini.

tuwi irisa tunoqaró. ⁴⁶Ko Yesu kondé kiwero ñande yaró, “Awa, no yuqane kandeke mo reteno.” Ñunde yeroqo yuqayó rotoro khumaró.

⁴⁷Asa kuma unindoro sopo-sopo uni^s ñundo ñu qenero Anutu owí hokoro ñande yaró, “Hamó horé, uni ñuko roneneñowí mu nanje,” yaró. ⁴⁸Ko unipare qambu qenewero mahengurí ñundo o ñu qenero newondaye surumí tiní nomoye utoro roto toñengurí. ⁴⁹Quko Yesu koro topé-topé ñuya pare Galili nonjo ñu howe mahengurí ñuyako kapiyamo kanjero o ñu soso qenemukangurí.

Josepko Yesu re tapuñaró

(*Matyu 27:57-61; Mak 15:42-47; Jon 19:38-42*)

⁵⁰Uni pará-parámboro huru-huru koro uni ka owí Josep ñu yora. Ñuko uni meté, uni roneneñowí^t qu ka. ⁵¹Enendo Juda uni kembé-kembémboro iño-iñoje ñuro kama metéñaró. Eneko Arimatea nonjo qu, asa Juda koro yendé qu ka, ko Anutuko unipareyó wiri yereyote naruyó^u ñuro sopoyaró. ⁵²Asa uni ñu uyaro Yesu ukúño rewero Pailat kirayoní Pailatko meté yaró. ⁵³Ñunde yiní Yesu ukúño re umburo tuwi kekere sara-sara qundo pokamoro re uni tapu kano^v ñuno raró. Komo uni tapu ñu wondo wekokoro towaró, ko uni ka re ñuno kama tapuñoyango. ⁵⁴Naru ñuko Ronjaruwowero Naru,^w ko naru tapuñaró quno ñuno Sapat naru ñu tunoqewero taró ñu.

⁵⁵Asa pare komo Galili rotoro Yesu koya mahengurí ñundo Josep howero uyaro uni tapu ñu qenengurí. Ko ukúño re dano rotaró ñu ñuya qenengurí. ⁵⁶Qenero yayemo toñero kiruwó meté-meté nunjurí mu se ronjaruwangurí. Ronjaruworo, yate Sapat naruko koro mande kondé ñu howero imaqañgurí.^x

Yesu uni tapu konjo pitu ko otoqaró

(*Matyu 28:1-10; Mak 16:1-8; Jon 20:1-10*)

24 ¹Asa sonda naru korete quno ñuno ita sarañoní suwo-suwo, pare ñundo o enesó-enesó nunjurí meté mu ronjaruwangurí ñu se uni tapuko mahengurí. ²Se mahiqo, wondo parámi ñu uni tapu^v ñuro makoyó

^s 23:47 “kuma unindoro sopo-sopo uni” ñuko *Rom* uni ka, enendo kuma uni 100 sopo yereró. ^t 23:50 “uni roneneñowí” ñuko Anutuko qenero potó moré kini tiní eneño uniyó tunoqete. ^u 23:51 “Anutuko unipareyó wiri yereyote naruyómo” ñuno inñodutu unipareko hamó Anutu kusunjoyómo yowango. ^v 23:53 “uni tapu” ñuko wondo yayó nanje. Juda unindo uni khumaró ñu rero wondo yayó huwósina rotoyango. Ñunde rotoro wondo parámi ka rero makoyó wisumunangurí. ^w 23:54 Juda unindo naruye muko ñandiro: kosa pusuniníqota naru keta qu tunoqaró. Asa suwo tiní yate-yate ita sarañoní yate-yate suwo pitu ko taró, ñuko naru kanata ka. Asa koretero “ronjaruwowero naru” ñu tunoqiní, yate *Sapat naru* taró. ^x 23:56 *Sapat naruko* ñuno Juda unipareto kho ka tewero mepémo kini. ^y 24:2 “uni tapu” ñuko wondo yayó nanje. Juda unindo uni khumaró ñu rero wondo yayó huwósina rotoyango.

wisumuŋguri, ŋuko tapémo yaró. ³Ŋu genero wondo ya quroyómo oro Yesu Uni Parámimboro ukúŋo kama qenenguri. ⁴Ŋuro iŋondata teyuriqo, uni irisa tuwiyari sine parámi tiní tanŋeyemo ŋuno kaŋariyó.

⁵Asa pare ŋu sorero nokono umbu eti ŋande yimirariyó, “Ye dokoro uni yoto-yotoyó moré mu uni khumuŋguri ŋuro yendémo ŋano mahe seqateŋgo? ⁶Ŋano kama yote; otoqa! Komo ene yeya Galili yaró quno ŋuno mande ka yimiraró. Ŋu iŋi. ⁷Ŋande yimiraró, ‘Ŋambe hamó tunoqeweya, ko uni kato Unindoro Naŋuni ŋu^z rero quhurí uni kandeyemo riqota tipiririko urowaŋgo. Ko naru kapusa quno pitu ko otoqoweya.” ⁸Ŋunde yiriqo, mande komo iŋaŋguri ŋu pitu ko iŋaŋguri.

⁹Asa uni tapu yendé ŋu rotoro pitu ko yano mahero iŋo-iŋo rewero uni ¹¹a ŋuya unipare soso ŋuya o tunoqaró ŋuro yimiranŋuri. ¹⁰Pare ŋuko Maria Maktala yendé moŋgo qu, Joana, Maria ŋuko Jems koro nimí, pare kumi ŋuyako mande ŋu asá yerewí uni^b ŋu yimiranŋuri. ¹¹Yimiroyiyo, mande kape-kape naŋge, ye iŋoro kama iŋondutuwoyanŋuri. ¹²Quko Pitako otoqoro kheŋgeŋoro uni tapuko uyaro kondéqero tuwi ukúŋo pokamaró ŋu kina yoní qeneró. Qenero roto toŋero o soso ŋuro iŋondata parámi teyaró.

Yesuko uni irisa Emeus koro kheko ŋuno mande yaŋguri
(Mak 16:12-13)

¹³Asa kosa naru ŋuno naŋge, iŋo-iŋo rewero uni^c irisa khendo yendé tomó ta ka, owé Emeus, ŋuno uyaririyó. Ore ŋuko Yerusalem rotoro Emeus ŋuno uyarewero, ore ŋuro piruyó muko kilomita 11 ŋundiro. ¹⁴Asa khendo uyareyate o soso tunoqaró ŋuro epe mito-mito tariyó. ¹⁵Ŋunde tiri Yesu enepa naŋge kutaqe ŋuno mahero uni irisa ŋuya kopo uyareŋguri. ¹⁶Quko toŋeyari wisumuŋoní kama iŋo inariyó.

¹⁷Asa enendo ŋande osese yereró, “Yari do karo epe mito-mito tero uyareyotiri?”

Ŋunde yini ŋuno kaŋero newonde surumí tero umu-kembayari piyo taró. ¹⁸Kako, owí Kiliopasi, ŋundo mande topé yaró, “Kepe itaka Yerusalem mahero o soso tunoqa ŋumbe kama iŋote?”

¹⁹Yini ŋande osese yereró, “Ŋu do ka?”

Yini mande topé yariyó, “O soso Yesu Nasaret yendé moŋgo uni ŋuro tunoqaró ŋu. Eneko ye-ye uni ka, Anutu toŋímo ko unipare toŋeyemo kho wimbí, mande kondé teyara. ²⁰O qa-qa unindoro tapá unindoya noreŋo uni pará-parámboya re Rom uni kandeyemo ri topé piyimi inoro tipiririko uroyi khumaró. ²¹Komo ŋande yero iŋatowó, ŋuko uni

^z 24:7 “Unindoro Naŋuni” ŋuko Yesu naŋge. ^a 24:9 “iŋo-iŋo rewero uni 11” ŋuko Yesu uni 12 rokó yirini topé-topé horé tunoqanŋuri, quko Jutas roto toŋeró. ^b 24:10 “asá yerewí uni” ŋuko Yesuko rokó yerero asá yirini enego khayó tanŋuri. ^c 24:13 “iŋo-iŋo rewero uni” ŋundo Yesu koya uyaro iŋo-iŋo rondaqe yunoyaró.

maheweya ηundo Israel unipare kimo yereweya,^d ye iηatowó. Ko o soso ηu yaηe naηge tunoqaró. ²²ηuya noreηo pare kumimbo yi newondenani uraró. Ita saraηoní suwo-suwo eneηo uni tapuyómo ηuno uyaro ²³ukúηo ηuno kama qeneηgo. Pitu noreno mahero ηande yaηgo, ‘Nore kapoko sambo simó^e yiyato ηande yetiri, “Enendo yoto-yoto yote.”’ ²⁴ηunde nimiroyi uni kumi keweronani moηgo uni tapuko uyaro pareto yaηgo ηunde naηge qeneηgo. Quko eneηo muko kama qeneηgo.”

²⁵ηunde yiri ηande yimiraró, “Yari iηo-iηoyari moré kini tero newondeye kusiyote. Anutu koro ye-ye unindo mande yaηgurí ηu kama iηondutuwoyotiri, peka. ²⁶Date koro? Kristo ηuko^f koretero quhurí korowoníqota, imemoηgo Anutuko owé parámi inoweya. ηumbe iηariyómbe ma kini?” ²⁷ηunde yero enendo sokome Mosesko nakayáηaró quya sokome Ye-ye Unindo nakayáηaηgurí quya eneηomboro mande murí sokomeko^g yote ηu soso ηuro yesowaró.

²⁸Asa yate yendémo uyarewero uyaririyó muno ηuno tapémo yotoro enendo yorotowero taró. ²⁹Quko irisa ηundo kusiyoro ηande yariyó, “Suwo tewero kosa pusuηete. ηunde ηuro noreya yoto.” ηunde yiri uni irisa ηuya yaηgurí.

³⁰Asa o qoyembo newero kunditero enendo bret siyoro puriηo yero romboηero yunaró. ³¹ηunde tiní, toηeyari hiyóqini, Yesu iηo inariyó. ηunde tiní waka ta toηini qenewero mepémo kini. ³²Tiní epe mito-mito tariyó, “Hamó, nore khewore maheyaro sokome koro mande rondaqe nimironíqo, newondenari ura!”

³³ηunde yero waka ta otoqoro Yerusalem uyaro iηo-iηo rewero uni ¹¹ηuya topoyemboya kopañgurí quno ηuno uyaririyó. ³⁴Unipare ηundo ηande yimirañgurí, “Hamó horé, Uni Parámi ηuko pitu otoqoro Saimonko tunoqa!” ³⁵Ko enepa naηge o kheko tunoqa ηuro yimirariyó. Ko ηande yariyó, “Bret ηu romboηe nunoníqota nore qene iηaro,” yariyó.

Iηo-iηo rewero uni ηundo Yesu qeneηgurí
(*Matyu 28:16-20; Mak 16:14-18; Jon 20:19-23*)

³⁶Asa irisa ηuya yeyuriqo, Yesu keweroyemo ηuno kaηero ηande yaró, “Newonde ime yuri.”

^d **24:21** “*kimo yereweya*” ηuro murí muko ηandiro: unipareto o piyimi kusunoyómo kusiyowí yoteηgo. ηundiro naηge Anutuko kimo tero yorini kina yowango.

^e **24:23** “*sambo simó*” ηuko komo suki-suki Anutuko unipare kama yorini tunoqi sambo simó yondowaró. Ko itaka eneηo sunará teyoteηgo. ^f **24:26** “*Kristo*” - komo suki *ye-ye unindo* Anutuko uni ka rokóηoní mahero wiri yerete uni parámi horé tunoqeweya qu karo yaηgurí. Juda unipareto uni maheweya ηu, “Kristo,” ma, “*Mesaiya*,” ye nekaηgurí. Mande irisa ηuro murí muko “uni rokóηowí” naηge. ^g **24:27** “sokome” ηuko Anutu koro mande korete qu, asa Murí Tero yate Malakai kini tete. ^h **24:33** “*iηo-iηo rewero uni 11*” ηuko Yesu uni 12 rokó yirini topé-topé horé tunoqañgurí, quko Jutas roto toηeró.

³⁷Yini qenero yukuworo, kapo ka, ye ijoro sasaro parami tanjuri. ³⁸Ko nande yimiraró, “Do karo yukuwotengó? Do karo newondeye wimbo-wimbo yote? ³⁹Khe kandene qenoyi. Kapoko sunji, wimbí moré kini.”

⁴⁰Unde yero khi kandi se witu yereró. ⁴¹Witu yirini qenero ninjuningu tero ijondata parami tanjuri, quko ijondutu hamó kama tanjuri. Unde njuroko nande yimiraró, “O newero qu kape nana?” yaró.

⁴²Yini sono qare ka sombé qanjuri mu inanjuri. ⁴³Ju re tonjeyemo naró.

⁴⁴Asa nande yimiraró, “No yeya yoranowó quno njuno nande yimiranowó: mande kumi Moses koro Hutunjo Mande njuya Ye-ye Unindoro mandeye njuya Hariri Yambo njuyaⁱ njuno nenejo nakayanjuri, ko mande soso ju mepémo tunoqeweya.”

⁴⁵Unde yeroqo samaka yirini mande muri mande sokomeko njuno nakayanjuri ju ijoyi tondajaró. ⁴⁶Ko nande yimiraró, “Komo suki sokomeko^j njuno nande nakayanjuri, ko Kristo njundo^k kowe surumi koroworo naru kapusayómo njuno uni tapu konjo otoqeweya. ⁴⁷Otoqoníqo, kumimbo enejo owímo uni wini soso keweroyemo nande yesowowanjo, ko uni kato oteteye piyimi njuro newonde surumi tero newonde rohoréjo tiníqo, Anutuko qhuriye se rotoweya. Asa yendo Yerusalem nana kho kimani tero ⁴⁸o soso najo yesowowanjo. ⁴⁹Ijoyi. Komo Awando mande kusiyoro o meté ka re yunowero yaró. No o meté ju rewe yeno maheweya ju. Quko yendé parámimo nana yurika wimbu kore konjo sanjeyemo umbuweya.”

Yesu samboko oró

(Mak 16:19-20; Asá yerewí Uni 1:1-12)

⁵⁰Asa Yesuko yorero Betani yendé sumeyoro njuno uyaró. Uyaro kandi hokoro purijo re yunaró. ⁵¹Unde re yunoyoni Anutuko rini samboko oró. ⁵²Uni ju potoruku te inoyi kini tini ninjuningu-teru tero pitu ko Yerusalem unjuri. ⁵³Ko naru rokójo Ya Surumímo^l njuno yotoro Anutu owi hokoyanjuri.

ⁱ 24:44 “Moses koro Hutunjo Mande njuya Ye-ye Unindoro mandeye njuya Hariri Yambo” - njuko Anutu koro mande korete qu. ^j 24:46 “sokome” njuko Anutu koro mande korete qu, asa Muri Tero yate Malakai kini tete. ^k 24:46 “Kristo” - komo suki ye-ye unindo Anutuko uni ka rokójoní mahero wiri yerete uni parami horé tunoqeweya qu karo yanjuri. Juda unipareto uni maheweya ju, “Kristo,” ma, “Mesaiya,” ye nekanjuri. Mande irisa njuro muri muko “uni rokójowí” nanje. ^l 24:53 “Ya Surumí” njuko Anutu koro ya qu, njunoko Juda unipareto Anutu koya huruwowero quro hu-hariri teyanjuri.